

প্রভাবে উত্তমপুরুষের বহুবচনেও হ-কার আসিয়া যায়—‘চলসি, চলহি—চলহ’ (< প্রাকৃত ‘চলসি—চলহ’)। অধ্যাপক Jules Bloch ব্যাল ব্লক্ যে উত্তমপুরুষের এই হ-কারকে আগমাত্মক বলিয়া ধরিয়াছেন, একটু অগ্রভাবে আমি তাহার সমর্থন করিতে চাই। শ্রীযুক্ত শহীদুল্লাহের প্রস্তাবিত ‘-অম্হ’ হইতে ‘-অহ্,’ এইরূপ ব্যুৎপত্তি নির্ণয়ের চেষ্টা তাদৃশ স্বদৃঢ় ভিত্তির উপরে প্রতিষ্ঠিত বলিয়া মনে হয় না; কারণ, প্রাকৃত ও অপভ্রংশের ‘-ম্হ’ আধুনিক ভাষার প্রাচীন যুগেও ‘-ম্হ’ রূপেই থাকে, অপভ্রংশের যুগে এই ‘-ম্হ’-এর ‘হ্’ বা ‘হু’তে পরিবর্তন কতকটা আকস্মিক এবং অনপেক্ষিত হইয়া পড়ে। পশ্চিমা অপভ্রংশের এই ‘-হ্’ প্রত্যয়ের সহিত মধ্যযুগের বাঙ্গালার ‘-হ্’ প্রত্যয় সংযুক্ত বলিয়াই মনে হয়; তবে মূলে পৃথক্ হইতে পারে।

[৫] উড়িয়ার উত্তমপুরুষের রূপগুলির সম্বন্ধে এইবার দুটি কথা বলিয়া আমার মন্তব্য শেষ করিব। বর্তমানে উত্তমপুরুষের একবচনে—‘মুঁ করে’, বহুবচনে ‘আন্তে বা আন্তেমনে কর’। ‘মুঁ করে’—এইরূপ চন্দ্রবিন্দুহীন রূপও পাওয়া যায়—গঙ্গাম জেলায় উড়িয়ার। ‘মুঁ করি’—এইরূপ ই-কারান্ত রূপ কোনও ব্যাকরণে পাই নাই, কেবল স্তর জর্জ গ্রিয়ার্সনের Linguistic Survey of Indiaতে আছে; এক ‘মুঁ অছি’—এই ‘অহ্’ ধাতু ভিন্ন অগ্রহ অননুমানিক ই-কারান্ত রূপ সাধারণ উড়িয়ায় অজ্ঞাত; যদি কোনও প্রাদেশিক রূপভেদে মেলে, তাহা হইলে ইহাকে ‘করে’ এই রূপের দ্রুত-উচ্চারণ-জাত বিকার বলিয়াই ধরিতে হইবে। সুতরাং, উড়িয়ার উত্তমপুরুষের একবচনের রূপ হইতেছে—‘করে’ > করে > করি’। ‘করে’, করে, করি’-র উৎপত্তি শ্রীযুক্ত শহীদুল্লাহ্ সাহেব ঠিকই ধরিয়াছেন : ‘করোমি’ > ‘করমি’ > ‘করবি’ > *করই > ‘করে’। ‘করি’ এই রূপটি সন্দেহ-জনক, এবং ইহাকে ‘করে’ > করে’-রই বিকারজাত বলিয়া ধরিবার পক্ষে অন্তরায় কিছুই নাই; ইহাকে বাঙ্গালা ‘চলি’র মত কর্ম বা ভাববাচ্যের ‘ক্রিয়তে’ > *করষ্যতি’ > ‘করীঅদি’ > ‘করীঅই’ হইতে আনিবার প্রয়াসের কোনও আবশ্যকতা নাই। উড়িয়ার বর্তমান উত্তমপুরুষ বহুবচনের ক্রিয়াপদ—যথা ‘কর’—পশ্চিমা অপভ্রংশের ‘করহ্’-র সহিত সম্পৃক্ত হইতে পারে,—যেমন শ্রীযুক্ত শহীদুল্লাহ্ অহুমান করেন; কিন্তু আমার মনে হয়, পশ্চিমা অপভ্রংশের দিকে যাইবার প্রয়োজন নাই; মাগধী অপভ্রংশ হইতে ইহার উদ্ভব হইতে পারে—কুংঃ’ > ‘করোম’ > ‘করম’ > *করব’ > ‘করউ’ হইতে কর’-কে উদ্ভূত বলিয়া মনে করিবার পক্ষেও কোনও অন্তরায় নাই।

[৬] এই সম্পর্কে একটি বিষয়ের উল্লেখ আবশ্যক। উড়িয়ায় বাঙ্গালার চল-ধাতু পাই না—পাই ‘চাল’, আ-কার-যুক্ত রূপ; মধ্যযুগের বাঙ্গালায় ‘চলোঁ—চলৌ’, আধুনিক বাঙ্গালায় ‘চলি’; বিহারীতে ও হিন্দীতেও এই ‘চল্’ ধাতু;—কিন্তু উড়িয়ায় ‘চালোঁ—চালুঁ’। ‘চাল’—এই আকারযুক্ত রূপের কারণ কি? গুজরাটীতেও আকারযুক্ত ‘চাল’—অগ্র ভাষার মত অ-কার-যুক্ত ‘চল’ ধাতু নাই : ‘হ্ চালুঁ—অমে চালিয়ে’—‘অহং *চল্যামি’—অস্মাভিঃ চল্যতে’। উড়িয়ার ও গুজরাটীর তৎসম বা সংস্কৃত এবং তদ্ভব বা প্রাকৃতজ শব্দে মূলস্থানীয় সংস্কৃতের শব্দের মধ্যস্থিত ‘-ল- -লা- -লি- -লী- -লু- -ল্- -লে- -লো-’ মূর্ধ্য

শ্রীশ্রীরাধাকৃষ্ণরসকম্পবল্লী

গ্রন্থ-পরিচয়

“শ্রীরাধাকৃষ্ণ সহায় ॥ প্রথমহো গুরুদেব করিয়া ভক্তি । চরণযুগলে তার দণ্ডবৎ নতি ॥” এইরূপে গুরুবন্দনায় গ্রন্থের আরম্ভ হইয়াছে । যে পুথিখানি লইয়া এই প্রবন্ধ লিখিতেছি, সেখানি কলিকাতা বিশ্ববিদ্যালয়ের পুথিশালায় আছে, সং ৪০৫১। ৪৮ পাতা, দুই পৃষ্ঠায় লেখা, প্রতি পৃষ্ঠায় গড়ে ৮ সারি বা ৯ সারি লেখা । রাধাকৃষ্ণের লীলাপ্রসঙ্গের উদাহরণে নায়ক-নায়িকার লক্ষণ, প্রকারভেদ ও অবস্থা, দৃতী সঙ্গী আদির পরিচয়, ভাববিচার, বিশ্রলম্ভ ও সন্তোষের বিচার ইত্যাদি অতি সংক্ষেপে এই পুথির মধ্যে বর্ণিত হইয়াছে । উজ্জলনীলমণি ও অলঙ্কার-কৌস্তভের পর বৈষ্ণব রসগ্রন্থের সংক্ষিপ্ত ব্যাখ্যামূলক এই ধরণের পুথির মধ্যে এত পুরাতন পুথি বোধ হয়, আর পাওয়া যায় না । পুথিখানি প্রায় পোনে তিন শত বৎসর পূর্বে রচিত । গ্রন্থকার বলিতেছেন,—“রাধাকৃষ্ণ-রসকম্পবল্লী গ্রন্থের করি নামে । প্রতি দলে রসের কোরক অল্পপামে ॥” গ্রন্থশেষে একটি অমুক্ৰমণিকা আছে,—“প্রথম কোরকে কহিলাম মঙ্গলাচরণ । দ্বিতীয় কোরকে কহিলাও নায়ক বর্ণন ॥ তৃতীয় কোরকে কহিল নায়িকা পরিবার । চতুর্থ কোরকে কহিলাও ভাবের বিচার ॥ পঞ্চম কোরকে কহিলাম নায়িকা বর্ণন । ষষ্ঠমে বিশ্রলম্ভের দিগদর্শন ॥ সপ্তমে কহিলাও ভক্তি অমুরাগ । অষ্টমে কহিল নায়িকা বিভাগ ॥ নবমে কহিল সন্তোষ বিবরণ । দশমে কহিল তাহার বিশেষ বচন ॥ একাদশ কোরকে নানা লীলা কৈল । দ্বাদশে গ্রন্থ সম্পূর্ণ হইল ॥ নিম্নাভীষ্টরূপ করিল নিবেদন । কৃষ্ণের লীলা কিছু না হয় বর্ণন ॥ ভাষা করি ক্রমে অন্তরে হয়ে ক্ষোভে । প্রবন্ধ করিয়া কহি এই সব লোভে ॥ এক একটি কোরকের পৃথক্ পৃথক্ নামও আছে । (১) প্রথম দলে ‘সুমনস’ কোরক, (২) × × × × ×, (৩) ‘সখিকদম্ব’ নাম তৃতীয় কোরক, (৪) ‘ভাবকদম্ব’ নাম চতুর্থ কোরক, (৫) ‘সখিকদম্ব’ নাম পঞ্চম কোরক, (৬) ‘হৃতিকদম্ব’ নাম ষষ্ঠ কোরক, (৭) ‘সঘনা’ নাম সপ্তম কোরক, (৮) ‘নাইকা বর্ণনা’, (৯) ‘মধুমাধবি’ নাম নবম কোরক, (১০) ‘বিলাসকদম্ব’ নাম দশম কোরক, (১১) ‘প্রকাশ-কমল’ নাম একাদশ কোরক, (১২) ‘সরস কমল’ নাম দ্বাদশ কোরক ।

পুথি রচনার আরম্ভ ও সমাপ্তির তারিখও পুথিতে আছে,—“আরম্ভ করিল গ্রন্থ প্রথম বৈশাখে । বাণ অঙ্গ শর ব্রহ্ম নরপতি শকে ॥ সপ্তমাস অবলম্বন কান্তিকে সম্পূর্ণ । বৃষস্ক কুহ তিথি দীপদ্বাত্রা প্রত্যাসন্ন ॥ শ্রীকৃষ্ণাবনচন্দ্রের সেবা মধ্যাহ্ন আরতি । পুস্তক হইলে কল্যাণ দণ্ডবৎ নতি । কেতুগ্রামে আরম্ভ সম্পূর্ণ বৈশাখগে । বৈষ্ণব গোসাঞি বর্শন পাইল সেই দণ্ডে ॥”

কি উপলক্ষে পুথি রচনার সূত্রপাত হইয়াছিল, পুথির মধ্যে সে কথাও উল্লেখ

পাই,—“উপরোধে বলি ভাই উপাদি না দেখিবে। জে কহি নিবেদন নিশ্চয় জানিবে ॥ জ্ঞাপিগ্রামে মহাশয় শ্রীমদাচার্য ঠাকুর। রাধাকৃষ্ণ উজ্জলরসলীলা পরিপূর্ব ॥ তাঁহার প্রিয় শ্রীরামচরণ চক্রবর্তী ঠাকুর নাম। বসতি গঙ্গার পার ফরিদপুর গ্রাম ॥ এক সেবকে তিহে। রাধাকৃষ্ণময় দিলা। আমাকে তাঁহাকে তিহো সমর্পণ করিলা ॥ ইহাকে পঞ্চ তত্ত্ব জ্ঞাত আদি লীলা। আপনে কহিয় আমাকে কহিলা ॥ সেই উপরোধে ভাষা করি দুই চারি। কৃষ্ণকথা গাঁথিলে হয় অবশ্য মাধুরি ॥ অতঃপরে সভার চরণে করি নিবেদন।”

পুস্তকের রচনা-কাল লইয়া মতভেদ হইবে। কারণ, অঙ্গ বলিতে বেদের ষড়ঙ্গ, আয়ুর্বেদের অষ্টাঙ্গ এবং ভক্তিশাস্ত্রের নবান্দ—তিনই বুঝাইতে পারে। এই হিসাবে ১৫৮৫, ১৫০৫ ও ১৫২৫ শকাব্দ হয়। রায় বাহাদুর শ্রীযুক্ত যোগেশচন্দ্র বিদ্যানিধির মত কোনও অভিজ্ঞ পণ্ডিত যদি হিসাব করিয়া বলিয়া দেন—উক্ত তিন সালের মধ্যে কোন সালে কাঠিক মাসের বুধবারে অমাবস্যা হইয়াছিল, তাহা হইলেই এ সমস্যার মীমাংসা হইবে। পুথি নকলের কোন তারিখ নাই, নকল-কারকেরও নাম নাই। লেখা আছে,—“কৃষ্ণা কাঠিকস্য সপ্তম্বরদিবসে বৃহস্পতি বারে দশমিতে গ্রন্থ সমাপ্ত করিল।” ইহারও মীমাংসা উক্তরূপে হইতে পারে। সাতই কাঠিক বৃহস্পতিবার, কৃষ্ণা দশমী।

পুথিখানি নানারূপ ভ্রম-প্রমাদে পূর্ণ, অবশ্য ইহা লিপিকর প্রমাদের ফল। বানানের ভুল আছে, অনেক কথা ছাড় পড়িয়া গিয়াছে। সংশোধন আছে বটে, কিন্তু তাহা পর্যাপ্ত নহে। সংশোধক কোন কোন স্থান কাটিয়াছেন, অথচ সংশোধন করিতে ভুলিয়া গিয়াছেন। পুথিখানিতে রচয়িতা উদাহরণ স্থলে সংস্কৃত শ্লোকের সঙ্গে সঙ্গে পদকর্তাগণের পদও ব্যবহার করিয়াছেন। কিন্তু সংস্কৃত শ্লোকগুলিও যেমন, অনেক স্থলে বাঙ্গালা পদও তেমনি—প্রায় সমান অপাঠ্য! পণ্ডিতের হয় ত কাজে লাগিতে পারে, এই ভাবিয়া বানানের বিশেষ বিশেষ স্থল অবিকল রাখিবার জন্য বিশেষ যত্ন লইয়াছি।

পরিষৎ-প্রকাশিত রসমঞ্জরীর মধ্যে যে পয়ার রসকল্পবল্লী হইতে উদ্ধৃত বলিয়া ছাপা হইয়াছে, তাহার মধ্যে মারাত্মক রকমের ভুল আছে। এ পুথিতে আছে—“চক্রপাণিকে কহিলেন ইহার হইবে বৈভব।” আর রসমঞ্জরীর পয়ারে আছে,—“চক্রপাণিকে কহেন সংসারী বৈষ্ণব। পুত্র পৌত্রাদি তোমার অনেক বৈভব ॥” যেন সেই সময়েই তাহার ছেলপুলে নাতিপুতি অনেক হইয়াছিল! আমাদের ত মনে হয়, আলোচ্য পুথির পাঠই ঠিক। আলোচ্য পুথির পদের পাঠভুল আমরা সংশোধন না করিয়া যেমন আছে, তেমনি তুলিয়া দিয়াছি।

গ্রন্থকার-পরিচয়

‘রসকল্পবল্লী’র রচয়িতার নাম শ্রীরামগোপাল দাস, সংক্ষেপে গোপাল দাস। বর্তমান জেলার অন্তর্গত শ্রীখণ্ড গ্রামে কবির বাস ছিল। ইহাদের পূর্বনিবাস কোথায় ছিল, জানা যায় না; কবির পূর্বপুরুষ শ্রীখণ্ডে আসিয়া গুরুর আশ্রমে বাস করেন। গ্রন্থে কবির গুরুপরিবারের পরিচয় এইরূপ :—“জয় জয় শ্রীমুকুন্দদাস নরহরি। জয় রঘুনন্দন কন্দর্প

মাধুরি ॥ জয় পূর্ণানন্দ রূপায় ঠাকুর কাহাই । ত্রিভুবনে জাহার বংশীর তুলনা দিতে নাই ॥ জয় শ্রীরাঘ ঠাকুর মদনমোহন নাম । তাহার তনয় পঞ্চ গুণ সর্বধাম ॥ তাহার বংশে মোর ইষ্ট ঠাকুর শ্রীরতিকান্ত ॥ রাধাকৃষ্ণপ্রেম দাতা পরম নিতান্ত ॥”

* * * *

“জয় জয় গুরুদেব শ্রীরতিপতি । তাহার চরণে মোর অদংখ্য প্রণতি ॥ জয় জয় ঠাকুরপুত্র শ্রীসচিনন্দন । জয় প্রাণবল্লভ ঠাকুরের চরণ ॥ জয় কনিষ্ঠ ঠাকুরপুত্র বাদবেন্দ্র নাম । এই তিন ঠাকুরপুত্র সর্বগুণে অমুপাম ॥ ঠাকুরের কনিষ্ঠ ঠাকুর ঘনস্যাম । তাহার তনয় ঠাকুর পুরুষোত্তম নাম ॥ শ্রীরঘুনন্দনের বংসাবলী অনেক বিস্তার । অখিল ভুবনে কৈলে ভক্তি প্রচার ।”

* * * *

“পরম দয়াল প্রভু ককনা প্রচুর । অদোসদশী প্রভু আমার ঠাকুর ॥ সেয কালে ঠাকুর মোরে ককনা করিয়া । পঞ্চ দিবস কহিল বিবরিঞা ॥ রাধাকৃষ্ণ উজ্জললীলা মাধুর্য অতিশয়ে । রাগনিষ্ঠা প্রেমসেবা মাধুর্য অতিশয়ে ॥ এই সকল কথা প্রভু কহিল অল্লাক্ষরে । অল্ল মেধা মোর নহিল অন্তরে ॥ সঙ্কীর্ণ করিয়া প্রভু গেলা আতোহাটে । মহাপ্রভু সান্নিধি গঙ্গাব নিকটে ॥ বৃন্দাবন নীলাচল করেন স্মরণ । রাধাকৃষ্ণ চৈতন্য কহেন গদগদ বচন ॥ জ্যেষ্ঠ মাসে শুক্লা পঞ্চমী দিবসে । অপ্রকট প্রভু লোকে এই কথা ঘোষে ॥ আমি যে প্রকট রূপ দেখি নিরন্তর । জন্মে জন্মে দুই ভাইয়ের কিস্করের কিস্কর ॥”

অতঃপর কবি আত্ম-পরিচয় দিতেছেন,—“একমাত্র জন্ম খণ্ডে বৈদ্যবংশে । দুই চারি উপর পুরুষ বৈষ্ণব প্রশংসে ॥ বৈষ্ণবের নাম কহিতে অস্ত্রের নাম হয় । উপাধি করিয়ে নাহি কেবল পরিচয় ॥ ধনন্তরি-কূলে বীজ রাঘব সেন নাম । নানা সমাজ হইতে বৈদ্য আনিল অমুপাম ॥ তাহার বংসাবলি অনেক বিস্তার । কবি পণ্ডিত খ্যাত বৈষ্ণব আপার ॥ দামোদর কবির চিরঞ্জীব স্থলোচন । জস রাখা (?) আর শ্রীকবিরঞ্জন ॥ চিরঞ্জীব স্থলোচনের কথা আছে বর্ণন । চক্রপাণি মহানন্দ আর তাঁহি দুইজন ॥ নীলাচল গেলা দৌহে মহাপ্রভুর গোচর । রঘুনন্দনের সেবক রূপা করিল বিস্তর ॥ দুই ভাইয়ের শিরে চরণ ঠেকাইল । কৃষ্ণসেবা করিতে দুই জনে আজ্ঞা দিল ॥ মহানন্দে কহিল ইহো অকিঞ্চন বৈষ্ণব । চক্রপাণিকে কহিলেন ইহার হইবে বৈভাব ॥ সেই আজ্ঞাতে দুই ভ্রাতা খণ্ডকে আইলা । সরকার ঠাকুর রূপা অনেক করিলা ॥ শ্রীবৃন্দাবনচন্দ্র ঠাকুর দিল সেবা করিতে । দুই ভ্রাতার সেবার্থ ঘোষে জগতে ॥ চক্রপাণির পুত্র চতুর্ধরী নিত্যানন্দ । বৃন্দাবনচন্দ্র সেবা পরম আনন্দ ॥ তাহার তনয় এক চতুর্ধরী গঙ্গায়াম । তাহার জ্যেষ্ঠ পুত্র শ্রায়ার নাম ॥ তাহার তনয় জ্যেষ্ঠ মদনরায় নাম । বৈষ্ণবসেবাতে হয়ে অতি অমুপাম ॥ গোবিন্দ-লীলাসুভাষা কৈল পদাবলি । সদা বাঞ্ছন তিহো বৈষ্ণবপদধূলি ॥ তাহার অমুপাম ধোপাল যোর নাম । কুটিল কুলাচার বিষয়তৃষ্ণাম ॥ এই সব গোষ্ঠি যদি মহা অমুপাম হইল অমুপাম কামে কেন ধৃত্য উপজায় ॥ উপরোধে ভাষা করি নহে বর্ণজায় ।

কাক জেন চলিতে চাহে হংস সমান ॥ উপাধি নাহি করি দৈন্ত না জানিবে। আপন
শ্রুণে বৈষ্ণব ঠাকুর করুণা করিবে ॥”

* * * *

“অল্পকালে পিত্রি বিয়োগ না হইল অধ্যয়ন। মাতা চন্দ্রাবলি নাম করিল
পালন ॥ মাতামহ গৌরানন্দ দাস মহাবংস হয়। প্রমাতামহ মধুসূদন বসাস্বর (?) ॥
কৃষ্ণ সংকীৰ্ত্তনে করেন বায়ন। নৃত্য করেন তাহে শ্রীরঘুনন্দন ॥ খণ্ডের সম্প্রদা বলি
নিলাচলে কহেন। চৈতন্যচরিতামৃত গ্রন্থে হয়ে বিবরন ॥”

কবির শিক্ষাগুরুগণের পরিচয় এইরূপ—“জয় জয় শিক্ষাগুরুর চরণ। শিক্ষাগুরু
মোর হয়ে বহুজন ॥ শ্রীত্রজ দেবীদাস ঠাকুর অনেক কহিল মহিমা। খণ্ডের ঠাকুর
বাড়ির কথোক সিমা ॥ শ্রীকৃষ্ণ ঘটক ঠাকুর কহিল গ্রন্থ সন্ধান। রামেশ্বর ভট্টাচার্য্য
করাল্য অধ্যয়ন ॥ শ্রীগিরিধর চক্রবর্তীর সঙ্গে অনেক কথা জানি। জয়রাম দাস
ঠাকুর স্থানে শুব কথোক শুনি ॥ গৌরগতি দাস জানাইল বৈষ্ণববন্দনা। পিতৃব্য
রাধাকৃষ্ণ দাস কৈল প্রভুকে সমর্পণ ॥ গণ্ড জাজিগ্রাম আর শুদপুর। সভা
সঙ্গে ওলা মেলা হইল প্রচুর ॥ * * * শ্রীমুকুন্দদাস গোস্বামী আর অধিকারী।
সভার স্থানে কথা শুনি ছুই চারি ॥ তাঁহা সভার চরণ ধ্যান দৃষ্টিমাত্র দেখি। গ্রন্থক্রমে
নাহি পড়ি অবগম্য লেখি ॥ জত জত বৈষ্ণব আছেন ক্ষিতি ভরি। সভার চরণে
কোট কোটি নমস্করি ॥”

উদ্ধৃত পদ ও পদকর্তৃগণ

[১] কবিরাজ ঠাকুর (রসকল্পবল্লী গ্রন্থে সুপ্রসিদ্ধ পদকর্তা গোবিন্দদাস ‘কবিরাজ
ঠাকুর’ বা ‘কবিরাজ মহাশয়’ বলিয়া উল্লিখিত হইয়াছেন)।

(ক) ধরি সখি ঐচরে ভরু উপচক ।

* * * *

* * * *

ও অতি বিদগদ এ অতি গোঁড়ারি ॥

(খ) সঙ্করবরতে আজু পরবেসলো দাকন গুরুজন বোলে ।
অতয়ে সে সরস পরশ বিধি বাধল কি তুরা নয়নহিলোলে ।
মাধব তোহারি চরণে পরণাম ।

* * * মৌন মোহে লাগল কহইতে বিধি ভেল বাম ॥

দূরে কর হার তোহার কবির রচিত অব নাহি বেসক সাধ ।

অবণই একু কুহুম যব হেরব নোনদিনি করত পরণাম ॥

এ মধুমাব আশ ভেল বঞ্চিত জদি কহ কপট বিলাস ।

করসঙ্কেতে কত সমুঝাওব কহতহি গোবিন্দদাস ॥

(গ) হাম বনচারি রহব একসরিয়া ।

চাতুরি না কর ডুঁহ সতধরিয়া ॥

চল চল মাধব তৌহে পরণাম ।

জাগিয়া সকল নিসি আইল বিহান ॥

চল চল মাধব না কর জঞ্জাল ।

দগধ পরান দগধ কত আর ॥

- (ব) নিশসি নিহারসি ফুটল কদম্ব ।
করতলে চান্দ বরান অবলম্ব ॥
এ সখি মোহে না করিবি আন ছন্দ ।
জানলু' ভেটলি আনরচন্দ ॥
- (ঙ) কপ চাহি গুণে নাহি উন । সো তনু তেজিবি কাহে মুণি কহি ত্বন ॥
হান পেঠব কালিন্দাবাবি । ভবহি কবব পিরিতি তোহাবি ॥
তবহ' সকল তনু মোব । তু' জব হতবি কাহুক কোব ॥
- (চ) সুনইতে চমকই গৃহপতি বাব । * *
* * জলদ নেহাবি নয়নে ঝব নোব ॥

কবিরাজ মহাশয়—

- (ছ) বিতুপতি বাতি বিরহে জরে জাগরি ছতি উপেগলু বান।
* * * *
* * * *
মনমথ রত্ন তরঙ্গিত লোচনে তুহে না হেরব লোয ॥

শ্রীকবিরাজ ঠাকুর—

- (জ) না জানিয়ে কেমন মনোবথে আবুল কিসলয়ে দলে কক দংশ ॥
- (ঝ) মনমথ মকব ভবহি' ডর কাঁপী ।
তুয়া হিয়ে হার তটিনি তটে কুচবট উছলি পডল তঁহি কাপি ॥
সুন্দরি সম্বল বাটল কটাগ ।
কলসিক মীন বডসি অব ডাবসি ইহ অতি কঠিন বিপাক ॥
- (ঞ) দুবে রহ স্যামর বররাস । স্বামিক সেবন অন্তবাস ॥
- (ট) পতি অতি চুবমতি বুলবতি নারি । *
* * *
- (ঠ) মবর সুবলি সমদ করসি নয়ানে বরসি প্রেম ।
ইসত হাসিতে অমিয়া পরসি বচনে বরযি ছেম ॥
কাহু হে বুঝিযে চাতুরি তোার ।
হথ লব লোভে কো পুন বুরব এ হৃদসায়রে ভোর ॥

শ্রীকবিরাজ—

- (ড) তেজহ দারুণ মান মানিনি বাহ গাহক তোরি রে ।
তুহ' সে ম(র)কত মুরতি মানই কাঁচ কাকন গোরি রে ॥

কবিরাজ—

- (ঢ) দু'হ' অতি রোখে বিষুধ ভই বৈঠি ।
দু'হ' চলিলা জমুনাঙ্গলে পৈঠি ॥
দু'হ' পঙ্খ পুছইতে দুতি মতি বাম ।
দু'হ'ক লহু সহচরি নিজ নাম ॥
সহচরি ভরনে দু'হ' আলিঙ্গনকলি ।
গোবিন্দ দাঁশ কহক ভব কিহে তেলি ॥

- (গ) রাইবিপতি হুনি বিদগ্ধশিরোমণি পুছই গদগদ ভাবা ।
নিজ মন্দির তেজি চলু বর নাগর শুন শুন [পুন পুন ?] পরশই নামা ॥
- (ঙ) চলইতে সংকলি পঙ্কিল বাট ।
- (খ) চলু গজগামিনি হরি অভিসার ।
* * *
মিললি নিকুলে ক'হ গোবিন্দদাস ॥
- (দ) আছু তেল প্রভাতে কুজঝটি আন্ধিয়ার ।
অযতনে ধনিক ভেল অভিসার ॥
- (ধ) কৈছে ধনি তেজিলি গেহ । * *
* * * আগে হিয়া গমন [মন]মথ হর ॥
- (ন) মাধব তোহেঁ সোঁপিল ব্রজবালা ।
মরকত মদন মোই জহু পুজই দেই নব কাঞ্চন মালা ॥
- (প) আকুল চিকুর অলকাবুল সমরি ।
সিথি বনাই পুন বাজহ কবরি ॥
- (ফ) অঙ্গে অনঙ্গজর মরমে বিধম শর কঠিহি জীবন জারা ।
করতলে বয়ন নয়ন বর নিবর কুচতটে কালিমহারা ॥
মাধব তুহু মধুপুর ছুর দেশ ।
সো অবলা চিরবিরহবেয়াধিনি দশমি দসা পরবেশ ॥
- (ব) তরুণ অরুণ সিন্দুর কিরণ নীল গগনে হেরি ।
* * *
(ভ) রতি বনরঙ্গ ভূমি বৃন্দাবন রণবাজন পিকুরাব ।
ছুঁছক মনোরথ চড়ল মধুকুঞ্জরে পরিমলে অলিকুল ধাব ॥
দেখ সখি রাধামাধবমেলি ।
ছুঁছক চপল চরিত্র নাহি সমুঝিয়ে কিএ কলহ কিএ কেলি ॥
- (ম) হোর দেখ অপরূপ ছান্দ ।
রত্নির আলসে রাই হতিয়া রহল গো কাহু হেরত মুখচান্দ ॥
- (য) মদনমদালসে জাম বিভোর । শশিমুখি হাসি হাসি কর কোর ॥

[২] বিদ্যাপতি—

- (ক) শশিমুখি তেজল সেশব (শৈশব ?) দেহ ।
খত দেই ছোড়ল ত্রিভলিত রে(হ) ॥
ইবে ভেল যৌবন বক্ষিম মিঠ ।
উপজল হাস বচন ভেল মিঠ ॥
দিনে দিনে বাঢ়ল পরোধর পীন ।
বাঢ়ল নিতম্ব মাঝ ভেল খিন ॥
- (খ) কুহুমিত কাননে কুঞ্জে বসি । নয়নক কাজর ঘোর আস ॥
নখলিখন নলিনদলঘাত । লেখি পাঠাঙল আখর সাত ॥

- (গ) এত দুখ দেওসি মদন । হরি লৈয়া বধিলি যুবতিজন ॥
নহে মোর জটাভূট কবরিক ভার । মালতিমালা নহে হরেরবীধার ॥ (অ-প-র)
- (ঘ) ছুতি তুহু দারুণ সাধিলে বাদ ।
আজি হাম তেজিলু রতিস্থপসাধ ॥
- (ঙ) সজানি কৈছে জিঅব কাহ ।
রাই রহল ছুরে হাম মথুরাপুরে এতোয়ে সহএ পরাণে ॥ (অ-প-র)
- (চ) রম নাগর রমনি । কত কত জুগতি মনহি অশুমনি ॥
আগিনা আগুব জব রসিয়া । পালট চলব হাম ইসত হাসিয়া ॥
সো হাম আচরে ধরব । হাম জাগুব কত জতন করব ॥
কাচুয়া ধরব হরি হটিয়া । কবে কর বারব কুটিল আধ দিঠিয়া ॥
সো অতি সুপুৰণ ভ্রমরা । চিবুক ধরি অধরবস পীব হামরা ॥
তৈথনে হরব চেতনে । বিদ্যাপতি কহে এ তুয়া সফল জিবনে ॥
- (ছ) চিরদিনে মো বিধি ভেল অশুকুল । দুহু মুখ হেরইতে দুহু আকুল ॥
- (জ) আজু হরি আগুব গোকুলপুর । যবে যরে নগরে বাজাব জয়তুব ॥
- (ঝ) বিদগধ নাগরি হুনাগর কাহ । ছুরেছি রক্তস পুরল পাঁচবান ॥
কানু রহল মুখে কমল লাগাই । লাজে কমলমুগি মুখ পালটাই ॥
নথ দেই কানু গেড়ুয়া বিদারি । ধনি কুচে চাপি কহলি সিতকারি । (অ-প-র)

[৩] অস্ত্রাত পদকর্তা—

- (ক) যুন শুন হৃন্দরি মঝ উপদেশ ।
জৈছন কুঞ্জ করবি পরবেশ ॥
পহিলহি না করবি অভিলাষ ।
করে কর ঠেলি উলটবি পাষ ॥
- (খ) কাহাই হেন গুণনিধি যদি মিলে কোরে ।
অহঙ্কণ লইঞা রাখি হিঅর উপরে ॥
- (গ) এ খাট পালকে জদি কানু স্বামি হয় ।
তবে সে সিতল নিশি মোর প্রাণে সয় ॥
- (ঘ) কালিয় ভুজঙ্গ সঙ্গে নাহি শঙ্কই ভাঁড় ভুজঙ্গ তুয়া কাঁপে ।
দাবানল আনল আতি নাহি পরশই সিন্দূর দহনে তুয়া তাপে ॥
হৃন্দরি ধনি ধনি তুয়া গুণ জাগি ।
হুয়াহুর সমরে বিমুখ না হোঅই সে তুয়া নয়নে শয় ভাগি ॥
- (ঙ) সাময় হুসে কানন মাহা পেখলু নিপত্তরু হেলন অঙ্গ ।
কোঁঠিহি লোভে যতনে ধরি পরাসই ভুজঙ্গ কালভুজঙ্গ ॥

- (চ) মাধব মাধবি জব পরকাস ।
নিরঞ্জন কানন ভরু করু আশ ॥
নিভুতে মধুকর করু মধু পান ।
মাতাই মনোরথ রভসে করু গান ॥
- (ছ) মধু মনহরিন ব্যাধ ভয় কারণ বন বন ফিরই তরাসে ।
মরুভূমি তেজি সরোবর আওলু কাতর মদনপিয়াসে ॥
সুন্দরি ইথে জদি রোখসি মোয় ।
তব হাম তোহারি যৌবনজলে পৈঠব স্বরূপ কহলম তোয় ॥
- (জ) নবরিতুরাজ বনহিঁ পরবেসল কুঞ্জকুটির পরকাস ।
কুবধ মধুপ লুবধ হই আওল মিলল মাধব (মাধবি) পায ।
মাধবি মধুযুদন করু কোর ।
* * * অহনিশি রহব অগোর ॥
- (ঝ) মুরলিমিলিত অধর নবপল্লব গায়ই কত কত রাগ ।
কুলবতি হোই বিন্দব ছোড়ি আওলু সহয়ি না পারি বিরাগ ॥
মাধব তোহে কি সিখাওব গান ।
গৌরি আলাপে শ্রাম নট সঞ্চরু তব তোহে বিদগধ জান ॥
(প-ক-ভ,)
- (ঞ) প্রতিপদ নবাম পুজবে নাই জাওব তোহারি বচন পরমানি ।
ধিতিয়া দসমি উত্তর না জাওব কহিও গথি কাহু রসিক সজ্ঞান ॥
- (ট) নিরমল কুল সিল ভূষিত ভেল রে জব ভেল কাহু পরিবাদ ।
- (ঠ) কে বলে কালিয়া ভাল ।
এত দিনে কালার মরম জানিল ভিতরে বাহিরে কাল ॥
- (ড) তরল বাঁশের বাঁসি নামে বেড়াজাল ।
সভারে ছল্ল ভ বাঁশি রাধারে হইল কাল ॥
জেনা বাঁশের বাঁশি সেনা ঝাড়ের লাগি পাব ।
ডালে মূলে উপাড়িয়া সাগরে ভাসাব ॥
- (ঢ) রোদতি রাধা কাহু করি কোর ।
হরি হরি প্রাণনাথ কাহা গেল মোর ॥
- (ণ) মাধব কি কহব তুয়া অছুরাগী ।
তুয়া অভিসারে অবশ বররজিনি জিবই রহ পুন ভাগি ॥

- (ত) পহিলে কহিলুঁ হাম তোয় । হিত করি না মানিলি মোয় ॥
সেহ জানি সহজই থল । তুহুঁ অতি ভৈ গেল সেবল (ভৈ গেলি সরল) ॥
- (থ) রাতি ছোড়ি ভিক রমনি ।
কতক্ষণে আওব কুঞ্জরগমনী ॥
- (দ) ধানসী ॥ কি কহব রে সখি কহনা উপায় ।
বিরহে আকুল তহু বিদরিয়া জায় ॥
অনুক্ষণ উচাটন করে মোর হিয়া ।
কত না রাগিব কুল নিবারণ দিয়া ॥ (মাথুর বিরহ নিজ উক্তি)
- (ধ) ধৈরজ করহ সখি না ভাবিহ জুগ ।
নিকটে মিলব তোহে সে চান্দমুখ ॥ (সখি উক্তি)
- (ন) বদন্ত ॥ মধুকর মাধো সে কহিয়ে জায় ।
প্রাণ গেঘো কা করিয়ে আয় ॥
উড়ি উড়ি ভ্রমরা চলহ বিদেশ ॥
আমার প্রাণনাথে কহিয় সন্দেশ ॥
- (প) মধুপুর পশ্বি না করু তোয় । মাদবে মিনতি জানবি মোয় ॥
কালি দমন করি ঘুচাওল তাপ । রূপরপি কালিন্দি কালিময় সাপ ॥
(অ-প-র)
- (ফ) দেখিলুঁ স্বপন চাক্র চন্দন গিরির উপরে বসি ।
মালতির মালা দধির ডালা মাধব মিলল আসি ॥ (অ-প-র)
- (ব) দেখ সখি বৃন্দাবিনিন বিনোদ ।
রাইক সঙ্গে রঙ্গে কত নাচত মলয়া সমিরে আমোদ ॥

(ভ) গোপালবিজয়ে—

হোর দেখ রাধা পক দাড়িষ রহয় । মিলিতে চাহে তোমার পয়োধর ॥
ফলে জিনিতে চাহে তোমার অধর । বিজে দশনপীতি জিনিবে সকল ॥

[৪] মহাজনস্ত—

- (ক) (মানে ধীরা নায়িকার উক্তি) কে তোমাতে চিআইলে কাঁচাঘুমে ।
আমার হিয়ার মাঝে রসের বালিষ আছে তাহে তুমি ঘুমাহ নিঝুমে ॥
- (খ) বংশি লাগিল মোর বাদে । সময় না জানে বংশি ডাকে রাধে রাধে ॥
- (গ) রূপ লাগি আখি বুঝে গুণে মন ভোর ।
প্রক্তি অঙ্গ লাগি বুঝে প্রতি অঙ্গ মোর ॥
হিয়ার পরস লাগি হিয়া মোর কান্দে ।
পরান গিরিতি লাগি স্থির নাহি বাড়ে ॥—(প-ক-ত, ৭৪৮)

- (ঘ) গুরুজন পরিজন জতেক গঞ্জে । রতন জলে জৈছে তিমির গুঞ্জে ॥
(অ-প-র, ২৮)
- (ঙ) অব মুঞি কেয়া কেরোঁ মুফলি বাজে বনে ।
সুনি তনু পুলকিত প্রাণের সনে ॥
- (চ) [প্রহেলিকা] তিন চরণ পয় চরণে সিজায় । জিব জঙ্ক নহে আহার জল খায় ।
হে কৃষ্ণ ইহ বড় ধঙ্ক । মুণ্ড কাটিলে আহার করে বন্ধ ॥
- (ছ) [প্রহেলিকা] লোহার মুদ স্ততার কায় । পর মারিতে পরের কাছে জায় ॥
হে রাধে ইহ বড় ধঙ্ক । ঘর দিঞা চোর পলায় গৃহস্থ পথে বন্ধ ॥
(অর্থ—মাছগরিবার জাল)
- (জ) একটি মুরলিরদ্ধে দুই জনে বাজায় । কাহ্ন শ্রুতি ধরে রাই পহঁ গুণ গায় ॥
- (ঝ) বিজন বনে বনে ভ্রময়ে দুহঁ । দৌহার কাছে শোভে দৌহার বাহ ॥
ভুলে রে দৌহার রূপে নয়ন ভুলে । কনকলতিকা রাই তমালকোলে ॥
—(প-ক-ত, ১৪২)
- (ঞ) ভাল হৈল্য বাঁসিয়ার বাঁসি গেল চুরি । আনন্দমগন ভেল গোকুলরমনি ॥
- (ট) আইসহ যদি জয় দিয় বৃন্দাবনপুরে ।
আমার ঘরের চান্দমুখির বিবাহ কালিয়া শোনা বরে ॥

[৫] শ্রীশ্রীনিবাস ঠাকুর—

অমুক্ষণ কোণে থাকী বসনে আপনা ঢাকী ছুয়ার বাহিরে পরবাস ।
আপন বলিঞা বোলে হেন নাহি ক্ষিতিতলে হেন ছারের হেন অভিলাস ॥
সজনি তুয়া পায়ে কি বলিব আর ।
এহেন চলহ জনে অমুরকত জাহার মনে নিশ্চয় মরণ প্রতিকার ॥
(পদকল্পতরু, ৮৩২)

[৬] গোপাল দাস (গ্রন্থকার)—

- (ক) অপরূপ পেখলুঁ কানন ওর । কনকলতায় ধয়ল কিয়ে জোর ॥
চল চল মাধব করহ পয়ান ॥ দেওল ফল বিহি তোহারি মনমান ॥
অজানক রুক (রুখ) ফলদ্বয় ভেল । কেহো কহে দাড়িম কেহো কহে বেল ॥
কেহো কহে মাকন্দ* ফলল অকাল । কেহো কহে পাকল মনমথ তাল ॥
গোপালদাস কহে উঁহ রসে ভোর । জানলুঁ ফল নহে কনক কটোর ॥
- (খ) থিরবিজুরিবরণ গোরি দেখিলুঁ ঘাটের কুল ।
কানড় ছান্দে কবরি বাজে নব মল্লিকার কুল ॥

সখি স্বরূপ কহিলু তোয় ।

আড় নয়নে ইষত চাহিঞা বিকল করল মোয় ॥

ফুলের গাঁড়ুয়া লোফিঞা ধরে সঘনে দেখায় বুক পাস ;

উচ কুচে বসন বুচে মুচকি মুচকি হাস ॥

চরণ যুগল মল্ল তোড়ল সুরঙ্গ জাবক রেখা ।

গোপালদাসে কয় পাবে পরিচয় পালটি হইলে দেখা ॥

(গ) নবঘন বরণ উজোর । হেরি লুবধ মন মোর ।

তুয়া রস পাওব আসে । মাধবিলতা পরকাসে ॥

তোহারি পাণি জব পাব । গিরি জুগ আমন নিভাব ॥

নিতম্বে মিলব জব পানি । তব পরকাসই অঘর জানি ॥

গোপালদাসের চিতে ধন্দ । ভাবই স্যামরুচন্দ ॥

(ঘ) গুরুজন মন্দিরে সবহিঁ তেজি চললহিঁ চান্দ গহন দিন লাগি ।

একল নারী কৈছে হাম বঞ্চা এ ঘোর জামিনি জাগি ॥

মাধব তুঁহ জানি করসি অকাজ ।

চঞ্চলচরিত তোহারি হাম জানিয়ে পৈঠই জানি পুরমাঝ ॥

পহলি যৌবনকাল মুখে লাগল নাহ রহত দূরদেশ ।

হেরইতে রূপ মদন মুরছায়ই কো বুঝে বচন বিশেষ ॥

ইথে লাগি তোহে নিসেধ হাম পুনপুন অন্তর করহ পয়ান ।

শুনইতে কান বচন অহুমানই গোপালদাস ইহ গান ॥

(ঙ) কালিদাসন জগই তুয়া ঘোষই সহচরি হুই কানে ।

উহাসঞে বাধ সাধ সব ধাওল মনোরথ চড়ল কাঁপানে ॥

মাধব তোহে কহি ইথে লাগি

ত্রিবলিক মাঝ রোম ভুজঙ্গিনী হেরইতে তুঁহ জানি ভাগি ॥

নয়ান কমলপর ভাছ ফনিবর কাজর গরল উগারি ।

মদন ধনস্তরি আপ জব আওব সো বিখ তবহিঁ নাহি সারি ॥

বেনীভুজগবর গীঠপর চুলত চিরদিন ভুখিল পিআসে ॥

শুনইতে নাগ নাম তছ কাঁপই কহতহিঁ গোপালদাসে ॥ (প-ক-ত, ১০৫২)

(চ) মনু মনে দংশল মদন ভুজঙ্গ । গরল ভরল অবশ ভেল অঙ্গ ॥

অব জন্ম পুন্সরি করসি উপায় । দগধল জন তব জীবন পায় ॥

পহিলহি হেরি ঝাড়িবি দিটসার । করে কর পছনে ভাব সংভার ॥

বদনহি দংশনে বদন বিধ সেবি । বডনে অধর ধরি অধর রস দেবি ॥

জমজল অঙ্গহি জবহিঁ বিথার । কুচয়ুগে কলসে করিবি পানিসার ॥

থরনথ রঞ্জন তুমি নথ মানি । সমুখবি নিরবিধ উরে পর হানি ॥
রজনী উজাগরে রহিবি অগোর । গোপালদাস যশ গাওব তোরি ॥

(প-ক-ত, ১০৭৬)

(ছ) লুনির পুথলি নব বালা । কোমল শিরশিক (সিরিশকি) মালা ॥

মাধব নিবেদলু তোয় । মরিজাদ রাখবি মোয় ॥

ঘুমলে জা(গা) নহি যায় । নিজপতি ছায়া নাহি চায় ॥

বলে ছলে আনহু কান । আলপে দেবি সমাধান ॥

দুতিক কাতর ভাষ । কহতহি গোপালদাস ॥

(জ) আলুয়াইয়া কবরি ভার দুই করে অলঙ্কার

ভূমে পড়ি কান্দে উচ্চ্বরে ।

প্রাণনাথ বলি কান্দে ধৈরজ নাহিক বাঞ্চে

সঘনে কল্পয়ে কলেবর (রে) ॥

প্রাণের সহচরি আজু কৈল দেখি আনভাতি ।

যা দেখিলে মোর আনন্দ বাড়িত গ

তাহা দেখি জলে কেনে ছাতি ॥ ৫ ॥

সারি স্নক পিকুগন কেনে করে উচাটন

দিবস আন্ধার কেন বাসি ।

হিয়ার মাঝারে মোর কেমন জানি করে গো

মাধব যে দিন হইলা পরবাসি ॥

ধেহুবন্দ অস্ত্র মন হাঙ্গা রব অহুক্ষণ

চকলস্বভাব কেন দেখি ।

বনের জত মুগিগন সে কেন কান্দয়ে গো

ঝুরে কেন পুষ্পীঞা পাখি ॥

প্রিয় নন্দসখাগনে নাহি দেখি কাননে

মুরলি সবদ নাহি স্ননি ।

ময়ূরের ঘন নাদ স্ননি কেন পরমাদ

বজর সমান স্ননি ধ্বনি ॥

সেই পক্ষ কলরব বিপরিত স্ননি সব

ডাছক ডাছকি ঘন ডাকে ।

হংস সারস বানী শ্রবনের জালা জানি

এত কেনে হইল বিপাকে ॥

সিতল জমুনার জল পুন দেখি গরল

কালিয় আইল হেন বাসি ।

যে চান্দ দেখিলে মোর আনন্দ বাড়িত গো

সে কেন গরল বরদি ॥

মন্দ সমীরণ সেহ দহে অগ্নি সম * *

চন্দন গরল সম লাগে ।

বিসম মদন বানে কি লাগি পরানে হানে

হৃদয়ে দারুন সেল জাগে ॥

নৃপ (নীপ) তরু কুঞ্জবন তাহা দেখি উচ্চাটন

শিতল গরল বিষ জালা ।

কোমল শিরসি (শিরীষ) দল পরসে দহে কলেবর

কুস্মে বিষম শরজালা ॥

বিসম বরিধা কাল সেহ হইল জঞ্জাল

কত দুখ সহিবারে পারি ।

দারুন মদনসর হিয়া করে জর জর

অবলা কেমনে প্রাণ ধরি ॥

মেঘ চাহি প্রাণ ফাটে পথিক না দেখি বাটে

অক্ষুণ্ণ উচ্চাটন হিয়া ।

তাহেত চাতকি পাখি ঘন হেরি ঘন ডাকি

উদ্দীপন করায় প্রিয়া প্রিয়া ॥

অভরন যৌবন হেরি প্রাণ ধরিতে নারি

রাতি দিবস নাহি যায় ।

জত ছিল অমুকুল সেহ হইল প্রতিকূল

নিলজ পরাণ নাহি বাহিরায় ॥

সেই মোর সরোবর সেই কুঞ্জ মনোহর

সেই মোর গোবর্দ্ধন গিরি ।

প্রিয়ার নিকটে মোরে কত সুখ দিত গো

সে কেনে হইল মোরে বৈরি ॥

প্রভুর হাতের নীপতরু সেহ দেখি ফুল ধরু

তাহা দেখিলে প্রাণ ফাটে ।

জ্ঞে সুখ যেখানে হয়ে তাহা দেখি প্রাণ যায়ে

সে হেন বাক্য জন্মনার ঘাটে ॥

ঘর দেখি স্নান * * স্নান দেখি ত্রিসুবন

নিরন্তর বিদরে মোর হিয়া ।

জ্ঞে খাট পালক হেরি ধৈর্য ধরিতে নারি

মন ভূরে পথিক দেখিয়া ॥

সরত নিশির কাল সেহ মোর হইল কাল

দারুণ মদন সনে বাদ ।

এ হেন দারুন হিয়া কেমন পরবোধ দিয়া
নিবারিব কোন অবিরোধে
উদ্বীপন বিরহ নারী ধৈর্য ধরিতে নারি
মন বুঝে রামগোপাল দাসে ॥

[৭] কবিশেখর—

(ক) বসনে বসনে লাগিবে লাগিয়া একুই রজকেরে দেয়।
মোর নামের আদি আখর * * * তাই সে বদাই লেয় ॥

(খ) কাঁহু বিরস কথি লাগি। কি মোর করম অভাগি ॥

(পরে “গোপাল বিজয়” হইতে যে কয় ছত্র উদ্ধৃত হইয়াছে, তাহা এই কবিশেখরের শ্রেণীত বলিয়াই মনে হয়। এই কবিশেখর ও রায়শেখর একই ব্যক্তি।)

[৮] কবিরঞ্জন—

(ক) নব দর্শনে নবিন নারী। হৃদয় বৃঞ্চল গতি নারি ॥ (নিবারি ?)
কাহিনী কহত লাগছ লাঙ্গ। নয়নে নয়নে গঢ়ল কাঙ্গ ॥

(খ) গুরুয়া গরজে ঘন গগনে লাগল মন কুলিণ না করু মুখ বন্ধ।
তিমির অঞ্জন জল ধারে ধোয়ে হেন তেঁ অল্পমানই সঙ্ক ॥

(গ) দূত বিসোয়াসে পশু নেহারি। যামুন কুঞ্জে রহল বনমালি ॥
উছ ধনি সহজই পছমিনি জাতি। তোহারি বিলাস উচিত নহে রাতি ॥
হৃন্দরি মা কুরু মনোরথ ভঙ্গ। অহে অভিসারে দ্বিগুণধিক রঙ্গ ॥
ভুখিল জল জব না পায় বয়ান। বিফল ভোজন দিন অবসান ॥
আরতি রতিছঁ না হয়ে সমগুল। গাহক আদর সব বহু মূল ॥
পছমিনি নাথরি পছমনি নাহ। কহে কবিরঞ্জন রস নিরবাহ ॥

(ঘ) কি কহব মাধব পিরিতি তোহারি। তুয়া অভিসারে না জানিয়ে বরনারি ॥
পশু পিছরে নিসি কাজর কাঁতি। পাথরে (পাতরে) ভৈ গেল দিগ ভরাতি ॥
চরণে বেঢ়ল অহি তাহে নাহি সঙ্ক। হৃন্দরী হৃদয়ে নপূর পরিবন্ধ ॥

কবিরঞ্জন ঠাকুর—

(ঙ) চরণ নখ রমণিরঞ্জন ছান্দ। ধরণী লোটাজল গোকুলচান্দ ॥
চরকি চরকি ঝরু লোচনে লোর। কত রূপে মিনতি করল পঁহু মোর ॥

(চ) উদসল কুন্তল জায়া। গলে দোলে মোতিম হারা ॥
মুয়তি শূঙ্গার লখিমি অবতারা। যমুনা জলে জেন দুখকি ধারা ॥
দাক্ষণ মদন বিকারা। কামিনি করত পুরুষ ব্যবহার ॥
কিছিনি রূপরগি বাজে। জয় জয় ভিণ্ডিম মদন সমাঝে ॥
রসিক সিরোধিনি কাম। কহে কবিরঞ্জন ভাল ॥

[৯] যদুনাথ দাস ঠাকুর—

সজ্জনি ও বোল বোলসি জানি মোরে ।

যে বন্ধু লাগিয়া এতেক পরমাদ ছাড়িতে বোলহে তারে ॥

[১০] শ্রীলোচনানন্দ ঠাকুর—

কোন দেশে ছিল আগো মাগো ।

কাল বোলিতে মোর মুখে পড়িত লালো ॥

ইবে কেনে কাজে নাহি লাগি ॥ ধ্রু ॥

কোনের বহুআরি আমি বাড়ির বাহির নহি মোরা

কাল দেখিতে ভেল বেলা ।

আচেষ্টে ঘুমের বেলে স্বামির সিজের কোলে

সপনে উঠিয়া দেখি কালো ॥

পাকে বান্ধা ধরে তুমি পরকে নামাইয়াছ

তোমার পাও নাহি তিতে ।

লোচন বোলেন দিদি এ ছুথে আমি কান্দি

উঠিতে না পাবা এ না চিতে ॥

[১১] নৃপ উদয়াদিত্য—

এমন বন্ধুরে মোর জে জন ভাঙ্গায় । এ হেন অবলার বধ লাগিবেক তায় ॥

[১২] জ্ঞানদাস ঠাকুর—

(ক) না মরিয়ে ননদিনি মুন্দি দুইটি আঁথি । এ ভর দুফরে জেন স্যামরূপ দেখি ॥

(খ) তিলে তেআগিলু পতি খরধার । অবণে না শুনহঁ(লু) ধর্ম বিচার ॥

(অ-প-র, ৩৫)

(গ) আজু অবধি দিন ভেল ।

কাক নিকটে কহি গেল ॥

সঘনে খসজ নিবিবন্ধ ।

বাম নয়ন করু স্পন্দ ॥

এ লক্ষণ বিফল না যাব ।

মাধব নিজ ঘরে আওব ॥

—(প-ক-ত, ১২৭৮)

[১৩] বড়ু চণ্ডীদাস ঠাকুর—

(ক) কি না হৈল্য মোরে সেই কাছুর পিরিতি ।

আঁথি বুঝে পুলকিত প্রাণ কান্দে নিতি ॥

নবীন পাউসের মীন মরন না জানে ।

নব অহুরাগে চিত্ত নিরোধ না মানে ॥

ধাইতে সোআন্ত নাই নিল গেল দূরে

নিরবধি প্রাণ মোর কাছ করি বুঝে ॥

জ্ঞে না জানয়ে ওনা রস সে না আছে ভাল ॥

হৃদয়ে রহল মোর কান্থপ্রেমসেল ॥

ঘর কৈলু বাহির বাহির কৈলু ঘর ।

পর কৈলু আপনা আপন কৈলু পর ॥ (২৭ পদ্যাক্ষ, আশ্বদৈজ্ঞ) ।

বজ্র চণ্ডীদাস—

(খ) আজু গোকুল হুহু ভেল । হরি কিয়ে মধুপুর গেল ॥

রোদতি পঙ্কর স্বকে । দেখু ধাবই মাথুর মুখে ॥—(প-ক-ত, ১৬৩৮)

(ভবন বিরহ) গ্রন্থকারের নিজোক্তি, ৩৩ পত্রাক্ষ,—

ভবন বিরহিনির ছপ কহনে না জায় । অমুতে সিঁচিলে হিয়া নাহিক জুড়ায় ॥

[১৪] শ্রীমত প্রভু (শ্রীরতিপতি ঠাকুর)—

এতদিন বুঝলু তুয়া হৃদয় নিষ্ঠুর । রাই উপেক্ষি আয়লি এত দূর ॥

অব তুহু একলি রহসি বন মাঝ । তোয়ে নাহি সম্ভবে এমন অকাজ ॥

সময় উচিত করিএ জদি মান । আঁচরে ঝাপিয়ে আপন বয়ান ॥

এক দিনে শুতিয়ে চিত সমাধি । সাধীয়ে বাদ উহি ঝাথএ উপাধি ॥

অনুগত তুয়া বিহু না বোলয়ে আন । করে ধরি বলে ছুতি করহ পয়ান ॥

রতিপতি দাস করয়ে পরনাম । ছুতি নহে ইহৌ ছুর্জক পবাণ ॥

[১৫] বল্লভ চতুর্ভূষণ—

অপরূপ প্রেম তরঙ্গ ।

রাইক কোরে চমকি হরি কহতহিঁ কবে হব রাইক সঙ্গ ॥

—(প-ক-ত, ৭৭৩)

[১৬] শ্রীরাধাবল্লভ চক্রবর্তী ঠাকুর—

ভাষুল বদনে ইত্যাদি ।

[১৭] শ্রীগোবিন্দ চক্রবর্তী ঠাকুর—

উলসিত মঝুহিয়া আজু আওব প্রিয়া দৈবে কহল সুভবানি ।

শুভ সূচক জত নিজ অঙ্গে বেকত অতএব নিশ্চয় করি মানি ॥

—(প-ক-ত, ১৭০৪)

[১৮] নৃসিংহ ভূপতি—

স্যামধুন্দর স্বঘড়সেখর কোরে মিলল রে ।

[১৯] শ্রীগোবিন্দ আচার্য্য ঠাকুর—

ঘন মেঘ বরিধয়ে বিজুরি চমকে । তাঁহা দেখি প্রাণ মোর হরহরি কাপে ॥

ছোড় ছোড় আঁটল নিলজ মুরারি । লাজ নাহিক তোর হাম পরনারি ॥

[২০] শ্রীনরোত্তম ঠাকুর—

রাইর দক্ষিণ কর ধরি শ্রিয়া গিরিধর মধুর মধুর চল জায় ।

আগে পাছে সধিগণ করে ফুল বরিসন কেহো কেহো চামর ঢুলায় ॥

—(প-ক-ত, ১০৭৪)

[২১] শিবানন্দ আচার্য্য ঠাকুর—

(ক) নিজ নিজ মন্দিরে চলয়িতু পুনঃ পুনঃ দুহঁ মুখচন্দ্র নেহারি ।

অস্তরে উছলল প্রেম পয়োনিধি লোচনে পুরল বারি ॥—(প-ক-ত, ৬৬০)

(খ) বৃন্দাবনে রাধাকাহ্ন কেলি বিলাস ।

দুহঁ স্তম্ভ অভিসারি খেলে পাশা সারি কোঁতুকে হাস পরিহাস ॥

পদকর্তৃগণের নামের বর্ণানুসারে সূচী

[১] অজ্ঞাত পদকর্তা	[২] উদয়াদিত্য (নৃপ)
[৩] কবিরাজ ঠাকুর (গোবিন্দদাস)	[৪] কবিশেখর
[৫] কবিরঞ্জন	[৬] গোপাল দাস
[৭] গোবিন্দ চক্রবর্তী	[৮] গোবিন্দ আচার্য্য
[৯] জ্ঞানদাস	[১০] নবোত্তম ঠাকুর
[১১] নসিংহ ভূপতি	[১২] বড়ু চণ্ডীদাস
[১৩] বল্লভ চতুর্দারীণ	[১৪] বিদ্যাপতি
[১৫] মহাজনশ্রু (অজ্ঞাত পদকর্তা)	[১৬] যতুনাথ দাস
[১৭] রতিপতি ঠাকুর	[১৮] রাধাবল্লভ চক্রবর্তী
[১৯] লোচনানন্দ	[২০] শিবানন্দ
[২১] শ্রীশ্রীনিবাস আচার্য্য ।	

আমাদের মন্তব্য

রসকল্পবল্লীর মধ্যে যে কয়জন পদকর্তার পদ উদ্ধৃত হইয়াছে, তাঁহাদের নাম ও পদ তুলিয়া দিলাম। ইহার দ্বারা পদাবলী-সাহিত্যের অঙ্ককার পক্ষে কথঞ্চিৎ আলোক-সম্পাত হইতে পারে। বল্লভ চৌধুরী, রাধাবল্লভ চক্রবর্তী প্রভৃতি পদকর্তাগণের নাম পদাবলী-সাহিত্যে নূতন। পদকল্পতরুর বল্লভ ভণিতার পদের মধ্যে ইহাদের পদ আছে কি না অসুসন্ধান আবশ্যক। শ্রীরতিপতি ঠাকুরের নামও নূতন পাইলাম। তবে রসমঞ্জরীর “কুঞ্জে কুসুম হেরি পছ নেহারই সহচরী মেলি আনন্দে” পদটি ইহারই রচিত বলিয়া মনে হয়। পদকল্পতরু গ্রন্থে “উলসিত মনু হিয়া” এই ১৭০৪ সংখ্যক পদটি গোবিন্দ কবিরাজের বলিয়া সম্পাদক রায় মহাশয় কর্তৃক উল্লিখিত হইয়াছে, কিন্তু রসকল্পবল্লীতে এই পদটি স্পষ্টই গোবিন্দ চক্রবর্তীর নামে পাওয়া যাইতেছে। “অঙ্কুর

কোণে থাকি” পদটী (৮৩২ সং) পদকল্পতরুতে অজ্ঞাত পদকর্তার নামে চলিয়া গিয়াছে, এই পুথি হইতে জানিলাম, পদটী সুপ্রসিদ্ধ শ্রীনিবাস আচার্য ঠাকুরের রচিত। আচার্য ঠাকুরের ভণিতায়ুক্ত তিনটী পদ পদকল্পতরুতে পাওয়া যায়। (সংখ্যা ৭২০, ৩০৭২ ও ৩০৭৩)। ইহার মধ্যে “বদনচন্দ্র কোন কুন্দার কুন্দিলে” (৭২০) পদ ভক্তিগদ্যাকারে ও অমুরাগবল্লীতে শ্রীনিবাস ঠাকুরের রচিত বলিয়াই উদ্ধৃত হইয়াছে।

সুপ্রসিদ্ধ পদকর্তা গোবিন্দদাস এই গ্রন্থে সর্বত্র শ্রীকবিরাজ ঠাকুর, কবিরাজ মহাশয়, অথবা কবিরাজ রূপে উল্লিখিত হইয়াছেন। কবিরাজ ঠাকুরের কতকগুলি পদ নূতন বলিয়া মনে হইয়াছে।

বিদ্যাপতির কয়েকটী পদই নূতন মনে হইল। “দূতি তুহঁ দারুণ সানিলে বাদ” পদটী রসমঞ্জরীতেও পাইয়াছি,—কিন্তু মাত্র ঐ দুইটী কলি। এ পদটী পদকল্পতরু বা নগেনবাবুর সংগ্রহে পাওয়া গেল না। “এত দুখ দেওসি মদন” পদটী শ্রীযুক্ত সতীশচন্দ্র রায় মহাশয়-সংকলিত অপ্রকাশিত পদবত্তাবলীতে রূপান্তরে পাওয়া গিয়াছে। “সজানি কৈছে জিঅব কাহু” পদটী রায় মহাশয় বাঙ্গালী পদকর্তা রায়শেখরের বলিয়া উদ্ধৃত করিয়াছেন। এই পদটী পদকল্পতরুতেও পাওয়া যায়। আবস্ত এইরূপ—

“তিল এক নয়ন এত জিউ না সহ না রহু তুহঁ তলু ভীন।”

ভণিতায় কবিশেখরের নাম আছে। এ পদের প্রকৃত ভণিতা পাঠান্তরে উদ্ধৃত হইয়াছে—

“বিদ্যাপতি ভণে ভাব না জানিয়ে সোই বড়ই বিপরীত ॥”

বিদ্যাপতির “বিদগধ নাগরী” পদটী অজ্ঞাত পদকর্তার নামে অপ্রকাশিত পদবত্তাবলীর মধ্যে আছে। “বিদগধ নাগরী” প্রভৃতি কলি দুইটির পরিবর্তে নিম্নলিখিত দুইটী কলিতে পদ আরম্ভ,—

“হরি গলে লাগল চম্পক মালা। পুলকিত বাহু বিহসি রহু বালা ॥”

বাকী চারিটী কলি একরূপ।

জ্ঞানদাসের মাত্র তিনটী পদ উদ্ধৃত হইয়াছে। একটী পদ পদকল্পতরুতে পাই। অপর দুইটী পদ অপ্রকাশিত পদবত্তাবলীতে আছে—সংখ্যা ২৮ ও ৩৫। “রূপ লাগি আঁখি বুঝে” পদটী আমরা জ্ঞানদাসের নামেই চালাইয়া আসিতেছি। গোপালদাস মহাজনের পদ বলিয় ইহা উদ্ধৃত করিয়াছেন, জ্ঞানদাসের নাম দেন নাই। কারণ কি?

কবিরঞ্জনকে লইয়া বিধম বিপদ উপস্থিত হইয়াছে। ইহার কয়েকটী বিখ্যাত পদ বিদ্যাপতির নামে চলিয়া গিয়াছে। যেহেতু পদের রচনা উৎকৃষ্ট, সেই হেতু তাহা বাঙ্গালী পদকর্তার রচনা হইতে পারে না—ইহা কোনও যুক্তি নহে। একটা মৈথিল শব্দ, দুইটা প্রয়োগ-পদ্ধতি—বাহা ব্রজবুলির মধ্যেও থাকা আশ্চর্য নয়, বরং স্বাভাবিক, তাহাও তেমন জোর প্রমাণ বলিয়া গণ্য হইতে পারে না। রসকল্পবল্লীর প্রণেতা গোপালদাস ঐচ্ছ-মধ্যে ঐচ্ছিক বিখ্যাত ব্যক্তিদের সঙ্গে যে কবিরঞ্জন নাম করিয়াছেন, এবং রঘুনন্দন শাখা-নিবন্ধী ঐচ্ছিক ঐচ্ছিক বংশপরোক্ষ প্রশংসা করিয়াছেন, তিনি নিজের গ্রন্থমধ্যে শ্রীকবিরঞ্জন ঠাকুর বলিয়া ঐচ্ছিক পদ উদ্ধৃত করিতেছেন, কোন প্রমাণে বলিব—সে পদ মিথিলার

বিদ্যাপতির ? “চরণ নথ রমণীরঞ্জন ছান্দ” পদটির মাত্র কয়েকটি কলি গোপালদাস উদ্ধৃত করিয়াছেন, তাঁহার পুত্র পীতাম্বর রসমঞ্জরী গ্রন্থে ভণিতা সহ সেটি সম্পূর্ণ তুলিয়া দিয়াছেন। এই পদটি প্রাচীন পদসংগ্রহ পদকল্পতিকায় (সংগ্রহ ১৭৭৫ শকাব্দা) কবিরঞ্জনের ভণিতায় উদ্ধৃত আছে। এখন শ্রীযুক্ত সতীশচন্দ্র রায় মহাশয় আপত্তি করিতেছেন,—পদকল্পতরু গ্রন্থে যখন বিদ্যাপতি-ভণিতায় পাওয়া যাইতেছে, তখন ঐ পদ কবিরঞ্জনের হইতে পারে না। পদকল্পতরু অপেক্ষা যে রসকল্পবলী বা রসমঞ্জরীর প্রমাণ বলবত্তর, সে বিষয়ে সন্দেহ করিবার কি আছে ? বিদ্যাপতির যে কবিরঞ্জন উপাধি ছিল, মূলে তাহাই প্রমাণিত করা আবশ্যক। বাঙ্গালায় মিথিলায় বিদ্যাপতির পদ বড় জোর শতখানেক পাওয়া যাইবে কি না, সন্দেহ। কবিরঞ্জন যে বাস্তবিকই একজন উঁচুদরের কবি ছিলেন, তাহা তাঁহার পদ পড়িয়াই বুঝা যায়। অশ্বত্থায় রামগোপাল দাস তাঁহাকে বিদ্যাপতি ও কালিদাসের সঙ্গে তুলিত করিতেন না। সুতরাং আমাদের কাছে এখন পূর্বসংস্কার ভ্যাগ করিয়া তাঁহার প্রাপ্য কবি-সম্মান তাঁহাকে দিতে হইবে। “উদয়ল কুন্তলভারা” পদটির পূর্বে পদকর্তার নামের জায়গা কাটা আছে। পূর্বে বোধ হয়, তুল্যক্রমে অশ্ব নাম লেখা হইয়াছিল, সে নাম তুলিয়া দিয়া কবিরঞ্জন লেখা হইয়াছে। “দেবা চকেবা”—কলি দুইটি এ গ্রন্থে নাই। কবিরঞ্জনের সঙ্গে “জস রাখা” কথাটা বুঝিলাম না (গ্রন্থের মধ্যে খণ্ডের বিখ্যাত ব্যক্তিগণের পরিচয় মধ্যে)। ‘যশরাজ খান’ কি এইরূপ কিছু হইবে না-কি ? কবিরঞ্জনের কয়েকটি পদ পদকল্পতরুতে পাওয়া যায়।

এই গ্রন্থে বড়ু চণ্ডীদাসের দুইটি পদ পাওয়া যায়, কিন্তু দুইটিই সন্দেহজনক। প্রথম পদটির পদকর্তার নামের জায়গাটা কাটা এবং তাহাতে অস্পষ্ট ভাবে ‘বড়ু চণ্ডীদাস ঠাকুর’ লেখা। কেহ অশ্ব নাম তুলিয়া এই নাম বসাইয়াছে অথবা ‘বড়ু চণ্ডীদাস’ নামটাই তুলিয়া দিবার উদ্দেশ্যে এরূপে কাটিয়াছে, কিছুই বলিবার উপায় নাই। যে ভণিতাহীন পদটি ‘আত্মদৈব’ নামে উদ্ধৃত হইয়াছে, তাহা পদকল্পতরু প্রভৃতি সংগ্রহগ্রন্থে রূপান্তরে চণ্ডীদাসের নামেই পাওয়া যায়। দ্বিতীয় পদে পদকর্তার নাম অস্পষ্ট, কিন্তু যে পদ উদ্ধৃত হইয়াছে, এখন সে পদ বিদ্যাপতির নামে চলিতেছে। গোপালদাস প্রথম কলি দিয়াছেন, “আজু গোকুল স্তম্ভ ভেল”। বিদ্যাপতির নামের পদের আরম্ভ, “হরি কি মথুরাপুর গেল”। শ্রীযুক্ত নগেনবাবু হর ত ইহাকেই একটু মৈথিল করিয়া লইয়াছেন ! পদকল্পতরুর প্রমাণের উপর নির্ভর করিয়া জোর করিয়া কিছু বলা চলিবে না। তবে যদি মিথিলায় বা নেপালের তালপত্রের কিছু লেখা থাকে, সে, অবশ্য স্বতন্ত্র কথা।

‘কণদাগীতচিন্তামণি’তে চণ্ডীদাসের কোনো পদ পাওয়া যায় না। অথচ জ্ঞান, গোবিন্দ প্রভৃতি পদকর্তাগণের পদের অভাব নাই। ইহার কোন সঙ্গত কারণ খুঁজিয়া পাই না। কণদার পূর্ববিভাগ মাত্র সংকলিত হইয়াছিল ; কিন্তু উত্তরবিভাগের অস্ত্র কেবল চণ্ডীদাসকেই রাখা হইয়াছিল, ইহা কোনো কাজের কথা নয়। সব রসেরই পদ কণদায় আছে, সুতরাং চণ্ডীদাসকে রাখিতে অস্ববিধা না থাকিবারই কথা। চক্রবর্তীর সঙ্গে চণ্ডীদাসের ঝগড়াই বা কি থাকিতে পারে ? রসবিচারে গুরুতর মতবিরোধ হইলে

পদ উদ্ধারে বাধা ঘটবে কেন? বিশেষ স্বর্গীয় কবির সম্বন্ধে চক্রবর্তিপাদ যে এতটা অবিচার করিয়াছেন, ইহা সম্ভব মনে হয় না। তবে কি চণ্ডীদাসের পদ সে সময় পাওয়া যাইত না? মহাপ্রভুর আশ্বাদিত পদ এত শীঘ্রই বিলুপ্ত-প্রচার হইয়া গিয়াছিল? এ সম্বন্ধে আরও অল্পসন্ধান এবং বিস্তৃততর আলোচনা আবশ্যক।

রসকল্পবল্লীতে “বড়ু চণ্ডীদাস” নাম দেখিয়া ভরসা হইতেছে, কবির নাম লোকে ভুলে নাই, তবে পদ বিরল-প্রচার হইয়াছিল। কীর্ত্তনগানের মুখে অথবা কাহারও নিজের সংগ্রহে লেখা যাহা পাওয়া গিয়াছিল, পরে তাহাই সংকলিত হইয়াছে। গোপালদাসের পূর্বেই দীন চণ্ডীদাসের পদ প্রচারিত হইয়াছিল, ইহা নিশ্চিত; “বড়ু চণ্ডীদাস” নাম দেখিয়াও এইরূপই অনুমিত হয় যে, উপাধি সহ কবিকে চিহ্নিত করিয়া রাখার দরকার হইয়াছিল। সেরূপ প্রয়োজন না থাকিলে কেবল “চণ্ডীদাস” বলিলেই যথেষ্ট হইত। কবিরাজ ঠাকুর, গোবিন্দ চক্রবর্তী প্রভৃতি নাম দেখিয়াও বুঝা যায় যে, গোপালদাস সকলকেই এই ভাবে চিহ্নিত করিয়া গিয়াছেন।

গ্রন্থখানিতে কতকগুলি পদ “মহাজনস্য” বলিয়া উল্লিখিত হইয়াছে। প্রায় পৌনে তিন শত বৎসর পূর্বে গোপাল দাস এই পুথি লিখিয়াছিলেন, সেই সময়েই অনেক পদের ভণিতা ছিল না। পুত্র পীতাম্বরও নিজের রসমঞ্জরী গ্রন্থে কয়েকটি পদ “কশ্চিৎ” বলিয়া উদ্ধার করিয়াছেন। সে সংগ্রহে কিন্তু ইহাব একটা রূপ পাওয়া যায়। তাহাতে অপর কলিগুলির সঙ্গে ইহার বেশ সামঞ্জস্যও রক্ষিত হইয়াছে। কথা উঠিতে পারে যে, এই ভাবে বেওয়ারিশ টুকরা-টাকরা পদ জোড়া-তাড়া দিয়াই হয় ত চণ্ডীদাসের পদের সৃষ্টি হইয়াছে। কিন্তু তাহা যে সর্বত্র হয় নাই, তাহার প্রমাণস্বরূপ এই কথা বলা যায় যে, অজ্ঞাত পদকর্ত্তাগণের অপর পদগুলিও তাহা হইলে বাদ পড়িত না। তাহার মধ্যেও এমন অনেক সুন্দর সুন্দর পদ আছে, যাহা চণ্ডীদাসের নামের পক্ষে যেমান্ন হইত না। তবে দুই একটা যে, এই ভাবে সংগৃহীত হইয়াছে, তাহার কারণ—অবশ্যই কেহ কোনরূপ প্রমাণ পাইয়া থাকিবেন, যাহার বলে অপর পাঁচ জনেও সেট চণ্ডীদাসের বলিয়া মানিয়া লইয়াছেন। এ বিষয়েও বিশেষ অল্পসন্ধান হওয়া আবশ্যক। গান-রচয়িতাকে ভুলিয়া যাওয়া লোকের পক্ষে কিছুই আশ্চর্য্য নহে। কোন কবিতার রচয়িতাকে, কোথা হইতে পদ সংগৃহীত, সে সকলের খোজ কে রাখে? কেহ কেহ যে ইচ্ছা করিয়াই স্বরচিত পদে ভণিতা দেন নাই, এমন অসম্মানও করা যায়। যাহা হোক, পদকল্পতরু-সংকলনের সময় প্রায় দুই শত গানের ভণিতা পাওয়া যায় নাই। গোপালদাস যে পদগুলি “মহাজনস্য” বলিয়া উল্লেখ করিয়াছেন, সেগুলি যে পুরাতন, এ কথা বলা চলে। ইহার মধ্যে একটি পদ—“রূপ লাগি আঁখি বুঝে”—জ্ঞানদাসের নামে চলিয়া গিয়াছে। কোন কোন পুথিতে আবার যদুনাথের ভণিতা পাওয়া যায়। “মহাজনস্য” বলিয়া “বিজ্ঞান বনে বনে” এই যে পদটি কল্পবল্লীতে পাই, পদকল্পতরুতে (৬৪৯) এই পদ গোবিন্দদাসের নামে চলিতেছে; পদকল্পতরুতে আরও,—“ভুলে ভুলে রে দৌহার রূপে নয়ন ফুলে।”

আশ্চর্য্য যে পদগুলি অজ্ঞাত পদকর্ত্তাগণের বলিয়া লিখিয়াছি, সেগুলির পিছনে

“মহাজনসা” বা ঐক্যে কিছু লেখা নাই, কোন পদকর্তার নামও নাই, অথচ উহার সবগুলিই যে গোপালদাসের লেখা নয়, তাহার প্রমাণ—উহার মধ্যে গোবিন্দ কবিরাজের একটি পদ রহিয়াছে,—

“মুরলি মিলিত অধর নব পল্লব ”—(প-ক-ত, ৬২১)

আর একটি পদ বিদ্যাপতির—“রাতি ছোড়ি ভিক্র রমণি”। এই পদগুলি না থাকিলে হয় ত সন্দেহ করা চলিত। অবশ্য উহার মধ্যে দুইটি পদ গোপালদাসের স্বরচিত; রসমঞ্জরীর মধ্যে পূরা পদ পাওয়া গিয়াছে। “মধুপুর পশ্চিক বিনয় করি তোয়” —এই পদটি অপ্রকাশিত পদরত্নাবলীর মধ্যেও আছে। অত্র পদটি “চিকুর ফুরিছে বসন খসিছে” পদের মধ্যের দুইটি কলি। এ পদটীও অপ্রকাশিত পদরত্নাবলীতে আছে। অত্রা পদগুলি কোন্ কোন্ পদকর্তার রচিত, হয় ত অহুসঙ্কান করিলে পরে সন্ধান মিলিবে; তবে সে পদগুলি যে গোপালদাসের রচিত, ইহা কোন মতেই বলা চলে না। ইহা গ্রন্থকারের পয়ার ত্রিপদীও নহে। এগুলি যে পদ, তাহা রাগ-রাগিণীর উল্লেখে বৃষ্টিতে পারা যায়। আমাদের মনে হয়, এগুলিও বহু বিখ্যাত, সে কালে প্রচলিত পদের অংশ-বিশেষ। হয় ত কোনটার ভণিতা ছিল, হয় ত বা ছিল না; গোপাল দাস উদাহরণ-স্বরূপে সেগুলি উদ্ধৃত করিয়া গিয়াছেন। অপরের ভণিতাহীন পদ তিনি প্রায়ই তুলিয়াছেন, কিন্তু নিজের পদ প্রায় সবগুলিই ভণিতা সহ সম্পূর্ণই লিখিয়া গিয়াছেন। যে দুইটি অসম্পূর্ণ ছিল, তাহা পুত্রের পুণিতে পূর্ণ হইয়াছে। অজ্ঞাত পদকর্তার পদের একটি আজও প্রায় ভণিতাহীন ভাবেই চণ্ডীদাসের নামে চলিতেছে; পদকল্পতরুর ৮২৮ সংখ্যক পদের ত্রিপদীর সঙ্গে মিশিয়া এই কয়টি কলি—“তরল বাঁশের বাঁশী নামে বেড়াঝাল” ইত্যাদি—একটি খিচুড়ীর সৃষ্টি করিয়াছে।

রসকল্পবল্লী হইতে নিম্নলিখিত পদকর্তৃগণেরও কিছু কিছু পরিচয় পাওয়া যায় :—

বল্লভ চৌধুরী—পদকল্পতরুর ভূমিকায় রায় মহাশয় এই পদকর্তার কোন উল্লেখ করেন নাই। তিনি “বল্লভ” ভণিতার পদগুলি নরোত্তম ঠাকুর মহাশয়ের কোন (বল্লভ-নামা) শিষ্যের রচিত মনে করিয়াছেন। আর রাধাবল্লভ-ভণিতার পদ স্বধানিধি মণ্ডলের পুত্র রাধাবল্লভের রচিত বলিয়াছেন। কিন্তু রসকল্পবল্লী হইতে জানা যাইতেছে, একজন বল্লভ পদকর্তার চৌধুরী পদবী ছিল। আমাদের মনে হয়, উদ্ধব দাস এই চৌধুরী বল্লভেরই উল্লেখ করিয়া গিয়াছেন,—

“শ্রী রাধাবল্লভ চাঁদরায় প্রেমার্ণব চৌধুরী শ্রীখেতরী-নিবাস ॥” (প-ক-ত, ৩০২২)

পদকল্পতরুর রাধাবল্লভ ভণিতার পদগুলি ইহারই রচিত বলিয়া অস্বীকৃত হয়। কর্ণানন্দ গ্রন্থে স্বধানিধি মণ্ডলের (পত্নী শ্রামপ্রিয়া) পুত্র “রাধাবল্লভ মণ্ডল স্বচরিত্রের” উল্লেখ পাই। কিন্তু রসকল্পবল্লীতে চৌধুরী বল্লভের পদ পাইতেছি, এদিকে নরোত্তম-শাখায় রাধাবল্লভ চৌধুরীর নাম পাওয়া যাইতেছে। পদকর্তা যে নরোত্তম-ভক্ত ছিলেন, পদের মধ্যে সে পরিচয়েরও অভাব নাই। সুতরাং ইনিই পদকর্তা—এইরূপই অস্বীকৃত হইতেছে। যদি মণ্ডল রাধাবল্লভ পদকর্তা হন, তবে দুই জনের পদ মিশিয়া গিয়াছে। এই চৌধুরী বল্লভের পদের যে দুইটি কলি রসকল্পবল্লীতে উদ্ধৃত

হইয়াছে, পদকল্পলতিকায় সেই দুইটি কলি সহ পদটী বল্লভদাসের ভণিতায় পাওয়া যায়। পদের আরম্ভ,—“সজ্জনি কো কহ প্রেমতরঙ্গ।” (প-ক-স, ৭৭-৭৮ পৃষ্ঠা)। ইহা হইতে বুঝিতে পারা যায় যে, পদকল্পতরু হইলেই তাহাকে প্রামাণ্য বলা চলিবে না। এক্ষেত্রে পৌনে তিন শত বৎসরের পুথির সঙ্গে পদকল্পলতিকার সম্পূর্ণ মিল রহিয়াছে। এদিকে পদবল্লভতরুর গোবিন্দদাস ভণিতার ৭৭৩ সংখ্যক পদের মধ্যে সেই দুইটি কলি রূপান্তরিত হইয়া রহিয়াছে। পদের আবস্ত—“আর কিয়ে কনক কষিল তহু সুন্দরি দরশ পরশ মল্ল হোর।” ভূতীয় ও চতুর্থ কলি দুইটি এইরূপ,—

“সজ্জনি না বুঝিয়ে প্রেমতরঙ্গ। রাইক কোরে চমকি হরি বোলত কবে হবে তাকরঙ্গ।”

ইহাবই পরে ৭৭৪ সংখ্যক পদ রাধাবল্লভ দাসের ভণিতায়ুক্ত। বল্লভ ভণিতার কতকগুলি পদ বংশীলীলা-প্রণেতা শ্রীবল্লভের রচিত বলিয়া মনে হয়। গোবিন্দদাসের একটা পদে শ্রীবল্লভের নাম পাওয়া যায়—

“গোবিন্দদাস ভণে শ্রীবল্লভ জানে রসবতী রসমরিজাদ ॥”—(প-ক-ত, ২৩৪)।

১৪১৬ শকাব্দে বংশীবদনের জন্ম। ইহার পুত্র চৈতন্যদাস, তৎপুত্র শচীনন্দন, তৎপুত্র শ্রীবল্লভ। অনেকের মতে ১৪৫২ শকে গোবিন্দ কবিরাজের জন্ম। ১৪৯৯ শকাব্দে তিনি দীক্ষা গ্রহণ করেন। বংশীবদন চট্টোপাধ্যায় কুলীন ব্রাহ্মণ, স্তত্রাং কুড়ি বৎসর বয়সে তাঁহার পুত্র হইয়াছিল, এবং পুত্র পৌত্রোবও এই হিসাবে জনকত্ব ধরিলে ১৪৯৯ শকাব্দে শ্রীবল্লভ ২৩২৪ বৎসর বয়স্ক যুবক, এইকণ অসুমান করা যায়। গোবিন্দদাস দীক্ষাগ্রহণের পবে পদ লিখিতে আরম্ভ করেন। বংশীবদনের গৌরবান্বিত বংশে জন্মিয়া এবং কবিত্ব-শক্তি লাভ করিয়া বল্লভ ৪০ বৎসর বয়সে গোবিন্দ কবিরাজের সঙ্গে পরিচিত হইয়াছিলেন ও তাহার পরে বন্ধুত্বসূত্রে বল্লভ গোবিন্দের বন্দনা পদ লিখিয়াছিলেন (ভক্তিরত্নাকর), এবং গোবিন্দ তাঁহার স্বরচিত পদে বল্লভের নাম সংযুক্ত করিয়াছিলেন, ইহা যদি ধরিয়া লওয়া যায়, তাহা হইলে সব দিকেই সামঞ্জস্য রক্ষিত হয়। হইতে পাবে, এই বল্লভ শ্রীনিবাস আচার্য বা নরোত্তম ঠাকুর মহাশয়ের শিষ্য ছিলেন। বল্লভ ভণিতার পদে আচার্য ও ঠাকুর মহাশয় উভয়েরই উপর যথেষ্ট শ্রদ্ধার পবিচয় পাওয়া যায়। আচার্যদেব, ঠাকুর মহাশয়, কবিরাজ রামচন্দ্র ও কবিরাজ গোবিন্দের তিরোধানের পরও বল্লভ জীবিত ছিলেন, এবং শোকসূচক পদ রচনা করিয়াছিলেন; পদকল্পতরুর ২৯৮১—৮২ ও ৮৩ সংখ্যক পদ হইতেই তাহা প্রমাণিত হয়। বৈষ্ণবদাস পদকল্পতরুতে “পূর্বপূর্বগীত-কর্তৃগণশ্রীচরণস্বরগম” বলিয়া ঐহাদের বন্দনা করিয়াছেন, তাঁহাদের মধ্যে “জয় জয় শ্রীবল্লভ পরমাত্ম প্রেমমুরতি পরকাশ” বলিয়া বোধ হয়, এই শ্রীবল্লভেরই নাম উল্লেখ করিয়াছেন। স্তত্রাং ইহাকে ত্যাগ করিয়া অন্ত বল্লভের কল্পনা করিতে যাওয়া কত দূর সঙ্গত, সুধীগণ বিচার করিবেন।

রাধাবল্লভ বা বল্লভ ভণিতার পদের মধ্যে রাধাবল্লভ চক্রবর্তী ঠাকুরের পদও আছে। এই চক্রবর্তী ঠাকুরের সঙ্ক্ষে পরে আলোচনা করিব। পদকর্তা বনশ্রামের

(প-ক-ত, ২৪২১) “উজ্জল হার উর পীত বসনধর ভালহি চন্দনবিন্দু”—এই পদের ভণিতায় এইরূপ উল্লেখ পাই,—

“ভগ ঘনশ্যাম দাস চিত রুরত মদন রায় পরমাণ ॥”

অহুমান হয়, এই মদন রায় কল্পবল্লী-রচয়িতা গোপালদাসের জ্যেষ্ঠ সহোদর। গোপালদাস ইহার সম্বন্ধে লিখিয়াছেন,—“গোবিন্দলীলামৃত ভাষা কৈল পদাবলী।” নরহরি সরকার ঠাকুর মহাশয়ের পার্শ্ব চিরঞ্জীবের পুত্র গোবিন্দদাস, তৎপুত্র দিব্য সিংহ, তৎপুত্র ঘনশ্যাম—চতুর্থ পুরুষ। নরহরির ভ্রাতৃপুত্র রঘুনন্দনের শিষ্য চক্রপাণি হইতে মদন রায় পঞ্চম পুরুষ। উভয়েই শ্রীখণ্ডের অধিবাসী। মদনের কনিষ্ঠ, গোপালদাসের গুরু রতিপতি ঠাকুর, নরহরির জ্যেষ্ঠ মুকুন্দ হইতে ষষ্ঠ পুরুষ। আশা করি, এই হিসাব দেখিয়াও পূর্বোক্ত গোবিন্দ ও শ্রীবল্লভের সময় সম্বন্ধে কেহ সন্দেহ করিবেন না। রঘুনন্দনের পৌত্রের নামও মদন। ঘনশ্যামের পদে ইহারও নাম উল্লিখিত থাকিতে পারে। ইনিও প্রায় ঘনশ্যামের সম-সাময়িক। রায় উপাধি দেখিয়া কিন্তু সন্দেহ হয়। নরোত্তম-শিষ্য একজন মদন রায় ছিলেন।

“নৃসিংহ ভূপতি” নামক একজন পদকর্তার উল্লেখ কল্পবল্লীর মধ্যে পাওয়া যায়। “পূর্বপূর্ব পদকর্তৃগণচরণস্মরণে” বৈষ্ণব দাস লিখিয়াছেন,—“জয় জয় শ্রীনরসিংহ কৃপাময় জয় জয় বল্লবীকান্ত”। নরোত্তমের স্বগণ গঙ্গাতীরবর্তী পঞ্চপল্লী-নিবাসী রাজা নরসিংহ যে পদকর্তা ছিলেন এবং নৃসিংহভূপতি বলিতে তাঁহাকেই বুঝাইতেছে, কল্পবল্লী দেখিয়া এইরূপই অহুমান হয়। আশা করি, নৃসিংহ কবিরাজের দোহাই দিয়া অতঃপর ইহাকে কেহ অস্বীকার করিবেন না।

ভক্তিরত্নাকরে ও প্রেমবিলাসে রূপ ঘটকের উল্লেখ আছে। জাজিগ্রামে ইহার নিবাস ছিল। আমাদের মনে হয়, এই রূপ ঘটক মহাশয়ই রামগোপাল দাসকে গ্রন্থসম্বন্ধ দিয়াছিলেন। ইনি শ্রীনিবাস আচার্য্য ঠাকুরের শিষ্য—“ঘটক শ্রীকৃপ নাম রসবতী রাইশ্যাম লীলার ঘটনা রসে ভাস” (প-ক-ত, উদ্ধবদাসের পদ, ৩০২২)। বৈষ্ণবদাসও বন্দনা করিয়াছেন,—“জয় জয় রূপ ঘটক ঘট রসময়” (১৮ সং) ; কিন্তু ইহার রচিত কোন পদ পাওয়া যায় না। ইনি বোধ হয়, রঘুনন্দন-শিষ্য চক্রপাণিকে দেখিয়াছিলেন ; কারণ, রঘুনন্দন ও নরোত্তম সমসাময়িক। তাহা হইলে ঘটক মহাশয় চক্রপাণি হইতে গোপালদাস পর্যন্ত পাঁচ পুরুষ দেখিলেন। আর যদি চক্রপাণিকে না দেখিয়া থাকেন, অন্ততঃ চারি পুরুষ দেখিয়াছেন, এ কথা বলা যায়।

শিবানন্দ আচার্য্য ঠাকুর কে ? রসকল্পবল্লীতে ইহার দুইটা পদাংশ উদ্ধৃত হইয়াছে। ভক্তিরত্নাকর ও প্রেমবিলাসে “শিবানন্দ বাগীনাথ হরিদাস আচার্য্য” নাম পাই। ইহার কাহার শিষ্য, জানা যায় না। শিবানন্দ সেনের পুত্র কবি কর্ণপূর্ণ ও ইহার সমসাময়িক। এই শিবানন্দ আচার্য্যই পদকর্তা অহুমিত হইতেছেন। পদকল্পতরুর মধ্যে শিবাই ও শিবানন্দ ভণিতার যত পদ আছে, সমস্তই শিবানন্দ সেনের রচিত বলিয়া রায় মহাশয় মত প্রকাশ করিয়াছেন। শিবানন্দ আচার্য্য ঠাকুরের “নিজ নিজ মন্দিরে চলয়িতু পুনঃ পুনঃ ছহঁ মুখচন্দ নেহারি” ইত্যাদি কল্পবল্লীতে উদ্ধৃত কলি দুইটা মাধব ঘোষের ভণিতাযুক্ত ৬৬০ শব্দক পদে পদকল্পতরুর মধ্যে এইরূপ পাওয়া যায়,—

নিজ নিজ মন্দির যাইতে পুনঃ পুনঃ দুর্ছ দুর্ছ বদন নেহারি ।

অন্তরে উয়ল প্রেম-পঘোনিধি নয়নে গলয়ে ঘন বারি ॥”

ভরসা করি, ইহাঁকে কেহ শিবানন্দ সেন বলিয়া ভুল করিবেন না । প্রেমাবলাস বা ভক্তিরত্নাকরে সেন মহাশয়ের নাম থাকিলে সেন পদবী থাকিত, কিংবা বর্ণপূরের সঙ্গে একত্র তাঁহার নাম উল্লিখিত হইত । খেতুরীর মহোৎসবের সময়ে সেন মহাশয় জীবিত ছিলেন বলিয়া মনে হয় না ।

নরোত্তম ঠাকুরের “রাইর দক্ষিণ কর” পদাংশ পদকল্পতরুর ১০৭৪ সংখ্যক পদে পাওয়া যায় । পদকল্পতরুতে আরম্ভ এইরূপ,—

“কদম্বতরুর ডাল ভুমে নামিয়াছে ডাল ফুল ফুটিয়াছে সারি সারি ॥”

উপসংহারে গোপালদাস সঙ্ক্ষে দুই এক কথা বলিয়া আমাদের মন্তব্যের সমাপ্তি করিতেছি । গোপালদাস সঙ্ক্ষে এই কথাটা আমাদের সর্বদা মনে রাখা উচিত যে, শ্রীখণ্ডে সে কালে সংকীৰ্ত্তনের চর্চা যথেষ্টই ছিল । গ্রন্থখানি যে উপলক্ষ্যে রচিত হইয়াছিল, এবং গোপালদাসের সময়ে শ্রীখণ্ডে যে সমস্ত পণ্ডিত ও রসজ্ঞ বৈষ্ণবের বাস ছিল, সে সব কথাও আমাদের ভুলিয়া যাওয়া উচিত নহে । পুথিখানি যে শ্রীখণ্ড, জাজিগ্রাম প্রভৃতি স্থানে যথেষ্টরূপে আলোচিত হইয়াছিল, এ অনুমানও করা যায় ।

বীরভূম-বিবরণ, ৩য় খণ্ড লিখিবার কালে দেখাইয়াছিলাম যে, গোপালদাসের কয়েকটা মানের পদ চণ্ডীদাসের নামে চলিয়া গিয়াছে । সে সময় রসকল্পবল্লী দেখি নাই । কিন্তু চণ্ডীদাসের পদের পারা আলোচনা করিয়া দেখাইয়াছিলাম যে, “খির বিজুরি বরণ গোৱী” পদটি চণ্ডীদাসের হইতে পারে না । শ্রীযুক্ত সতীশচন্দ্র রায় মহাশয় তাঁহার পদকল্পতরুর ভূমিকার ২২-২৩ পৃষ্ঠায় আমার সেই সমালোচনার উল্লেখে ইহাঁকে “অতিমাত্রায় কঠোরতা”, “কচির স্বেচ্ছাচার” ইত্যাদি বলিয়াছেন । এখন রসকল্পবল্লীর মধ্যে এই পদ গোপালদাসের ভণিতায় দেখিয়া তিনি কি বলিবেন জানি না । (এখানে কৃতজ্ঞতার সহিত স্বীকার করিতেছি যে, চণ্ডীদাস সম্পাদনের সুবিধার জন্ত আমি এই ভূমিকার ফাইল দেখিবার অনুমতি রায় মহাশয় ও পরিষৎ-সম্পাদক মহাশয়ের নিকট হইতে পাইয়া অল্পগৃহীত হইয়াছি) । ইহার পূর্বেও একবার এইরূপ ব্যাপার ঘটয়া গিয়াছে । রায় মহাশয়ের অপ্রকাশিত পদরত্নাবলী প্রকাশিত হইলে পর আমি সংক্ষেপে গ্রন্থখানির আলোচনা করি । “রাধে জয় রাজপুত্রী” পদটি রায় মহাশয় পদরত্নাবলীতে বদনের বলিয়া উল্লেখ করিয়াছেন, আমি ঐ পদ শশিশেখরের রচিত বলিয়াছিলাম, কিন্তু রায় মহাশয় স্বীকার করেন নাই (পরিষৎ-পত্রিকা, ১৩৩৪, ১ম ও ২য় সংখ্যা) । কিছুদিন পরে রায় মহাশয় শেখর ভ্রাতৃদ্বয়ের স্বরচিত “নারিকারত্নমালা” গ্রন্থ সম্পাদনকালে গ্রন্থমধ্যে পদটি শশিশেখরের ভণিতায় পাইয়া সন্তুষ্ট হন ।

গোপালদাসের দুইটি পদ—“কালিয়দমন জগই তুয়া বোষই” (পদকল্পতরুতে ১০৫২ সং) ও “মরু মনে নংশল মদন ভুজঙ্গ” (প-ক-ত, ১৬৭৬ সং)—গোবিন্দদাসের নামে চলিয়া গিয়াছে ।

পদাবলী-সাহিত্য লইয়া সম্পূর্ণ আলোচনা আজিও হয় নাই । এ আলোচনায়

আরও অধিক পুথি-পত্র আবিষ্কৃত ও বিচারিত হওয়া আবশ্যিক। আমাদের সকলের এখন সেই দিকেই সচেষ্ট হওয়া উচিত। রসকল্পবল্লীর মত একখানি ছোট-খাট পুথি হইতেই যখন এত সন্ধান পাওয়া যাইতেছে, ভাল ভাল পুথি পাওয়া গেলে, তখন না জানি, আরও কত কত বিষয়ের রহস্যোন্মেষ্ট হইবে।

“থির বিজুরিবরণ গোরি” পদটি লিখিবার পূর্বে গোপালদাস কতখানি ভূমিকা করিয়াছেন, দেখুন—

“অথ কৃষ্ণস্ত প্রিয়ানঙ্গিক। কৃষ্ণ দেখিয়া রাই করে কত রঙ্গ। পরিধেয় বসন পরে অঙ্গ ॥ ছাড়িয়া বান্ধয়ে কেশ উভ করি বাহ। রূপ দেখিয়া ফিরে চলে লহ লহ ॥ সম্বরণ বক্ষ কভু করয়ে উদায়। বেনি স্নাথ কভু নিতম্ব উদাস ॥ সখি আলিঙ্গন করে ঘন জাঁখি ঠারে। ক্ষণে ক্ষণে মন্দ মন্দ হাসে পুলক অন্তরে ॥ হারমালা আভরন দেখে নানা রঙ্গে। ভাবের আবেশে কভু আবেশ হয় অঙ্গে ॥ চরন চলনভঙ্গি নানাবিধ গতি। গরবে দোলায় অঙ্গ মানস মুরতি। নাগরশেখর কৃষ্ণ স্থির নাহি হয়। সখা সখির মাঝে এই রস কয় ॥”

গোপালদাস লিখিয়াছেন,—“অল্পকালে পিত্তি বিয়োগ না হইল অধ্যয়ন”। পুথির পয়ার পড়িয়া অনেকটা সেইরূপই মনে হইয়াছিল বটে। কিন্তু তাঁহার পদাবলী পাঠ করিয়া উহা বৈষ্ণবোচিত বিনয় বলিয়াই ধারণা হইতেছে। গোপালদাস যে একজন প্রথম শ্রেণীর কবি ছিলেন, আশা করি, রসজ্ঞগণের মধ্যে এ সম্বন্ধে মতভেদ হইবে না। এহেন কবির পদ আশাস্বরূপ সংগৃহীত না থাকায় এবং রসকল্পবল্লী বা রসমঞ্জরীদ্রুত পদকর্তাগণের পদ না পাওয়ায় বৈষ্ণবদাসের অনবধানতাকে ইহার জ্ঞাত দায়ী করিব, না পদকল্পতরুর পরবর্তী লিপিকরগণকে দোষ দিব, স্থির করিতে পারিতেছি না। এক বলিতে হয়,—বৈষ্ণবদাস এ সব গ্রন্থ সন্ধান করেন নাই, শুধু গুনিয়াই পদ সংগ্রহ করিয়াছেন; নয় বলিতে হয়, পরে লিপিকরগণ অনেক পদের ভণিতার গোলামাল করিয়া দিয়াছে, ইত্যাদি। এ বিষয়ের বিচার-ভার পণ্ডিতগণের উপর রহিল।

উপসংহারে আর একটা কথা নিবেদন করিতে চাই। পূর্বকালের লোকে নিজে পদ রচনা করিয়া মহাজনের নামে চালাইয়া দিতেন, এইটাই অনেকের পক্ষে এক রকম স্বাভাবিক ছিল বলিলেও চলে। চুরি যে কেহ করিত না, এমন কথা বলি না। কিন্তু গোপালদাসের পক্ষে এ কথা বলা চলে যে, চণ্ডীদাস বা গোবিন্দদাসের পদ নিজের নামে চালানো সে কালে তাঁহার মত লোকের পক্ষে অসম্ভব ছিল। তাঁহার গুরু, গুরু-ভ্রাতা, গুরু-পুত্র, শিক্ষা-গুরু প্রভৃতির তালিকা দেখিয়া বুঝা যায় যে, কিরূপ পণ্ডিত ও প্রভাবশালী বৈষ্ণব-সংঘের মধ্যে তিনি মাছুষ হইয়াছিলেন এবং বাস করিতেন। এই সমস্ত বিবেচনা করিয়া ঐ ঐ পদ আমরা গোপালদাসের রচিত বলিয়াই সিদ্ধান্ত করিয়াছি।*

শ্রীহরেকৃষ্ণ নৃখোপাধ্যায়

কৌলমার্গ-বিষয়ে একখানি প্রাচীন পুথি*

বঙ্গভাষায় কৌলমার্গ বা তন্ত্রবিষয়ে কোনও পুথি একান্ত দুর্লভ। আমাদের দেশে প্রচলিত সাধন-ভজনেব বিশেষ বিশেষ প্রথা অধিকাংশ ক্ষেত্রে আমাদের পক্ষে সম্পূর্ণ অপরিচিত; তথাপি সহজিয়া প্রভৃতি সম্বন্ধে নানারূপ পুথি পাওয়া যায়, তাহাতে উক্ত প্রণালীসমূহ লইয়া চর্চা বা আলোচনা করিতে পারি, কিন্তু তন্ত্রের সম্বন্ধে সে কথা বলা বড় খাটে না,—এ বিষয়ে পুথিব যথেষ্ট অভাব আছে এবং সে অভাব পূরণ করিতে পারিলে বাঙ্গালী-চবিত্রের ও সভ্যতার একটা ধারার সহিত পরিচয় ঘটিবে—একথা স্বীকার করিতে পাবা যায়। তিন চার বৎসর পূর্বে অনেকগুলি হস্তলিখিত পুরাতন পুথিব সঙ্গে অদ্যাকাব আলোচ্য কৌলমার্গবিষয়ক পুথিটা আমার হস্তগত হয়। যদিও সম্পূর্ণ গ্রন্থ পাই নাই, মাত্র পাঁচ পাতা পাইয়াছি, তথাপিও মনে করি যে, ইহার সম্বন্ধে যতটুকু জানা গিয়াছে ততটুকুই বাহির করিয়া দিলে ভাল হয়, নতুবা অনেকানেক অসমাপ্ত উদ্দেশ্যেব অল্পকপ, ইহাও কক্ষে পরিণত না হইয়া শুধু মনঃপীড়ারই কারণ হইবে। সুতরাং পুথিটাব যতটুকু পাইয়াছি, তাহা উদ্ধৃত করিতেছি।—

এই স্বল্পাকৃতি পুথিটা পড়িবার পূর্বে আবও দুই একটা কথা বলিতে চাই। মাত্র পাঁচ বৎসর পূর্বে, সাহিত্য-পরিষৎ হইতে শ্রীযুক্ত বসন্তরঞ্জন রায় ও শ্রীযুক্ত অটলবিহাবা ঘোষ মহাশয়দের তত্ত্বাবধানে কৌলমার্গ-সম্বন্ধীয় একখানি মাত্র প্রাচীন পুস্তক—(পরিষৎ হইতে প্রকাশিত ৮সপ্তাশচন্দ্র সিদ্ধান্তভূষণ মহাশয়ের কৌলমার্গ-রহস্য, সংস্কৃত গ্রন্থেব সকলন ও ব্যাখ্যা)—প্রকাশিত হইয়াছিল, পুস্তকটীর নাম ‘সাধক-বঙ্গন’। তাহার পত্র-সংখ্যা ছিল ১-১৭, ১৯-২১, ২৩। এই পুস্তকটীর পত্র-সংখ্যা ১-৫। মনে হইতেছে যে, ইহা খণ্ডিত, কারণ, প্রথমস্থায়ী আশ্ম-পরিচয় নাই, তাহা নিশ্চয় উপসংহাব ভাগে বহিয়া গিয়াছে। তাহার সন্ধান আমরা আজ দিতে পারিলাম না। সাধক-বঙ্গনেব লিখন-রীতি ইহা হইতে ভিন্ন—সাধক-বঙ্গন উভয় পৃষ্ঠে লেখা; আর এটা এক পৃষ্ঠে। সাধক-বঙ্গনের প্রতি পৃষ্ঠায় ৬-৭ পঙ্ক্তি ধরিয়াছে, ইহার পৃষ্ঠা-প্রতি ৯-১০ পঙ্ক্তি দেখিতে পাইতেছি। সাধক-বঙ্গনে মোট প্রায় ৮০০ পঙ্ক্তি বা ৪০০ শ্লোক—ত্রিপদীকে তিনের স্থলে এক পঙ্ক্তি ধরিয়া; ইহাতে আছে প্রায় ২০০ পঙ্ক্তি। কিন্তু সাধক-বঙ্গনে কাব্যংশ যথেষ্ট, ইহাতে তাহার একান্ত অভাব পরিদৃষ্ট হয়। সাধক কমলাকান্তের রচনায় আধ্যাত্মিক সত্যের বিবৃতি স্বল্প, বটচক্রভেদের ব্যাখ্যাই প্রকৃত প্রস্তাবে প্রতিপাদ্য, নায়ক-নায়িকার সম্ভোগমিলন কাব্যের অনেকটা স্থান অধিকার করিয়া আছে; কিন্তু আলোচ্য পুস্তকে আধ্যাত্মিক তত্ত্ব একমাত্র প্রতিপাদ্য ও বক্তব্য, রূপক বা অলঙ্কারের ভারে তাহা ঢাকা পড়ে নাই, স্নিগ্ধ ও স্পষ্ট ভাষা সোজাজুজি মনের ভিত্তরে অবেশ করে।

উপসংহারভাগেব পত্রসংখ্যা গ্রন্থকারের কোনও পরিচয়ই পাওয়া যায় না। তবে

ভণিতার ব্রহ্মানন্দ নামটী ছদ্ম-নাম বা উপাধিমাত্র বলিয়া বোধ হয় ; সাধক-রঞ্জনও ব্রহ্মনামের বহুল প্রয়োগ দেখিতে পাই। যোগমার্গে যিনি গন্তব্য বা প্রাপ্তব্য, তিনিই ব্রহ্ম,—কথাটির এইরূপ বিশেষ অর্থ অনুমান করিতেছি।

সাধক-রঞ্জে আছে—“বর্ণিব বৃত্তান্ত কথা ব্রহ্মদরশনে।” (১ পৃঃ)

“একে একে ছয় চক্র ভেদ কৈল রামা।

নিশ্চয় জানিল এই ব্রহ্মের দুয়ার।

পুনর্বার উঠিল ছাড়িয়া হৃদয়ার ॥” (২২ পৃঃ)

“ব্রহ্মনিরূপণম্” নামে এক স্বতন্ত্র প্রকরণ রহিয়াছে। (৩০-৩৩ পৃঃ)

পরিশেষে আত্মনিবেদনেও আছে—

“অতঃপর কহি শুন আত্ম নিবেদন।

ব্রহ্মকূলে উপনীত স্বামী নারায়ণ ॥

জন্মভূমি অধিকা নিবাস বর্দ্ধমান।

শ্রীপাট গোবিন্দমঠ গোপালের স্থান ॥” (৫১ পৃঃ)

ব্রহ্মকূল অর্থে ব্রাহ্মণকূল না বুঝাইয়া তান্ত্রিক সাধক সম্প্রদায় বুঝাইতেছে মনে করিতেছি।

শ্রীগণেশায় নমঃ ॥

নমস্কার গুরু পদে স্নান কৈলে ব্রহ্ম হৃদে

পরম পবিত্র হয় মন ॥

চিত্ত শুদ্ধ হৈলে পরে গুরু রূপা হয় তারে

নাহি হয় যমের দর্শন ॥

মুক্তি হয় অনায়াসে নাহি পড়ে ভবপাশে

ব্রহ্মানন্দে মগ্ন হয় সদা।

নিত্য সুখে মগ্ন থাকে আপনারে আপনি দেখে

গর্ভের যন্ত্রণা নহে কদা ॥ ২ ॥

কৌলমার্গ মহাবিদি নিরুপিতা গুণনিধি

শক্তি সঙ্গে করিয়া বিচার।

গুহ্যাৎ গুহ্যতর কথা শুন শুন বীরমাতা

সাধকেরে করিতে নিস্তার ॥ ৩ ॥

শিব আজ্ঞা সত্য বটে একথা আগমে রটে

ভাব বুঝি করহ নিশ্চয়।

বুঝিলে শিবের ভাব সর্ব সিদ্ধি হয় লাভ

আনন্দেতে সদাকাল রয় ॥৪॥

শিবোক্তি বিশ্বাস যারে কৃতান্ত কি করে তারে

সর্বজ্ঞে সর্বদা হবে মাত্ত।

শোক মোহ নাহি পাবে মহাজ্ঞানোদয় হুবে

লোকেতে বলিবে ধন ধন ॥৫॥

ভাব বুঝে কর্ষ করে শ্রেষ্ঠ বলি কয় তারে
ব্যস্ত হইলে বলে ভ্রষ্ট ।
কহিলেন ব্রহ্মানন্দ তব্ব করো ভাল মন্দ
তন্ত্র মধ্যে লেখা আছে স্পষ্ট ॥৬॥

কৌলধর্ম নিরূপণ করিলেন শিব ।
আচরিলে অনাগ্রাসে তরিবেক জীব ॥১॥
কারণের প্রতি যদি অমুরাগ হয় ।
সমূহ আনন্দহুদে সদা মগ্ন রয় ॥২॥
ঐহিকে হইবে সিদ্ধ অস্ত্রে মুক্তি পায় ।
নিতান্ত শিবের উক্তি নাহিক সংশয় ॥৩॥
ব্রহ্মানন্দ রচিলেন পয়ারের ছন্দ ।
আচরিলে কৌলধর্ম যায় ভববন্ধ ॥৪॥

প্রমাণমাহ :—

সংতাজ্য ভজনাচারং যো মে জ্ঞানং প্রপদ্যতে ।
নিরন্তঃ সর্বকর্মভ্যঃ কৌলাচারো বিধীয়তে ॥ ইত্যাদি কৃষ্ণজামল ॥
সত্তরজতমোগুণে বঁধা সর্ব জনে জনে
বৃথা মনে করএ কল্পনা ।
তিন গুণে লিপ্ত হৈয়া নিজরূপ বিসরিয়া
ভোগে দুঃখ সংসার যন্ত্রণা ॥
কর্মপাশ কাটিবারে নিরন্তর কর্ম করে
পঙ্কে পঙ্ক করয়ে ফালন ।
জ্ঞানের সাধন কর্ম না জানি তাহার মর্ম
অন্ত কর্মে করয়ে যতন ॥
না করিয়া বিবেচনা করে নানা কারখানা
অবশেষে নিন্দা করে লোকে ।
জানিতে পরম তত্ত্ব ব্যয় করে নিজ অর্থ
প্রকাশ হৈলে জাতি ঠেকে ॥
কামনায় যে যে কর্ম সকল সূত্রে ধর্ম
হয় নয় মছ কর দৃষ্ট ।
প্রবণে কর্কশ হয় কেহ কেহ মন্দ কয়
পরিণামে হয় বড় মিষ্ট ॥

প্রমাণমাহ । ধর্মবানিজীকা সূতা কনকামানবধিমান ॥

ইতি মছবচনাৎ ॥

পয়ার । ব্রহ্মা বিষ্ণু মহেশ্বর গুণ প্রকৃতির ।
 হয় নয় শাস্ত্র যতে দেথ সৰ্ব্ব ধীর ॥ ১ ॥
 গুণ প্রতি তিন গুণ বেদশাস্ত্রে কয় ।
 গুণেতে ব্রহ্মাও বাঁধা নাহিক সংশয় ॥
 সত্ত্বগুণে দিব্যভাব হয়ত উৎপত্তি ।
 স্বভাবে করয়ে কৰ্ম নিছ নিজ রুত্তি ॥
 শ্রবণ মনন নিদিধ্যাসে হয় রত ।
 অন্তর্ধানে সদা থাকে চলে বিধিমত ॥
 রজগুণে বীরভাব বহির্ধানে রত ।
 লোভের প্রভাব আর নীচ অহুগত ॥
 অহং কর্তা বলিয়া বিচারে করে স্থির ।
 ক্রিয়ায় প্রবর্ত্ত হয় বলে আমি বীর ॥
 তমগুণে পশুভাব বিবিধীনে রত ।
 তামস জনের সঙ্গ জ্ঞান হয় হত ॥
 সত্যসত বিবেক না হয় কদাচিত ।
 অজ্ঞানে সদাই থাকে করে বিপরীত ॥
 প্রকৃতির গুণে যতো হইতেছে কৰ্ম ।
 কে করে করায় কেবা নাহি জানে মৰ্ম ॥
 ব্রহ্মানন্দ রচিলেন পয়ারের ছন্দ ।
 আচরিলে কোলমার্গ যায় ভববন্ধ ॥
 পঞ্চ মকারের বিধি কৈল নিরূপণ ।
 মদ্য মাংস মৎস্য মূত্রা অপরে মৈথন ॥
 ইত্যাদি বিষয় ভোগে সাধন করিবে ।
 ঐহিকে হইবে সিদ্ধ অশেষ মুক্তি পাবে ॥

শ্লোক । আত্মতত্ত্বং ন জানাতি কথং সিদ্ধিঃ বরাননে ॥ ইতিশিবোক্তিঃ ॥
 জ্ঞানামুক্তির্লভে সত্যং জাতিভেদাদিকং ন হি ।
 সৰ্ব্বজাতিসু নির্কারণং জ্ঞানেন পরমেশ্বরী ॥ ইত্যাদি কুলার্ণবতন্ত্রে ॥

পদ পদার্থের অর্থ নিশ্চয় পরমতত্ত্ব
 জ্ঞান হৈলে, মুক্তিপদ পাবে ।

১ । অন্তর্ধ্বজন আর ভক্তির লক্ষণ ।
 বিস্তার করিব ছয় চক্রে বিবরণ ।
 (সাধক-সঙ্গল, পৃঃ ২)

শোক মোহ নাহি হবে সর্বদা আনন্দে রবে
নিজরূপবোধ হৈবে যবে ॥
না জানিলে নিজ তত্ত্ব তাহার সকল ব্যর্থ
অতএব নিজরূপ জ্ঞান ।
সকল শাস্ত্রের মত ইহা বিনে অস্ত পথ
নাহি কবে বিশেষে হুজন ॥

প্রমাণমাং ॥ স্বরূপমজ্ঞানং বৈ জনোহয় দৈববজ্রিতঃ ।

বিষয়েষু স্বং বেত্তি পশ্চাৎপাকে বিপ্লবং ॥ ইত্যাদি বাশিষ্টসারে ॥

স্বয়ম সাধনে যদি পার হৈত ভবনদী
বিষম সাধন কেন কয় ।
সংযম নিয়ম করি দিবানিশি ধ্যান ধরি
ঋষি মুনিগণ কেন রয় ॥
আহার করিয়া পত্র মুদিত হইয়া নেত্র
বহুকাল করেন সমাধি ।
অনশন বহুকাল পরে ফল মূল জল
আহারের করিতেন বিধি ॥
সকল ছাড়িয়া শেষে গোফার ভিতরে বসে
বাসু করে ভক্ষণ নির্ণয় ।
পরে বায়ু রোধ করে মহানন্দ ধ্যান ধরে
সমাধি করিয়া তারে কয় ॥

পর্যায় ॥ এসব কাষ্ঠার পরে জ্ঞানোদয় হবে ।
জ্ঞানোদয় হৈলে পরে মুক্তিপদ পাবে ॥
বিশেষে লেখেন শমদম উপরতি ।
তিতিস্কু সমাধি শ্রদ্ধা সাধকের প্রতি ॥
এই মত সাধন করিতে চতুষ্টিয় ।
সাধন উত্তীর্ণ পরে জ্ঞানোদয় হয় ॥
জ্ঞানোদয় হৈলে পরে সদগুরু সেবিবে ।
করিলে সদগুরু সেবা পরে মুক্তি পাবে ॥
যে যে কর্ষ ব্রাহ্মণের কৈল নিরূপণ ।
তাহার মধ্যে কিছু নাহি নিদর্শন ॥
দ্বিবিধ কৌলের ধর্ম করিল নির্ণয় ।
নির্ধাল করেন ইহা ব্যাস মহাশয় ॥

শিব অভিপ্ৰায় জানি করিলা বিভাগ ।
 অন্তর্ধাগ লিখিলো আর বহির্ধাগ ॥
 অন্তর্ধাগ বিধি লেখে ব্রাহ্মণের প্রীতি ।
 শ্রেষ্ঠকর্ম ব্রাহ্মণের অগ্র নাহি গতি ॥
 বর্ণ্যান্য ব্রাহ্মণ গুরু বেদশাস্ত্রে কয় ।
 আজ্ঞে প্রবল শ্রুতি জ্ঞান হয় নয় ॥
 বহির্ধাগ বিধি লেখে ব্রাহ্মণ ইতরে ।
 হইবেক রতিমতি অন্তর্ধাগ পরে ॥
 অন্তর্ধাগ পরে জ্ঞান উদয় হইবে ।
 অনায়াসে অবশেষে কৈবল্য পাইবে ॥
 বন্ধ মুক্ত সত্যজ্ঞানে করে নানা কর্ম ।
 কো বা বন্ধ কো বা মুক্ত নাহি জানে মর্ম ॥
 বন্ধ মুক্ত দুই মিথ্যা ভাগবতে আছে ।
 আর আর অনেক শাস্ত্রে লেখে দুই মিছে ॥
 আগম নিগম দুই প্রবল প্রমাণ ।
 হয় নয় জ্ঞান গিয়া যদি থাকে জ্ঞান ॥
 মিথ্যা জ্ঞান কর্ম করে করিয়া যতন ।
 অজ্ঞানে মোহিত হয় না জানে কারণ ॥
 বেদাগম সর্বশাস্ত্র প্রকাশক ব্যাস ।
 সর্বশাস্ত্র বিচারিয়া করিলে নির্ধাস ॥
 অদেয়ো অপেয়ো করি লিখিলে অগ্রাহ্য ।
 এমত চাতুরি তবে লেখার কি কার্য্য ॥
 মৎস্য মাংস ব্যবহারে মুক্তি যদি হয় ।
 দুর্গম সাধনবিধি তবে কেন কয় ॥
 মুক্তির কারণ যদি হইতো মৈথন ।
 যত্ন করি করে কেন ইঞ্জিয় দমন ॥
 এসব বিষয় ভোগে মুক্তি হৈত যদি ।
 মুক্তি ইচ্ছুক ঋষি করিতো নিরবধি ॥

নথছেদে যাহা হয় অস্ত্র লয় কে কোথায়
 বিচারিয়া করো অহুমান ।
 স্বপ্ন সাধনে কেন সমাধা না হয় মন
 দুর্গম সাধনে করে জ্ঞান ॥

পয়ার ॥ অপরে লিখিলে যাহা করহ জবণ ।
 অভিপ্ৰায় বিচারিলে হয় নিষ্য জ্ঞান ॥

নারিকেলোদক যদি কাংশপাত্রে রাখে ।
সর্বলোক শাস্ত্র মতে দুষ্ট করি লেখে ॥
তাম্রপাত্রে পয়ঃ পান কেহ যদি করে ।
দ্রষ্ট বলি নিরস্তর নিন্দয়ে তাহারে ॥
ঐ পাত্রে গুড় দ্রব্য স্পর্শ যদি হয় ।
ভদ্রলোকে দুষ্ট বলি সর্বক্ষণ কয় ॥
যে যে পাত্রে অন্ন পাক হয় একবার ।
সে সে পাত্রে অন্ন পাক নাহি করে আর ॥
তাহাতে করিলে পাক অন্ন দুষ্ট হয় ।
কি জন্তে নিষেধ করে করহ নির্ণয় ॥
এমত নিষেধ লেখে অনেক প্রকার ।
সকল লিখিলে পুণি হয়তো বিস্তার ॥
স্তুতিশেষে ফলশ্রুতি করিলে নিশ্চয় ।
অগম্যাগমন সুরাপান পাপ যায় ॥
ঐচম্বনের জল যতো আছ এ নির্ণয় ।
তাহার অধিক হৈলে সুরাতুল্য হয় ॥
সুরা তুল্য হৈলে পরে ক্রিয়া হয় পণ্ড ।
ঐহিকেতে লোকনিন্দা পরে যমদণ্ড ॥
তুলা তার এই মত করিলা বিচার ।
আসলের কতো গুণ কে ক(রে) নির্দ্বার ॥

গঙ্গার মাংসাত্ম্য শুন শিখীলেন পুনঃ পুনঃ

শাস্ত্রমধ্যে অনেক প্রকার ।

শুনিলে এসব কথা। দূর হয় ভাবব্যথা।

গর্ভবাস নহিবেক আর ॥

গঙ্গানারায়ণ ব্রহ্ম

সভে বলে করিয়া যতন ।

মৃত্যু হয় গঙ্গাজলে লোকে ধন্য ধন্য বলে

সর্গে যায় চড়িয়া বিমান ॥

পঞ্চম পাতকী যদি গৃহমধ্যে মরে ।

शव किम्वा अस्मि लैय। याय गङ्गातीरे ॥

সেই অস্থি গঙ্গাজলে করে সমর্পণ ।

চতুর্ভুজ হৈয়া স্বর্গে করেন গমন ॥

सोवन महार गधे धाटक गंगा गंगा दल डाटक

ହସ୍ତ ମେହି ଲିଭେଇ ମଧ୍ୟାନ୍ ।

সর্বদা কৈলাসে বাস নাহি হয় কোন ত্রাস
বেদশাস্ত্র ইহার প্রমাণ ॥
গঙ্গা হৈতে জল যদি চঙালে আনয় ।
পাত্ৰান্তরে শুদ্ধ হয় শাস্ত্র মতে কয় ॥
গোহত্যাগি পাপ ধ্বংস হয় গঙ্গাজলে ।
ত্রৈলোক্যভারিণী গঙ্গা বেদাগমে বলে ॥
গঙ্গার কণিকা জলে যাহারে অশুদ্ধ বলে
হয় সেই পুরম পবিত্র ।
এমত গঙ্গার জল কে বলে তাহার ফল
কেবা জানে সে সব চরিত্র ॥
অশুদ্ধ পবিত্র হয় জলস্পর্শ মাত্র ।
আপনি অশুচি হন স্পর্শে সুরাপাত্র ॥
আশ্চর্য্য শাস্ত্রের গতি বুঝা কিছু ভার ।
রচিলেন ব্রহ্মানন্দ করিয়া পয়ার ॥ :: ॥
কালাপাত উপাখ্যান শুন সবে দিয়া মন
সংক্ষেপে কহিব তার কথা ।
যে জন্তে তাহার কষ্ট সংসারে বিদিত স্পষ্ট
বাছল্য করণ ফল বুঝা ॥

পয়ার ॥ বিশেষে বৃত্তান্ত সবে আছ অবগতো ।
বিস্তারিত করি লিখি জানাইব কতো ॥
অভিপ্রায় বুঝে দেখ ইহাতে যে হয় ।
ত্রাঙ্কণের ধর্ম্ম ইহা কভু নাহি হয় ॥
অপরে লেখেন যাহা করহ শ্রবণ ।
বিচারিলে সবে তারে বলে বিচক্ষণ ॥
হস্তিপদাঘাত হৈতে প্রাণ যদি যায় ।
ঙণ্ডিকা আলয় গেলে প্রাণ রক্ষা হয় ॥
তথাপিহ নাহি যাবে আলয় তাহার ।
শাস্ত্রমধ্যে নিষেধ লেখেন বারম্বার ॥
শাস্ত্রের নিষেধ মতে নাহি হয় ত্রাস ।
আচার্য্য বলিয়া গিয়া করেন সন্তান ॥
পুরোহিত সংজ্ঞা যার আচার্য্য আশ্রয় ।
কি মতে আচার্য্য হয় চুয়াইয়া যদ ॥
আচার্য্য হইতে যার হইল উৎপত্তি ।
কারণ বলিয়া তারে করেন নিষ্পত্তি ॥

জনক যাহার তারে জ্ঞান করি কয় ।
 আচার্য্য জনক বটে নাহিক সংশয় ॥
 জন্ম দিয়া আপনি জনক বলি ডাকে ।
 আনন্দের গুণ সেটা ক্ষণমাত্র থাকে ॥
 অকারণে কারণ কবেন বিবেচনা ।
 এমত উন্নত লোকে কে করিবে মান ॥

ভাল মার্গ কহ যদি মন্দ বলে নিরবধি
 পাষণ্ড বলিয়া তারে কয় ।
 কহিতে উচিত কথা মনেতে পাইয়া ব্যথা
 লাঠি লৈয়া মারিগাবে ধায় ॥

প্রমাণমাহ ॥ দিব্যোবদিতং ন সেবন্তে মহাব্যাধিবিনাশ[ন]ং ।
 তদ্ব্যাধিবর্জনং পথ্যং কুর্কৃষ্ণি চ কুভোজনং ॥ ইত্যাদি কুলার্ণবতন্ত্রে ॥

লিপিয়া কোলের বিপি করিল খণ্ডন ।
 নিষেধ করিলে বাহা শুন দিয়া মন ॥
 কলিতর বলি লেখে দুর্গোৎসবতন্ত্রে ।
 হয় নয় জ্ঞান গিয়া ভবদেবে বর্ন্তে ॥
 নিষেধে মানেন বিধি বিধিতে নিষেধ ।
 চক্রে প্রবিষ্ট হইয়া বলে নাহি ভেদ ॥
 লোকে নিন্দা কবে যদি শুনে না সে সব ।
 কিছু জ্ঞান থাকে যাব সে হয় নীরব ॥

চক্রে বাহির হইয়া দেহেতে চৈতন্য পাইয়া তখন বলেন ভেদ আছে ।
 এমত অভেদ কবে খণ্ড জ্ঞান বলে তাহে হয় নয় জ্ঞান গুরুব কাছে ।
 অজ্ঞানে অভেদ করে কারণের ধর্ম্ম ।
 ভেদাভেদ কিসে যায় নাহি জানে মধ্য ॥

জ্ঞান হৈলে ভেদ যায় অভেদ তাহারে কয় ভেদাভেদ তখনি সে যায় ।
 ভেদাভেদ গেলে শেষে মুক্তি হয় অন্যাসে পুণ্য পাপ কিছুই না রয় ॥
 বাহ্য কথ্যে ভেদাভেদ কখন না যায় ।
 আছএ শুকের লিপি দেখহ নিশ্চয় ॥

প্রমাণমাহ ॥ ভেদাভেদৌ সপদি গলিতৌ পুণ্যপাপে বিলীর্ণে
 মায়ামোহৌ ক্ষয়মধিগতৌ নষ্টসন্দেহবৃত্তিঃ ।
 শব্দাতীতং ত্রিগুণরহিতং প্রাপ্য তত্ত্বাববোধং
 নিরঞ্জনোপাধি বিচরতাং কো বিদ্বিঃ কো নিষেধঃ ॥
 ইত্যাদি শুকবচন্যং ॥

কর্ম্মপাশ কাটা যাবে তখন কৈবল্য হবে যতন করিয়া কাট পাশ ।
 শাস্ত্রে করে দৃঢ়মতি জ্ঞান সাধনের প্রতি ব্রহ্মজ্ঞানে কর কর্ম্ম নাশ ।
 ব্রহ্মানন্দ বচিলেন পরারের ছন্দ ।
 কৌলমার্গ আচরিলে যায় ভববন্ধ ॥

শ্রীপ্রিয়রঞ্জন সেন ।

চিরঞ্জীব শর্মা

আদিশুর যে পাঁচ জন ব্রাহ্মণ বাঙ্গালায় লইয়া আসেন, তাঁহাদের মধ্যে দক্ষ একজন। ইনি কাঞ্চপগোত্রেব লোক ছিলেন। ইহার বংশে ১৬ জন লোক গ্রাম প্রাপ্ত হন এবং গ্রামীণ উপাধি লাভ করেন। গ্রামীণদিগকে বাঙ্গালায় গাঞি বা গাঁই বলে। ঘটকদের কথায় বলিতে গেলে বলিতে হয়—কাঞ্চপগোত্রে ঘোল গাঁই। এই ১৬ গাঁইয়ের মধ্যে চাটুতি গাঁইয়ের ছয় ঘর বল্লালের নিকট কৌলীন্দ্র মর্যাদা লাভ করেন। তাঁহারা আপনাদের চট্টোপাধ্যায় বলিয়া পরিচয় দেন। তাঁহারা কখনও দক্ষের দোহাই দেন না।

আমাদের চিরঞ্জীব শর্মা দক্ষের দোহাই দিয়া আত্মপরিচয় দিয়াছেন। তাহাতে বুঝিতে হইবে, তিনি কুলীন নন—চট্টোপাধ্যায় নন। কাঞ্চপগোত্রের আর যে পনরটী গাঁই আছে, তাহার কোনওটীতে তাঁহার জন্ম হইয়াছে। সেটী কোন গাঁই, তাহা আমরা জানি না। তবে চিরঞ্জীব শ্রোত্রিয় ছিলেন, এটা ঠিক।

এই বংশে ইংরেজী ১৬০০ অব্দের কাছাকাছি কোন সময়ে কাশীনাথ নামে এক ব্যক্তি জন্মগ্রহণ করেন। তিনি জ্যোতিষশাস্ত্রে খুব পণ্ডিত ছিলেন। তিনি হাত দেখিয়া লোকের ভাগ্যের কথা বলিতে পারিতেন—তিনি লোকের অশুভি দেখিয়াও তাহাব স্বভাব-চরিত্র এবং ভূত-ভবিষ্যৎও বলিতে পারিতেন। হাত দেখিয়া ভাগ্য গণনার নাম সামুদ্রিক শাস্ত্র।। কাশীনাথের উপাধি ছিল—সামুদ্রকাচার্য্য।

তাঁহার তিন পুত্র ছিল—রাজেন্দ্র, বাঘবেন্দ্র, মহেন্দ্র। ইহার মকলেই কবি ও পণ্ডিত ছিলেন। বাঘবেন্দ্রের প্রতিভা খুব উজ্জ্বল ছিল। ইনি অনেক শাস্ত্র পড়িয়াছিলেন। ইনি ভবানন্দ সিদ্ধান্তবাগীশের ছাত্র ছিলেন।

ভবানন্দ সিদ্ধান্তবাগীশ সুপ্রসিদ্ধ নৈয়ায়িক। গ্রায়শাস্ত্রের মূলগ্রন্থ তত্ত্বচিন্তামণির উপর রঘুনাথ শিরোমণি যে দীপ্তি নামে টীকা করেন, তিনি তাহার উপর প্রকাশিকা নামে টীকা লেখেন। এই গ্রন্থ পণ্ডিতসমাজে ভবানন্দী নামে প্রসিদ্ধ। ভবানন্দী বাঙ্গালা দেশে বড় চলে না। চলে পশ্চিমে, চলে মহারাষ্ট্রদেশে। মহাদেব পুস্তাকর নামে একজন মহারাষ্ট্রদেশীয় পণ্ডিত, ভবানন্দীর উপর দুই টীকা লেখেন। একখানির নাম—সর্ষোপকারিণী। এখানি ছোট। আর একখানি বড় টীকা লেখেন, ইহার নাম ভবানন্দীপ্রকাশ। ভবানন্দী বাঙ্গালায় চলিল না কেন? ভবানন্দের টোল ছিল নবদ্বীপে। তিনি মুখোপাধ্যায় ছিলেন। বোধ হয়, তাঁহার কুল ভাঙ্গিয়াছিল। কিন্তু তিনি ঘোর তান্ত্রিক ছিলেন এবং তান্ত্রিক হইলে যাঁহা হয়—অত্যন্ত মাতাল ছিলেন। তাই নবদ্বীপের পণ্ডিতেরা তাঁহাকে নবদ্বীপ হইতে তাড়াইয়া দেন। তখন তিনি কাটোয়া ও দাঁইহাটের মধ্যে গঙ্গাভীরে নলাহাটী নামক স্থানে বাস করিতে থাকেন। তাঁহার বংশের পোত্র ও দৌহিত্রের নলাহাটী এককালে একটী বড় পণ্ডিতসমাজ হইয়া উঠিয়াছিল।

বাঘবেন্দ্র নানা শাস্ত্রে পণ্ডিত ছিলেন এবং তাঁহার অসাধারণ ক্ষতিশক্তিও ছিল।

তাহার পাশে বসিয়া এক শত জন লোকে এক শতটি কবিতা পাঠ করিল। তিনি প্রত্যেকের কবিতা হইতে এক একটি কথা লইয়া নূতন এক শতটি কবিতা করিয়া দিলেন। এইটী তাহার অদ্ভুত ক্ষমতা ছিল। লোকে তাহাকে শতাবধান বলিত। সাধারণতঃ শতাবধান বলিতে যে এক শত বিষয়ে মন দিতে পারে, তাহাকে বুঝায়। পর পর এক শত লোক কথা বলিল—সেই কথা মনে করিয়া যে বলিতে পারে, তাহাকে শতাবধান বলে। কিন্তু রাঘবেন্দ্র আর একরূপ শতাবধান। সমস্তাপূরণেও রাঘবেন্দ্রের যথেষ্ট ক্ষমতা ছিল। তিনি নানারূপ সমস্তা পূরণ করিতে পারিতেন। তিনি দুইখানি বই লিখিয়াছিলেন। একখানির নাম মন্ত্রদীপ, আর একখানির নাম রামপ্রকাশ। একখানি বৈদিকমন্ত্রের বই, আর একখানি স্মৃতির। মন্ত্রের অর্থ না জানার দরুণ যে সকল বৈদিক কার্য তখনও চলিতেছিল—তাহাতে অনেক গোল ছিল। সেই গোল দূর করিবার জন্ত তিনি মন্ত্রদীপ লেখেন। এখানি বোধ হয়, বৈদিকমন্ত্রের ব্যাখ্যা ও সিদ্ধান্তগ্রন্থ। রামপ্রকাশ ধর্মকার্যের কালনির্ণয়ের বই।

দুই জন কবি তাহার সম্বন্ধে দুইটি কবিতা লিখিয়াছেন। প্রথমটি এই,—

অহং হরিহরঃ সিদ্ধেরবলম্বা সরস্বতী।

সাক্ষাচ্ছতাবধানভ্রমবতীর্ণা সরস্বতী ॥

হরিহর নামে তাহার কোন ছাত্র বা বন্ধু ছিলেন। তিনি বলিতেন, সরস্বতী হইতেই আমার সিদ্ধিলাভ হইয়াছে। সেই সরস্বতীও সাক্ষাৎ শতাবধানরূপে অবতীর্ণ হইয়াছেন।

আর একজন কবি বলিয়াছেন,—

পুংরূপাদরিণী সাক্ষাদবতীর্ণা সরস্বতী।

জিতঃ শতাবধানোহতো বিষ্ণুনাপি ন জিষ্ণুনা ॥

সরস্বতী পুরুষের রূপ ভালবাসেন বলিয়া পুরুষরূপে অবতীর্ণ হইয়াছেন। সেই জন্ত বিষ্ণুও শতাবধানকে জয় করিতে পারেন নাই।

ভবানন্দ সিদ্ধান্তবাগীশ ছাত্র হইলেও তাহার সম্বন্ধে এই শ্লোকটি বলিয়াছিলেন,—

অয়ং কোহপি দেবোহনবদ্যাতিবিদ্যা-

শ্চমংকারধারামপারাং বিভর্তি ॥

এ ছাত্রটি কোনও দেবতা হইবেন। ইহার পড়াশুনা করিবার দ্বারা নূতন রক্ষণ ও চমৎকার।

রাঘবেন্দ্রের একটা পুত্র হইয়াছিল। পিতা রাশি দেখিয়া নাম রাখিলেন—বামদেব। তাহার জ্যেষ্ঠা মহাশয় তাহাকে আদর করিয়া বলিতেন—ভূমি চিরঞ্জীব। তিনি জ্যেষ্ঠার দেওয়া নামেই প্রসিদ্ধ হইয়াছিলেন। বালককালে তাহার প্রতিভা দেখিয়া অনেকেই মুগ্ধ হইয়া ধাইত। তিনি পিতার নিকট প্রায় সমস্ত শাস্ত্র পড়িয়াছিলেন। স্বীয় প্রতিভার বলে অপঠিত শাস্ত্রেরও তিনি অধ্যাপনা করিতেন।

তিনি অনেকগুলি বই লিখিয়াছেন এবং অনেক শাস্ত্র বই লিখিয়া গিয়াছেন,— দর্শন, জ্যোতিষ, কাব্য, নাটক, অলঙ্কার, হৃদয় ইত্যাদি। তিনি যশোবন্ত সিংহ নামক রাঢ় দেশের একজন অসিদ্ধারের সভাপণ্ডিত হইয়াছিলেন। এই যশোবন্ত সিংহ চাকর নামেব-

দেওয়ান হইয়া প্রভূত ঘশ ও অর্থ উপার্জন করেন। তখন মুশিদকুলি খাঁর জামাই বাদশার স্বাধীনপ্রায় রাজ্য—নামে মাত্র দিল্লীর সুবেদার। ঢাকায়ও তখন একজন ফৌজদার থাকিতেন। যশোবন্ত তাঁহারই কাছে নায়েব ছিলেন। ১৬৬২ সালের পর কয়েক বৎসর ধরিয়া শায়েস্তা খাঁ বাদশার সুবেদার ছিলেন। তখন ঢাকা বাদশার রাজধানী। শায়েস্তা খাঁর সময় বাদশালায় আট মণ করিয়া চাউল ঢাকায় বিক্রয় হইত। এটা একটা মস্ত কথা। শায়েস্তা খাঁ এই ব্যাপারের স্মৃতি রক্ষার জন্ত ঢাকায় একটা গেট নিৰ্ম্মাণ করেন ও তাহা বন্ধ করিয়া দিয়া যান এবং বলিয়া দিয়া যান—আর যাহার রাজত্বকালে ঢাকায় আট মণ চাউল হইবে, সেই এই গেট খুলিতে পারিবে। ১৭৩৩ খৃষ্টাব্দে যশোবন্তের নায়েব-দেওয়ানির সময় আবার ঢাকায় আট মণ চাউল বিক্রয় হয়। তাই তিনি মহা সমারোহে শায়েস্তা খাঁর গেট খুলিয়াছিলেন। এখনও ঢাকার কেলায় লোকে সেই গেট দেখাইয়া দেয়।

চিরঞ্জীব এই যশোবন্ত সিংহের বাড়ীর পণ্ডিত ছিলেন বা তাঁহার সভা-পণ্ডিত ছিলেন। তিনি যে অলঙ্কারের বই লিখিয়া গিয়াছেন, তাহার নাম কাব্যবিলাস। কাব্যবিলাসে তিনি সিংহভূপতির নাম করিয়াছেন। কিন্তু বৃত্তরত্নাবলীতে তিনি যশোবন্ত সিংহের প্রচুর স্তুতিগান করিয়াছেন। উদাহরণস্বরূপ আমরা একটা শ্লোক তুলিয়া দিলাম। তিনি ৭২ শ্লোকে শাদুলবিক্রীড়িত চন্দের লক্ষণ-প্রসঙ্গে লিখিয়াছেন,—

কোদণ্ডধ্বনিপণ্ডিতারিপুতনাসৰ্দ্ধাতিগৰ্গ প্রভো

গোড় **শ্রীযশবন্ত সিংহ** নিতরানাকৰ্ণধাকৰ্ণয়।

যত্র স্যামসম্মা গণান্ততগণৌ তাগ্যো গণোহস্তেগুরু-

বিশ্রামো রবিভিন'গৈস্তুদ্বিতং শাদুলবিক্রীড়িতম্ ॥

তিনি তাঁহার কাব্যবিলাসে জয়সিংহ নামক এক নৃপতির উল্লেখ করিয়াছেন।

শ্লোকটি এই,—

উপেত্য ত্রেতাভ্যো নিজচরণহানিক্রমমতঃ

সমস্তাঙ্কশ্চোহভূদ্বলবতি কলাবেকচরণঃ।

পূরস্তাদৈব্যাং জয়িনি জয়সিংহক্ষতিপতে

বভূবুশ্চত্বারঃ পুনরভিনবাস্তস্য চরণাঃ ॥

এই জয়সিংহ বোধ হয়, জয়পুরের রাজা। ইহার নাম ছিল—সেওয়াই জয়সিংহ। জয়পুরে ইহার রাজত্ব ছিল। এখনকার আলোয়ার তখন তাঁহার রাজত্বভুক্ত ছিল। সেখাবাটীও তাঁহার রাজত্বভুক্ত ছিল। তাহার উপর তিনি বাদশাহের সেনাপতি ছিলেন এবং প্রায়ই দিল্লীতে থাকিতেন। কয়েক বার তিনি ভিন্ন ভিন্ন সুবার সুবেদারীও করিয়াছিলেন। চিরঞ্জীব বলিতেছেন,—তিনি জয়লাভ করিলে ধর্ম্ম যে যুগে যুগে এক একটা পাহারাইয়াছিলেন, সেই সব কয়টা পাহা তিনি নূতন করিয়া পাইয়াছিলেন। যে জয়সিংহ সপক্ষে চিরঞ্জীব এত বড় কথা বলিলেন, তিনি বাদশার সাধারণ জমিদার হইতে পারেন না। তিনি এই বড় জয়সিংহই হইবেন। জয়সিংহের নাম সমস্ত দিল্লী সাম্রাজ্যময় ছড়াইয়া পড়িয়াছিল।

ইনি ১৭১৪ সালে দক্ষিণ হইতে অনেক বেদজ্ঞ ব্রাহ্মণ আনাইয়া জয়পুরে অশ্বমেধ যজ্ঞ করিয়াছিলেন। এই সময় বাঙ্গালী এক বৈদিক ব্রাহ্মণ জয়পুরনগর পত্তন করেন। ইহার নাম বিদ্যাধর। ইহার পূর্বে আমের জয়পুরের রাজধানী ছিল। আমের দুই পাহাড়ের মাঝখানে একটা গলি। রাজ্য বড় হইলে সেখানে আর রাজধানী রাখা চলে না বলিয়া সেখান হইতে ৭ মাইল দূরে এই নগর স্থাপিত হয়। ইহা এক কুর্খপৃষ্ঠ ভূমির উপর নির্মিত—চারি দিকেই জল চলিয়া যাইবার বন্দোবস্ত আছে। রাস্তাঘাটের ব্যবস্থাও অতি চমৎকার। এই নগর নির্মাণের সঙ্গে সঙ্গেই বোধ হয়, জয়সিংহের অশ্বমেধ করিবার ইচ্ছা হয়। অশ্বমেধ করিতে হইলে অশ্বকে ত যথেষ্টভাবে বিচরণ করিতে ছাড়িয়া দিতে হয়। জয়সিংহ তাহা পারেন না। তাই তিনি অশ্বকে নিজের মণ্ডলের মধ্যে ছাড়িয়া দিয়াছিলেন—দিল্লীর এলাকায়ও যাইতে দেন নাই—যোধপুরের এলাকায়ও যাইতে দেন নাই।

জয়পুরের রাজা মানসিংহ সযত্নেও চিরঞ্জীব অনেক কথা বলিয়া গিয়াছেন। মানসিংহ আকবরের সময় দিল্লীর প্রধান ওমরাহ ছিলেন। জাহাঙ্গীরের ত তিনি মামাই ছিলেন। তিনি দুইবার বাঙ্গালার সুবেদারী করেন। শেষবার প্রতাপাদিত্যকে দমন করিয়া যান। বাঙ্গালায়—বিশেষ ব্রাহ্মণ পণ্ডিত মহলে—তাঁহার যথেষ্ট নাম ছিল। তিনি অনেককে অনেক ভূমি ইত্যাদি দান করেন। বাঙ্গালার পণ্ডিতরাও তাঁহার অনেক গুণগান করিয়াছেন, তাঁহার নামে নিজেদের বই উৎসর্গ করিয়া গিয়াছেন। চিরঞ্জীব তাঁহার সযত্নে এই কবিতাটি লিখিয়াছেন,—

অদ্যাব্যং প্রলয়জলধিস্ত্যক্তবেলোহপ্যাবেলম্

অদ্যাপ্যেয ভ্রমতি পরিতো ভূপতির্মানসিংহঃ।

ইথং কীর্তিস্মৃতিপ! ভবতো জৈত্রয়াত্রাস্তরালে

ভূয়োভূয়ঃ প্রসরতি সত্যং ত্যক্তবাদঃ প্রবাদঃ ॥

মানসিংহ প্রায় এক শত বৎসরের পূর্বেরকার লোক হইলেও তখনও তাঁহার কথা লোকের নিকট প্রত্যক্ষের মত ছিল।

চিরঞ্জীব তাঁহার কাব্যবিলাসে বিজয়সিংহ নামক এক রাজার গুণের কথা বলিয়াছেন। এই বিজয়সিংহ সযত্নে আমরা কিছু জানি না; তিনি বলিয়াছেন, মুগমদ পাত্র হইতে সরাইয়া লইলেও যেমন অনেক দিন পর্য্যন্ত তাহার গন্ধ থাকে, সেইরূপ বিজয়সিংহের মৃত্যু হইলেও তাঁহার মন ভুবনবিস্তৃত ছিল।

চিরঞ্জীব অত্যন্ত পিতৃভক্ত ছিলেন। তাঁহার যা কিছু লেখাপড়া, তাহা পিতার নিকট হইতেই শ্রুত। তিনি পিতাকে শিবস্বরূপ বলিয়া মনে করিতেন এবং তাঁহা হইতে বড় অল্প দেবতা কেহ আছেন বলিয়া জানিতেন না। মাধবচন্দ্র নামে তাঁহার যে কাব্য আছে, তাহার প্রত্যেক সর্গের সর্গ-ভঙ্গ শ্লোকে তিনি তাঁহার পিতার গুণগান করিয়াছেন। তিনি বড় রাগের ছেলে বলিয়া শ্রম করিতেন—নিজের কাব্যকে ছোট বলিয়া প্রচার করিতেন। আমরা সর্গ-ভঙ্গের একটা শ্লোক তুলিয়া দিলাম,—

ঐতর্য্যৈতমতাদিনির্ণয়বিধিশ্রোত্বানুক্রমিকশ্রুতৌ
 ভট্টাচার্য্যশতাবধান ইতি যো গোড়োস্তবোহভূৎ কবিঃ ।
 বাল্যে কোতুকিনা তদাত্মজচিরঞ্জীবেন যা নিশ্চিতা
 চম্পূমাদববর্ণিকেষু সমভূতুচ্ছাসকঃ পঞ্চমঃ ॥

এই শ্লোক হইতেই বুঝা যায়, তিনি এই গ্রন্থখানি তাঁহার পিতার জীবিতকালেই লিখিয়াছিলেন। তিনি ইহা কোতুকবশতঃ বা বাল্যকালের চাপল্যবশতঃ লিখিয়াছিলেন। বোধ হয়, তাঁহার পিতা যখন কাশীবাস করেন, তখন তিনি সঙ্গে ছিলেন। পিতার কাশীপ্রাপ্তি হইলে তিনি নবদ্বীপে ফিরিয়া আসিয়া এই গ্রন্থ প্রচার করেন। তিনি অতি বিনয়সহকারে নবদ্বীপের পণ্ডিতদিগকে এই গ্রন্থখানি গ্রহণ করিতে অনুরোধ করিয়াছেন। তিনি লিখিয়াছেন,—

বাগ্ দেবীবদনাদনাদিরচনাবিগ্রাসদীব্যম্ব-
 দ্বীপপ্রাপ্তজ্ঞৈরনেকদিবসং বারাগসীবাসিনঃ ।
 বিদ্যাসাগরজাগরোন্নতমতেভাব্য্য মমৈবাহ কৃতি-
 বিদ্বদ্ভিঃ কৃপয়া কয়্যাপি সহসা মাংসখ্যামুৎসৃজ্য তৈঃ ॥

ইনি ইহাতে যে বিদ্যাসাগরের উল্লেখ করিয়াছেন, তিনি কে, তাহা ঠিক বলা যায় না। বাল্যলায় যত পণ্ডিত ছিলেন, তাহার মধ্যে এক বিদ্যাসাগরের নাম সুবিখ্যাত, তিনি কলাপ ও ভট্টির টাকাকার। কিন্তু তাঁহার কাল নির্ণীত হয় নাই।

ইনি কাব্যবিলাসে গুরুবিষয়া রত্নির উদাহরণে গুরু রঘুদেব ভট্টাচার্য্যের নাম করিয়াছেন। বোধ হয়, ইনি ইহার নিকট গ্রামশাস্ত্র অধ্যয়ন করিয়াছিলেন। ইহার মতে রঘুদেবের নিকট ইহার অধ্যয়ন করিতেন, তাহাদের আর অন্য গুরুর উপাসন করিবার কোনও দরকার হইত না। ইনি লিখিয়াছেন,—

ইমৌ ভট্টাচার্য্যপ্রবররঘুদেবশ্চ চরণৌ
 শরণৌ চিত্তান্তনির্বোধি বিধায় স্থিতবতঃ ।
 কিমনৈর্ব্যাগদেবীপ্রমুখভাজাং প্রভজনৈঃ
 পরিস্কৃত্যৈ বাচামমৃতলহরীনিখরজুম্ ॥

রঘুদেব, জগদীশ তর্কালঙ্কারের সমসাময়িক লোক। ইনি জগদীশের ছাত্র ছিলেন। গ্রামশাস্ত্রে ইহার লেখা অনেকগুলি বই আছে।

চিরঞ্জীব শর্ম্মার একখানা কাব্যের নাম মাদবচম্পূ। গদ্যপদ্যময় কাব্যের নাম চম্পূ। এই চম্পূর নায়ক শ্রীকৃষ্ণ। তাঁহার রাজধানী মধুপুর। তিনি একবার যুগয়া করিতে গিয়াছিলেন। যুগয়ায় যে সকল পশু লক্ষিত হয়, কবি সে সকলের বেশ বর্ণনা করিয়াছেন। তাহাদের আকার, প্রকার, গতি প্রভৃতির বেশ বর্ণনা দিয়াছেন। কিন্তু তিনি বোধ হয়, কখনও যুগয়া দেখেন নাই—কখনও শিকার খেলিতে যান নাই। তাঁহার গ্রন্থে শিকারের আঘোদ আমরা পাই না। কিন্তু তবু তিনি জানোয়ারদের যেরূপ প্রকৃতি বর্ণনা করিয়াছেন, তাহাতে আশ্চর্য্য হইতে হয়। ‘নহি কিঞ্চিদবিষয়ে ধীমতাম্।’ এই যুগয়াব্যাপারে শ্রীকৃষ্ণের এক সহচর ছিলেন, তাঁহার নাম কুবলয়াক। এ নাম আমরা

পুরাণাদিতে পাই না। মৃগয়ার বর্ণনায় জানোয়ারদের পরস্পর লড়াইয়ের বর্ণনাই বেশী। হাতীতে হাতীতে লড়াই, কুকুরে হরিণে লড়াই, সিংহে শূকরে লড়াই, বানরের উকুন খাওয়া—এই সকলই দেখিতে পাই।

অনেকক্ষণ মৃগয়া করিয়া শ্রীকৃষ্ণের তৃষ্ণা পাইল, তিনি এক হ্রদের পারে বসিলেন। সেখানে কলাবতী নামে একটা মেয়ে স্নান করিতে আসিল। শ্রীকৃষ্ণ তাহাকে দেখিলেন—কলাবতীও শ্রীকৃষ্ণকে দেখিল। উভয়ে উভয়ের মন চুরি করিয়া চলিয়া গেলেন।

শ্রীকৃষ্ণ মথুরায় পৌঁছিলে কিছুদিন পরে এক ব্রাহ্মণ আসিয়া তাঁহাকে নিমন্ত্রণ করিয়া গেল—‘উড়িষ্যার রাজার কণ্ঠা কলাবতীব স্বয়ংবর। সেখানে অনেক দেশের রাজা আসিবেন, আপনিও চলুন।’

স্বয়ংবরে আসিয়াছিলেন বাঙ্গালদেশের রাজা, গৌড়দেশের রাজা, মিথিলার রাজা, কাশীর রাজা, নেপালের রাজা, দক্ষিণদেশের রাজা, কাশ্মীরের রাজা ও মধুপুরের স্বয়ং শ্রীকৃষ্ণ। স্বয়ংবরের বাহা ফল, তাহা ত জানাই আছে। কলাবতী শ্রীকৃষ্ণের কণ্ঠে মালা অর্পণ করিলেন—শ্রীকৃষ্ণ তাঁহাকে লইয়া চলিলেন। রাস্তায় রাক্ষসদের সঙ্গে তাঁহাব যুদ্ধ হইল। সে যুদ্ধে জয়ী হইয়া তিনি মধুপুরে কিছুকাল কলাবতীকে লইয়া আমোদ আশ্বাদে বসবাস করিতে লাগিলেন। এমন সময় নারদ আসিয়া তাঁহাকে দ্বারকায় যাইতে বলিলেন। তিনি দ্বারকায় গেলে কলাবতী বিরহে ছটফট করিতে লাগিলেন।

কিছুদিন পবে তিনি এক হংসকে দত্ত কবিয়া দ্বারকায় পাঠাইলেন। হংস কলাবতীর বিরহের অবস্থা বর্ণনা করিলে শ্রীকৃষ্ণ প্রকাশ করিয়া দিলেন—‘ভাবতথ্যে বড় রাক্ষসের উপদ্রব। আমি তাহা নিবারণ করিতে চলিলাম।’ এই বলিয়া তিনি মধুপুরে কলাবতীর নিকট আসিয়া উপস্থিত হইলেন।

তাঁহার আব একখানি বই বিদ্যমোদতরঙ্গিনী, ইহাতে আটটা তরঙ্গ আছে। প্রথমটীতে কবির নিজের এবং বংশের পরিচয়। দ্বিতীয় তরঙ্গ হইতে গ্রন্থের আরম্ভ। এক প্রভুর বাড়ীতে অনেক পণ্ডিতেব নিমন্ত্রণ হইয়াছে। তাঁহারা ক্রমে আসিতেছেন। প্রথম আসিলেন বৈষ্ণব—নাক হইতে মাথা পর্য্যন্ত তিলক; সমস্ত শরীরে শঙ্খ, চক্র, পদ্মের ছাপ; হৃদে ছোঁপানো কাপড়; গলায় তুলসীর মালা; মুখে হরিনাম। তিনি আসিয়া প্রভুকে আশীর্বাদ করিলেন,—‘নারায়ণ আসিয়া তোমার চিত্তে আবির্ভূত হউন।’ তাহার পর শৈব আসিলেন। তাঁহার মাথায় জটা, কোমরে ব্যাঘ্রচর্খ, সর্বাঙ্গে বিভূতি আর আধখানা শরীর কুস্ত্রাফে ঢাকা। তার পর শাক্ত আসিলেন—মাথায় জবাগুচ্ছ, গলায় মল্লিকা ফুলের মালা, ললাটে রক্তচন্দনের তিলক, গায়ে চন্দন মাখা। তাহার পর আসিলেন হরিহরাদ্বৈতবাদী ও নৈয়ায়িক—নৈয়ায়িকের হাত ধরিয়া আছেন বৈশেষিক। তাহার পর মীমাংসক, বৈদান্তিক, সাংখ্য পণ্ডিত ও পাতঞ্জল পণ্ডিত, দৌর্যগিক, জ্যোতির্বিদ, কবিরাজ মহাশয়, বৈদ্যাকরণ, আলঙ্কারিক, নাস্তিক পর পর আসিলেন। নাস্তিক ঝাঁটা দিয়া পথ পরিষ্কার করিতে করিতে এবং পাছে কীট পতঙ্গ মারা যায়, এই ভয়ে সাবধানে পা ফেলিতে ফেলিতে আসিতে লাগিলেন। তাঁহার মন্তক

মুগ্ধিত—চুলগুলি উপড়াইয়া ফেলা হইয়াছে। তিনি বলিতে লাগিলেন,—বঞ্চকেরা তোমাদের শিখাইয়াছে—দেবতাদের অর্চনা কর, প্রতিদিন জন্মান্তরে ভোগের জন্ত পুণ্য কর, মহাযজ্ঞের জন্ত হিংসা কর। এই সকল কথা তোমরা শুনিও না। যাহাতে প্রত্যক্ষ পদার্থ নাই, এমন পথে তোমাদের এই বুদ্ধি যাউক অর্থাৎ ধর্ম সম্বন্ধে তোমাদের বুদ্ধি কল্পনার বিষয় হউক। সকলে হাসিয়া উঠিল এবং বলিল,—এ ছুরায়া পাপিষ্ঠ কে, কোথা হইতে আসিল? সে বলিল,—আমি পাপিষ্ঠ ছুরায়া, আর তোমরা ভারী পুণ্যশীল—কেবল বৃথা পশু হিংসা কর। মীমাংসক সদর্পে বলিলেন,—যজ্ঞে হত পশু স্বর্গে যায়। তাহাতে দেবতাদের তৃপ্তি হয়,—যজ্ঞমানের অভিপ্রায় সিদ্ধ হয়। এমন বৈধ হিংসাকে তুমি অগ্রাঘ্য বল। নাস্তিক বলিল,—কি ভুল, দেবতা কোথায়, যজ্ঞ কোথায়, জন্মান্তরই বা কোথায়? মীমাংসক বলিলেন,—এ কি, বেদ-পুরাণশাস্ত্রে যে সমস্ত জিনিষের প্রশংসা আছে, তাহাকে তুমি নিন্দা করিতেছ?

নাস্তিক—বেদ ত বঞ্চকের কথা। তাহার প্রামাণ্য কি? পুরাণেরই বা প্রামাণ্য কি? তাহারা অতীন্দ্রিয় বস্তুর কথা দিয়া সমস্ত জগৎকে বঞ্চনা করে মাত্র।

মীমাংসক—কর্ম যদি না থাকে, কি কারণে লোক স্বথ-দুঃখ ভোগ করে?

নাস্তিক—কর্ম কোথায়? কে দেখিয়াছে? কে সেই কর্ম অর্জন করিয়াছে? যদি বল, জন্মান্তরকৃত কর্ম, তবে তাহার প্রমাণ কি? স্বথ-দুঃখাদি ত প্রবাহধর্ম। মানুষ কখন স্বথ, কখন দুঃখ ভোগ করে, তাহার ঠিকানা নাই। বস্তুতঃ জগৎটাই অসং। আর যাহা কিছু দেখিতেছি, সমস্তই ভ্রম।

এই কথা শুনিয়া মীমাংসক চূপ করিয়া গেলেন। তখন বেদান্তী আসিলেন। তিনি বলিলেন,—ঠিক বলিয়াছ, জগৎ মিথ্যা ঠিক। কেবল সত্য এক ব্রহ্ম আছেন। তাহাতেই মিথ্যা জগৎকে সত্য বলিয়া ভ্রম হয়। নাস্তিক বলিলেন,—বেশ, বেশ, তুমি ত আমার মতেই আসিয়াছ। তবে আবার একটা ব্রহ্ম কেন? তোমার ব্রহ্ম কিরূপ?

বেদান্তী—তিনি জিহ্বাহীন, নিরাকার, নিগুণ, সর্বগামী, তেজঃস্বরূপ, তিনি পরমানন্দ ও বাক্য এবং মনের অগোচর।

নাস্তিক—তবে আর মিথ্যা আকারশূন্য জিয়াশূন্য একটা ব্রহ্ম লইয়া কি করিবে?

এই কথা বলিলে বেদান্তী চূপ করিয়া গেলেন। তখন লোকে নৈয়ায়িকের মুখের দিকে তাকাইয়া রহিল। নৈয়ায়িক গর্ভভরে বলিলেন,—তুমি আপনার মতটা আগে পরিষ্কার করিয়া বল, তার পর অন্য কথা কহিও। যে কাণা, সে যদি বলে—তোমার চক্ষু স্বন্দর নয়, তবে লোকে কেবল হাসিবে। নাস্তিক ভাবিলেন,—আমরা যুক্তিধারা বর্ষণ করি। এ দেখিতেছি, ঝড় হইয়া আমাদেরগকে উড়াইয়া দিতে আসিতেছে। কিছু ভাবিয়া বলিল,—আমাদের মত শোন—মাধ্যমিকদিগের শূন্যবাদ, যোগাচারদিগের কণিক বিজ্ঞানবাদ, সৌত্রাস্তিকদিগের জ্ঞানাকারজন্মেয় কণিকবাহ্যার্থবাদ, বৈভাষিকদিগের কণিক বাহ্যার্থবাদ, চার্বাকদিগের দেহানুবাদ এবং দিগধরদিগের দেহাতিরিক্ত দেহ-পরিমাণবাদ, আমাদের এই ছয়টা প্রধান। আমাদের সকলেরই এই সিদ্ধান্ত—স্বর্গ নাই, নরক নাই, ধর্ম নাই, অধর্ম নাই, এ জগতের কর্তা, হর্তা, ভর্তা কেহ নাই। প্রত্যক্ষ ভিন্ন প্রমাণ

নাই। দেহ ভিন্ন কর্মফলভোগী কেহ নাই। সমস্তই মিথ্যা। এগুলিকে যে সত্য বলিয়া মনে হয়, সে কেবল মোহ। অহিংসাই পরম ধর্ম, আত্মপ্রসাদই মহা পাপ, অপরাধীনতাই মুক্তি, অভিলষিত বস্তু ভক্ষণের নাম স্বর্গ।

তार्কিক উপহাস করিয়া বলিলেন,—যদি তোমার প্রত্যক্ষ ভিন্ন আর প্রমাণ না থাকে, তবে তুমি যখন বিদেশে যাও, তখন তোমার স্ত্রী বৈধব্য আচরণ করুক; কেন না, বিদেশগত আর মৃত, এই দুই জনই অদর্শন বিষয়ে তুল্য।

নাস্তিক বলিলেন,—মৃতের পুনর্বীর দর্শন হয় না। কিন্তু যে বিদেশে গিয়াছে, তাহার পুনর্বীর দর্শনের সম্ভাবনা আছে।

তार्কিক জিজ্ঞাসা করিলেন,—কি রূপে সম্ভাবনা আছে? সে যখন বিদেশে গিয়াছে, তখন না-আছে দিকেই সম্ভাবনা বেশী। তাহা হইলে, কেন শোক না হইবে?

নাস্তিক—পত্নাদির দ্বারা যখন খবর পাওয়া যায়, তখন কেন তাহার জন্ত শোক করিবে?

তार्কিক—তাহা হইলে পত্নাদি পড়িয়া অহুমান করিয়া লইতে হইবে ত? তবে অহুমান ও ত প্রমাণ দাঁড়াইল, এইরূপে শব্দ ও প্রমাণ বলিয়া স্বীকার করিতে হইবে; কেন না, যদি আপ্তবাক্যে তোমার বিশ্বাস না থাকে, তবে চিঠিতে তোমার বিশ্বাস কি?

নাস্তিক অত্যন্ত ক্ষুব্ধ হইয়া বলিলেন,—মানিলাম, শব্দ ও অহুমান প্রমাণ হইল। কিন্তু তাহাতে ঈশ্বরসিদ্ধি হয় কি করিয়া?

নাস্তিক যদি অহুমান ও শব্দকে প্রমাণ বলিয়া মানিলেন, তাহা হইলেই ত তিনি হারিয়া গেলেন। তাহার আর সে সভায় কথা কহা উচিত নহে। কিন্তু চিরঞ্জীব শর্মা তাঁহাকে দিয়া আরও কথা কহাইয়াছেন।

এইরূপে নাস্তিক প্রতি পদেই হারে এবং হারিয়া একটা নূতন প্রশ্ন তোলে। সকল কথায় সে হারিয়া গেল। তখন সভার যিনি প্রভু ছিলেন—তিনি প্রথম নৈয়ায়িককে তাহার পর মীমাংসকে, তাহার পর সাংখ্যমতবাদীকে, তাহার পর যোগবাদীকে আপন আপন মত ব্যক্ত করিতে বলিলেন এবং অল্প অল্প দর্শনের সহিত যে যে বিষয়ে তাঁহাদের বিবাদ আছে, তাহা ব্যাখ্যা করিতে বলিলেন। যোগশাস্ত্রজ্ঞ তাঁহার মত ব্যাখ্যা করিলে পর শৈব বলিলেন,—যোগীকে মুক্তি দিবার কর্তা শিব। বৈষ্ণব বলিলেন,—না, বিষ্ণু। তাহার পর রামাইত আসিয়া বলিলেন,—রাম। তখন তিন জনে ঝগড়া বাধিয়া গেল। মাঝে আর একজন আসিয়া বলিলেন,—না, না, মুক্তি ত রাধা দিবেন। এইরূপে চার পাঁচ জনে খুব তর্ক-বিতর্ক হইতেছে, এমন সময় একজন সর্কশাস্ত্রবিৎ পণ্ডিত সভায় প্রবেশ করিলেন। প্রভু তাঁহাকে জানিতেন, তাঁহাকে অভ্যর্থনা করিয়া বিচারের মীমাংসা করিয়া দিতে বলিলেন। তিনি মীমাংসা করিলেন,—হরি ও হরের ঐক্যে জ্ঞানই মুক্তির কারণ এবং উপসংহারে বলিলেন,—

যে চাঅনো নুনমভিন্নতায়াম্
শরীরভেদাদপি ভেদমাহঃ।
তেষাম্ সমাধানকৃতে হরেরণ
দেহাধ্বধারী হরিরপ্যকারি ॥

এই বইএ চিরঞ্জীব শর্মা লোকায়ত, দিগম্বর জৈন, আর বৌদ্ধদের চারি দার্শনিক সম্প্রদায়কে এক করিয়া তুলিয়াছেন। তিনি লোকায়তদের জৈনদের মত পথ খাঁট দিতে দিতে যাইবার কথা বলিয়াছেন। কিন্তু তাহারা একরূপ কখনও করিত না। তাহাদের মত যথার্থ নাস্তিক। কেন না, যাহারা পরকাল মানে না, তাহারাই প্রকৃত নাস্তিক। লোকায়তেরা পরলোক মানিত না। কিন্তু বৌদ্ধ ও জৈন উভয়েই পরলোক মানে। তাহাদিগকে লোকায়তদের সহিত এক করা ভাল হয় নাই। যদি বল, উহারা সকলেই নিরীশ্বর; সেই জন্য নাস্তিক বলিব,—তাহা হইলে সাংখ্যবাদী এবং মীমাংসকদিগকেও নাস্তিক বলিতে হয়। চিরঞ্জীব মনে করিতেন—যাহারা বেদ মানে না, তাহারাই নাস্তিক।

দর্শন শাস্ত্র সম্বন্ধে বিদ্যমোদতরঙ্গিনীতে যে সমস্ত কথা আছে, তাহা দর্শন শাস্ত্রের চটি বইএর অপেক্ষা অনেক বেশী। চটি বইএ এক এক দর্শনের দিকান্তগুলি মাত্র পাওয়া যায়—অত্র দর্শনের মতের খণ্ডন-মণ্ডন পাওয়া যায় না। চিরঞ্জীব দুইই দিয়াছেন। তাহাতে চিরঞ্জীবের বই সাধারণের খুব উপযোগী হইয়াছে এবং নাট্যাকারে ও একটু রসাল ভাষায় লেখা বলিয়া ইহা সাধারণের নিকট খুব মিষ্ট লাগে। প্রায় এক শত বৎসর পূর্বে শোভাবাজারের রাজা কালীকৃষ্ণ দেব বাহাদুর এই গ্রন্থখানির একটি বাঙ্গালা তর্জমা করিয়াছিলেন, তর্জমা এখন আর পাওয়া যায় না—কিন্তু বুদ্ধদের মুখে শুনিয়াছি, তিনি আরও রসাল ভাষায় তর্জমা করিয়াছিলেন—পড়িবার সময় লোকে হাসি থামাইতে পারিত না। এইরূপ আমাদের স্বদেশী বইএর এখন যদি প্রচার হয়, তাহা হইলে বাঙ্গালীকে এখন আর দর্শন শাস্ত্রের জন্তে পরের দ্বারে ভিক্ষা করিতে যাইতে হয় না।

শ্রীহরপ্রসাদ শাস্ত্রী।

ব্রজবুলি

[১]

ব্রজবুলি বাঙ্গালার একটা উপভাষা। উপভাষা হইলেও ইহা কখনই কথাভাষা ছিল না। ব্রজবুলি মূলতঃ মৈথিলভাষা হইতে উদ্ভূত হইলেও, ইহা বঙ্গদেশে, বাঙ্গালী কবির হস্তে এবং বাঙ্গালাভাষা ও সাহিত্যের আশ্রয়ে ও রসসঞ্চারে পুষ্ট ও পরিবৰ্দ্ধিত হইয়াছিল বলিয়াই ইহাকে বাঙ্গালার উপভাষা বলিয়া গণ্য করা হইয়া থাকে। কেহ কেহ ইহাকে মৈথিলভাষার অন্তর্ভুক্ত কবিত্তে এবং কবিরাজ-গোবিন্দদাস প্রভৃতির পদকে মৈথিল সাহিত্যের নিদর্শন স্বরূপ গণ্য করিতে চাছেন। এট চেষ্টা ভ্রান্তিমূলক, এবং অত্যন্ত আপত্তিজনক। ব্রজবুলি সাহিত্য বাঙ্গালা সাহিত্যেরই একদেশ।

পূর্বভারতে মুসলমান শাসনেব প্রথম অবস্থায় মিথিলা ও তীরভুক্তি প্রদেশ বহুদিন যাবৎ হিন্দু রাজাব অধীনে স্বীয় স্বাধীনতা অক্ষুণ্ণ রাখিয়াছিল। সেই কারণে মগধ ও বঙ্গদেশে যখন হিন্দুজাতির ও ব্রাহ্মণ্যসভ্যতার অতীব দুর্দিন বাইতেছিল, তখনও হিন্দু রাজার শাসনে মিথিলায় ব্রাহ্মণ্যসভ্যতার প্রদীপ উজ্জল হইয়া জলিতেছিল। পরে যখন দুর্দিন অনেকটা কাটিয়া গিয়াছে এবং শাস্তিপুর ও নবদ্বাপ প্রভৃতি বাঙ্গালাদেশের প্রধান প্রধান শিক্ষাশ্রমক্ষেত্রে সংস্কৃতবিদ্যার আলোচনা অব্যাহত হইতেছে, তখনও বাঙ্গালা দেশ হইতে অদীতবিদ্যা ছাত্র তাহার শিক্ষা সমাপ্ত করিবার জন্ত, অথবা নব্যজ্ঞানশাস্ত্র শিক্ষার জন্ত, মিথিলায় যাইত, এবং তথা হইতে অজ্ঞাত শাস্ত্রের সহিত বিদ্যাপতি প্রভৃতি মৈথিল কবির গান কণ্ঠস্থ করিয়া আসিত। এই গানগুলি তখনকার দিনে শিক্ষিত বাঙ্গালীর নিকট যথেষ্ট আদৃত হইয়াছিল, সন্দেহ নাই। স্বল্পকাল পরেই বাঙ্গালী কবি ভাঙ্গা-মৈথিল ভাষাতে এই গানগুলির অনুকরণে গান বা কবিতা রচনা করিতে আরম্ভ করিল। সেই ভাঙ্গা-মৈথিলই ব্রজবুলির আদিম রূপ। এই ব্যাপার—অর্থাৎ ব্রজবুলির সৃষ্টি—মহাপ্রভু চৈতন্যদেবের জন্মের কিছু কাল পরেই সংঘটিত হইয়াছিল বলিয়া মনে হয়; কারণ যতদূর জানা যায়, তাহাতে মনে হয় যে, বাসুদেব ঘোষ, বংশীবদন প্রভৃতি চৈতন্যদেবের অনুচরই এই উপভাষার প্রথম কবিদিগের অন্যতম। আসাম এবং উড়িষ্যাতেও এই সময়ে এইরূপ ব্রজবুলির সৃষ্টি হইয়াছিল। মহাপ্রভু বাহা শুনিয়া প্রেমে রামানন্দের মুখ আচ্ছাদন করিয়াছিলেন, রায় রামানন্দের সেই বিখ্যাত পদ “পহিলিহি রাগ নয়নভঙ্গ ভেল” ইহার প্রমাণ।

এই ভাষায় ‘ব্রজবুলি’ নামকরণ পরবর্ত্তী কালে হইয়াছিল। মহাপ্রভুর ভক্ত এবং তাঁহারিগণের শিষ্যানুশিষ্যদিগের হস্তে এই সাহিত্যের সৃষ্টি এবং বিস্তার হয়। সেই হেতু এই সাহিত্যের বিষয় খুবই সঙ্গী—মহাপ্রভু এবং তাঁহার প্রধান অনুচরদিগের স্তুতি ও প্রশংসা—এবং শ্রীকৃষ্ণের ব্রজলীলা। শেবোক্ত বিষয়টি এই সাহিত্যের প্রধানতম বিষয়বস্তু

হওয়াতে এই ভাষার 'ব্রজবুলি' আখ্যা প্রচলিত হইল। ব্রজবুলির সহিত মথুরা অঞ্চলের আধুনিক কথ্যভাষা 'ব্রজভাষা'র কোন সম্বন্ধ নাই। তবে নানা কারণে ব্রজবুলির মধ্যে কিছু কিছু হিন্দী শব্দ ও রূপ প্রবেশ করিয়াছে।

যে সময়ে ব্রজবুলি ভাষার উৎপত্তি বা সৃষ্টি হয়, সে সময়ের মৈথিল ও বাঙ্গালাভাষার মধ্যে পার্থক্য এখনকার অপেক্ষা খুবই কম ছিল। সুতরাং মৈথিলভাষা তখনকার বাঙ্গালীর নিকট যথেষ্ট সুবোধ্য ছিল। অথচ মৈথিল ভাষায় তখনও বিশেষ্য-বিশেষণ শব্দের অন্ত্য অ-কার লোপ পায় নাই। এই জন্য শ্রুতিমধুর মাত্রা-বৃত্ত কবিতা রচনা—যাহা তৎকালিক বাঙ্গালায় সম্ভবপর ছিল না—তাহা এই ভাঙ্গা-মৈথিল ব্রজবুলিতে সম্ভবপর হইয়াছিল। এই শ্রুতি-মাধুর্য ও সংস্কৃতরীতি-অম্লগামিতার জন্যই এই কৃত্রিম ভাষায় লিখিত সাহিত্য তখনকার দিনে শিক্ষিত ও অর্দ্ধশিক্ষিত এবং বৈষ্ণব ভক্ত-সমাজে অত্যন্ত আদৃত হইয়াছিল। কৃত্রিম ভাষায় যে উচ্চদরের সাহিত্যসৃষ্টি সম্ভব, এবং কৃত্রিম ভাষায়ও যে মানবমনের চরম আশা-আকাঙ্ক্ষার অভিব্যক্তি অসম্ভব নয়, তাহা এই ব্রজবুলি হইতেই প্রমাণিত হইতে পারে।

[২]

ব্রজবুলিতে সংস্কৃত (তৎসম) শব্দের প্রাচুর্য অত্যধিক। শক্তিহীন কবিদিগের হস্তে এই তৎসম শব্দ-বাহুল্য স্থানে স্থানে ভাবপ্রকাশের বিলক্ষণ বাধা জন্মাইয়াছে সন্দেহ নাই, কিন্তু ইহা অধিকাংশ ক্ষেত্রেই ছন্দের স্বরূপে অম্লপ্রাসের স্বাক্ষরে তরঙ্গিত করিয়া তুলিয়াছে। ইহার মধ্যে ছুটি একটি কথার অর্থ সাধারণ লোকের না জানা থাকিলেও তাহাতে আসিয়া যায় না, কারণ ছন্দের নৃত্যচপলতা এবং ভাষার শ্রুতি-মাধুর্য তাহার মনকে সম্পূর্ণ ভাবে কাড়িয়া লইয়াছে। উদাহরণ-স্বরূপ কবিরাজ গোবিন্দদাসের এই কবিতাটি উল্লেখ করা যাইতে পারে,—

নন্দ-নন্দন-চন্দ চন্দন-গন্ধ-নিন্দিত-অঙ্গ ।

জলদ-সুন্দর কদু-কন্ধর নিন্দি সিদ্ধুর ভঙ্গ ॥

প্রেম-আকুল গোপ গোকুল-কুলজ-কামিনি-কন্ত ।

কুসুম-রঞ্জন-মঞ্জ-বঞ্জল-কুঞ্জমন্দির সন্ত ॥

গণ্ড-মণ্ডল-বলিত-কুণ্ডল উড়ে চুড়ে শিখণ্ড ।

কেলি-তাণ্ডব-ভাল-পণ্ডিত বাহু-দণ্ডিত-দণ্ড ॥

কঙ্ক-লোচন কলুষ-মোচন শ্রবণ-রোচন-ভাষ ।

অমল-কোমল-চরণ-কিশলয়-নিলয়-গোবিন্দদাস ॥

সংস্কৃত (তৎসম) শব্দের পরেই প্রাকৃত (অর্দ্ধতৎসম) শব্দের বাহুল্য। অবশ্য এইরূপ অর্দ্ধতৎসম শব্দের প্রয়োগ তৎকালের বাঙ্গালা ভাষারও কিছু কম ছিল না। তবে ব্রজবুলির অর্দ্ধতৎসম শব্দের মধ্যে অনেকটা অংশ যে ছন্দাহরোধে তৎসম শব্দের বিকৃতি ঘটিত তাহাতে কোন সন্দেহ নাই। সংস্কৃত এবং প্রাকৃত-অপভ্রংশ সাহিত্যের প্রভাব ব্রজবুলির উপর যথেষ্ট পড়িয়াছিল। এক হিসাবে ষড়্বিংশে গেলে এই সাহিত্যের মধ্য নিয়াই

প্রাচীন ভারতীয়-আর্য্য (সংস্কৃত-প্রাকৃত) সাহিত্যের ধারাবাহিকতা বাক্যলাভ অক্ষর রহিয়া গিয়াছে।

ব্রজবুলিতে বৈদেশিক শব্দের মধ্যে কেবল এই ফারসী শব্দগুলি প্রচলিত আছে। আর তাহার প্রয়োগও শুধু অক্ষরীচীন সময়ের কবিতাতেই বেশী দেখা যায়। বিদ্যাপতির লেখাতেও আরও দুই একটি ফারসী শব্দ পাওয়া যায়।—

কবজ, খত, কলম, দোত (দোয়াত), কাগজ, দোকান, দাশাল, কিতাব, ওয়াজ (আওয়াজ), মুহর (মোহর), মহল, বাজার, মাক, নফর, কামান (= ধন), কুলুপ, সরম, কম, নালিশ, বালিশ, ক্ষীদ (জিদ), আতর, গুলাব। ‘মুহর’ শব্দটির নামধাতুরূপে প্রয়োগ আছে।

[৩]

ব্রজবুলিতে অ-কারের তিন রকম উচ্চারণ ছিল,—(১) সংবৃত, যেমন ‘অক্ষ’ শব্দের আদিস্থিত ‘অ’, অথবা ইংরাজী ‘hot’ শব্দের ‘o’; (২) বিবৃত (খুব হ্রস্ব আ-কারের মত) যেমন ইংরাজী ‘but’ শব্দের ‘u’; (৩) অতি সংক্ষিপ্ত (অর্ধমাত্রা) স্বর, যেমন ইংরাজী ‘about’ শব্দের ‘a’; এই তিন রকম উচ্চারণের মধ্যে প্রথম দুইটিই সুপ্রচলিত, এবং ইহার মধ্যে পরস্পরের অদল-বদল সকল ক্ষেত্রেই হইতে পারিত। তবে দ্বিতীয় উচ্চারণ বাক্যলাভায় একেবারে না থাকার দরুণ প্রথম উচ্চারণটিরই পরে প্রাধান্য দাঁড়াইয়া যায়। তৃতীয় উচ্চারণ খুব বিশেষ স্থলে ভিন্ন পাওয়া যায় না, যেমন,—

“ভাগবত-শাস্ত্রগণ যো দেই ভকতিধন”;

“অমল-কমল-চরণ-কিশলয়-নিলয়-গোবিন্দদাস”।

আ-কারেরও তিন রকম উচ্চারণ ছিল,—(১) দীর্ঘ, (২) হ্রস্ব, এবং (৩) বিবৃত অ-কারের মত। আ-কারের তৃতীয় প্রকার উচ্চারণ হইলে অনেক ক্ষেত্রে লিপিতে অ-কার লেখা হইত। যথা,—

“বনি বনমাল আজাহু (পাঠান্তর ‘অজাহু’) বিলপিত”;

“কাকন বসন রতনময় আভরণ (পাঠান্তর ‘অভরণ’)”।

ই-কার এবং ঈ-কারের দুই রকম উচ্চারণ ছিল,—(১) হ্রস্ব, এবং (২) দীর্ঘ। হ্রস্ব ই-কার (ঈ-কার)-এর উদাহরণ,—

“কালি-দগন দিন মাহ”;

“উন্নত গীম সীম নাহি অহুভব”।

দীর্ঘ ঈ-কার (ই-কারের)-এর উদাহরণ,—

“দেই রতন পুন লেয়লি চোরি”।

“উন্নত-গীম সীম নাহি অহুভব”।

উ- (উ-) কারেরও সেইরূপ দুইটি উচ্চারণ,—(১) হ্রস্ব, যথা,—

“শ্রেয়মুহুটমণি-ভূষণ-ভাবাবলি”;

“মনাতন-ক্লপ-কৃত গ্রন্থ ভাগবত”;

(২) দীর্ঘ, যথা,—

“প্রেমপ্রবন্ধন-নবঘনরূপ” ;

“অরুণ অধর বাকুলি কুল” ।

এ-কারেরও দুই প্রকার উচ্চারণ—(১) হ্রস্ব, যথা,—

“ঘো রসে ভাসি অবশ মহিমগুল” ;

(২) দীর্ঘ, যথা,—

“বিপুল-পুলক-কুল-আকুল-কলেবর” ।

ও-কারেরও দুই রকম উচ্চারণ—(১) হ্রস্ব, যথা,—

“আপন করম-দোষে ভেল বঞ্চিত” ;

“মদন-হিলোলে তো বিহু দোলত” ;

(২) দীর্ঘ, যথা,—

“সুর-মুনি-গণ-মন-মোহন-ধাম ।”

অ-কার এবং ও-কার আবার অনেক সময় অন্তঃস্থ ব-কারের স্থলে ব্যবহৃত হইয়াছে ।
যথা,—

“রতন-মন্দির মাহা বৈঠাল সুন্দরী

সখি-সঙ্গে রস-পরখা (পাঠান্তর-‘পরখায়’) ।”

“দারিদ ঘট ভরি পাণ্ডুল হেম ।”

ব্রজবুলির ব্যঞ্জনধ্বনি প্রায় বাঙ্গালারই মত । বিশেষতঃ কেবল এইগুলিতে ।—
য-কারের সাধারণ উচ্চারণ ছিল “য,” কিন্তু ইহার উন্ন উচ্চারণও (বিশেষতঃ অর্ধাচীন ব্রজবুলিতে) দেখা যায় । ছ-কারের উচ্চারণ কতক স্থলে স-কারের মত ছিল বলিয়া বোধ হয় ।
শ-কার ও স-কারের উচ্চারণ ব্রজবুলিতে একাকার হইয়া যায় নাই । অন্তঃস্থ ব-কার একেবারে লুপ্ত হয় নাই ; একটা মহাপ্রাণ অনুনাসিক (হ্র, = ন্হ) ও বর্তমান ছিল ।

[৪]

ব্রজবুলির তদ্ভব ও অর্ধতৎসম শব্দগুলির মধ্যে অনেক স্থলে স্বরবর্ণের ব্যত্যয় দেখা যায় । এই স্বর-ব্যত্যয় স্থলতঃ এই প্রকারের,—

আ-কার স্থলে অ-কার :—

(১) আদ্য । যথা,—অখাড় (আখাড়), অবেশিত (আবেশিত), অগোরল (আগোরল), অরাধল (আরাধল) ।

(২) মধ্য । যথা,—কস্ত (কাস্ত), পযাণ (পাযাণ), কহিনী (কাহিনী), সমধান (সমাধান), মধাই (মাধাই), চন্দনি (চাঁদনি), লগে (লাগে), বাতাস (বাতাস) ।

(৩) অন্ত্য । যথা,—বালিক (বালিকা), বাধ (বাধা), মাত (মাতা), লোচনতার (-তার), গঙ্গ (গঙ্গা), পাছুক (পাছুকা), শলাক (শলাকা), সেব (সেবা), কামিন (কামিনা) ।

অ-কার আ-কারের বিপর্যয়—

যথা,—যামন (যমুন), মাপ্র (মথরা), উপাম (উপমা), গাপ (গদা)।

অ-কার স্থলে আ-কার—

যথা,—বক্ষান (বক্ষন), নয়ান (নয়ন), বয়ান (বয়ন < বদন), শয়ান (শয়ন), স্তজান (স্তজন), চাতুর (চতুর)।

ই-কার স্থলে অ-কার—

যথা,—রুচ (রুচি), রীত (রীতি), প্রীত (প্রীতি), ছব (ছবি)। এই পরিবর্তন অবশ্য আধুনিক ভারতীয় আধাভাষার নিয়মানুগত।

য-ফলার স্থলে ই-কার—

যথা,—লাবণি (লাবণ্য), ভাগি (ভাগ্য), পনি (পন্ডা), মাথি (মাফ্য), নিতি (নিহ্য), মাফলি (মাফল্য), সতি (সত্য), শেলি (<*শেলা <শেল+শল্য), মধি (মধ্য), বাকি (বাক্য), মুগধি (মৌগ্ধ্য)।

বিপ্রকথ—

যুক্ত ব্যঞ্জনবর্ণ প্রায়ই বিপ্রকৃষ্ট বা বিলিষ্ট হয়, এবং ‘অ’, ‘ই’ এবং ‘উ’ বিপ্রকথ স্বররূপে ব্যবহৃত হয়।

‘অ’—সনেহ (স্নেহ), পরাত (প্রাতঃ), করম (কর্ম), ভরম (ভ্রম), তীখন (তীক্ষ্ণ), ভসম (ভ্রম), মারগ (মার্গ), কলেশ (ক্লেশ), ভগন (ভগ্ন), উনমত (উন্মত্ত), দিতকার (সীংকার), বিরকতি (বিরক্তি), চরবৎ (চর্কণ), খুবদ (ক্ষুর্দ), নয়তন (নর্তন) বরজ (ব্রজ), দৈরজ, দীরজ (দৈর্ঘ্য), মুরতি (মূর্তি)।

‘ই’—লপিগি, লছিমি (লক্ষ্মী), হরিথ (হর্ষ), পরিষক (পর্যাক্ষ), কিরিতি (কীর্তি) মরিয়াদ (মর্যাদা)।

‘উ’—খুবুধ (ক্ষুধ), পুহুপ (<*পুথুপ<পুষ্প), পহুম (পদ্ম), মুগুধ (মুগ্ধ)।

[৫]

দ্বিত্যুক্ত ব্যঞ্জনের একটীর লোপ হয়, এবং পূর্বস্বরের কচিং দীর্ঘতা-প্রাপ্তি হয়।

যথা,—

ধিকার (ধিকার), উচ (উচ্চ), বিছেদ (বিচ্ছেদ), উত্তর (উত্তর), উতপত (উত্পত্ত), উনমত (উন্মত্ত), উমত (<*উমত্ত<উমত্ত), বিপতি (বিপত্তি), অলত (<*অলত্ত<অলক্ত), অহুরত (<*অহুরত্ত<অনরত্ত), সাধস (<*সাদস<সাদস) সিধি (সিদ্ধি), বুধি (বুদ্ধি), শুধি (শুদ্ধি), উধ (উর্দ্ধ), উদগ (উদ্গ), উদেশ (উদ্দেশ), ছহ (<*ছহ<ছহ), পলব (পল্লব), হুহ (হুর্জ), উলাস (উল্লাস), উনিদ (উন্নিদ), ছিন (ছিন্ন), হিলোর (হিলোল)।

‘ম’ ব্যতীত কোন স্পর্শবর্ণের পূর্বে থাকিলে ‘শ’, ‘য’ কিংবা ‘ন’ প্রায়ই লুপ্ত হয়।
যথা,—

নিচয় (নিশ্চয়), নিচূপ (নিশ্চূপ), নিচল (নিশ্চল), নিকরূণ (নিক্ষরূণ),
নিকলঙ্ক (নিক্ষলঙ্ক), খলত (<√খল্), অটমৌ (অষ্টমৌ), ওঠ (ওষ্ঠ), নঠ (নষ্ট), দিঠি
(দৃষ্টি), শাতি (শাস্তি), দুতর (দুত্তর), মথত (মধ্যস্থ), অথির (অস্থির), থল (স্থল),
থেহ (স্থৈর্য), ধাবর (স্থাবর), বিথার (বিস্তার), পরথাব (প্রস্তাব) থোর (<শ্লোক)
বিথুরল (<√বি+স্ত) ।

‘শ’, ‘য’, ‘থ’, ‘দ’ ও ‘ভ’ পদমধ্যস্থিত হইলে অনেক সময় ইহাদের স্থানে ‘হ’ হয়।
যথা,—

সহিনি (*সথিনী), মেহ (মেঘ), পাত্ন (প্রাঘুণ), লহ (লঘু), নাহ (নাথ), স্তনাহ
(স্তনাথ), বিহি (বিধি), পসাহন (প্রসাধন), মাহ (<*মাধ <মধ্য), শোহ (শোভা), ঢুলহ
(তুলভ) :

আদিভিত্ত না হইলে স-কারের স্থানে কচিৎ ‘হ’ হয়। যথা,—মাহ (মাস), পুহ,
(<*পুন্প <পুষ্প), উছাহ (উচ্ছাস) ।

স্বরমধ্যস্থিত স্পর্শবর্ণের কচিৎ লোপ ও তৎস্থানে য-প্রতির আগম হয়। যথা,—

কনয় (কনক), কাতিয় (কার্তিক), সায়র (সাগর), নায়র (নাগর), ময়ক (যুগাক)
রয়নি (রজনী), বয়ন (বদন), ময়মত (মদমত) ।

দুই একটি স্থলে ‘গ’ ও ‘দ’-এর বিপর্যয় দেখা যায়। যথা,—

ভাগি (=পলাইল, পলাইয়া) এবং ভাজি ; ভিজি (=ভিজিয়া) এবং ভিগি ; ভাগি
এবং ভাজি ।

মৈথিলভাষাতে ‘য’-কারের উচ্চারণ ‘থ’-এর মত ছিল বলিয়া ব্রজবুলিতে প্রায়ই
স-কারের স্থলে থ-কার দেখিতে পাওয়া যায়। যথা—পাউথ (প্রাবৃথ), দোথ (দোষ),
রোথ (রোষ) । স-কারও কচিৎ অল্প শব্দের প্রভাবে ‘থ’ হইয়া গিয়াছে। যথা,—তরথি
(<√ত্রস্)— ; ‘হরথি (<√হৃষ্)’ এই শব্দের প্রভাবে ।

র-ফলার প্রায়ই লোপ হয়। যথা,—চন্দ (চঞ্জ), গাহক (গ্রাহক), অনত (অন্তত),
গুণগাম (গুণগ্রাম), পয়াগ (প্রয়াগ), পহরি (প্রহরী) ।

ছন্দের অনুরোধে কখনও কখনও সংযুক্ত ‘ন’ (কচিৎ ‘ঙ’ এবং ‘ঞ’) লুপ্ত হয় এবং
পূর্ববর্তী স্বরবর্ণকে আনুনাসিক করিয়া দেয়। যথা—

কাতি (কাস্তি), ভাতি, ভরাতি (ভ্রাস্তি), জাগ (জঙ্গ), নিদ (<নিদ্দ, নিদ্দা <নিদ্দা),
মুদল (=মুন্দল <মুদ্দা), বিহু (বিন্দু), সঁচার (সঙ্কার), কঁচুক (কঙ্কুক), পাতর (প্রান্তর),
শাতি (শাস্তি) ।

ছন্দের অনুরোধে কখনও কখনও শব্দাংশের লোপ হয়। যথা,—

মরন্দ (মকরন্দ), আন্দে (আনন্দে), অবগান (অবগাহন), প্রীতয় (প্রিয়তম), জগ
(জগৎ), বিহু (বিদ্যুৎ), অক (অকর্ণ), আত (আতপ), অল্প (অল্পময়), দরশ (দরশন),
গহ (গহন), অটালি (অটালিকা) ।

[৬]

ব্রজবুলিতে শব্দের বহুবচনের স্বতন্ত্র রূপ নাই। বহুবচন করিতে হইলে সাধারণতঃ 'সব' এই শব্দের প্রয়োগ হয়, নতুবা বহুবচনক কোন তৎসম শব্দের সহিত সমাস করিতে হয়। যথা,—

সখী সব (=সখীরা), হান সব (=আগরা); সব সখী মেলি (=সখীরা মিলিয়া);
সো সব দিন (=সেই দিনগুলি); সো কি কহব ইহ সখিনি-সমাজ (=সখীদিগকে);
বাম-কুল (=বর্ষাবিন্দু সকল) নকরু; শুক-পিক-শারিক-পাতি; সহচরি-কুল; সখীগণ;
যুবতি-নিকর; রঙ্গিনী-যুথ; ভ্রমর-জাল; পক্ষ-গণ; দ্বিজ-কুল; কোকিল-বন্দ; সখি-মালা;
অলি-পুঞ্জ; আরতি-রাশি; সহচরি-মণ্ডলি।

কারক ছয়টি—কর্তা (প্রথমা), কর্ম-সম্প্রদান (দ্বিতীয়া-চতুর্থী), করণ (তৃতীয়া),
অপাদান (পঞ্চমী), সম্বন্ধ (ষষ্ঠী) ও অধিকরণ (সপ্তমী)। প্রথমার বিভক্তি—'এ', তবে
অধিকাংশ ক্ষেত্রেই বিভক্তির লোপ দেখিতে পাওয়া যায়। দ্বিতীয়া-চতুর্থীর বিভক্তি—
'এ', 'কে'; '-ক', '-কি'; বিভক্তির লোপও বিরল নহে। তৃতীয়ার বিভক্তি—'এ', '-হি'
'-হি', '-সে' (-সে); বিভক্তির লোপও কচিৎ দেখিতে পাওয়া যায়। পঞ্চমীর বিভক্তি—
'-হি', '-হি', '-সে', '-সো', '-তে' (-তে); বিভক্তির লোপও কচিৎ দেখা যায়। ষষ্ঠীর
বিভক্তি—'ক' (-কা)', '-কি', '-কে', '-কো', '-কর', '-র'। সপ্তমীর বিভক্তি—'এ'
'-হি', '-হি', '-ও', '-মে', '-মি'; বিভক্তির লোপও বিরল নহে।

প্রথমা

বিভক্তিহীন প্রথমা—সুন্দরি, মাধব তুহে অজুয়াগী; গোবিন্দদাস
কহই অব না শুনিযে সঙ্কেত-মুন্সলী-নিসান (কর্মবাচ্যে কর্মে প্রথমা); জল বিহু
জলচর নিমিষ না জীব। চকোর অমিয়া বিহু তিলেক না পীব।

বিভক্তিযুক্ত প্রথমা—দূরে রহ ঘুমে; রমণি-সমাজে তোহারি গুণ
ঘোষই; কিশলয়-মলয়জ-চন্দনে দগধই।

তৃতীয়ার বিভক্তি '-হি', '-হি' অনেক সময় প্রথমায় প্রযুক্ত হইয়া থাকে। যথা—
নামহি যাক অবশ করু অঙ্গ; তকভহি মেলি; মরমক বেদন মরমহি
জানত। এই বিভক্তির সহিত অনেক স্থলে অবশ্য নিশ্চয়ার্থক অব্যয় 'হি' একীভূত হইয়া
গিয়াছে।

দ্বিতীয়া-চতুর্থী

দ্বিতীয়া-চতুর্থী 'এ' বিভক্তি প্রথমা ও সপ্তমী বিভক্তি হইতে আসিয়াছে।—
রে মন, কাহে করসি অনুতাপে; পীতবাসে মোছই রাই-মুখ-মাণে; মাধব
বয়িলে কি সাধবি সাত্রে; বাহে শির সোঁপি কোর পর শূতিয়ে সো যদি কর
বিশবীড়ত; মাধবের মিনতি জনায়বি মোয়।

'ক', '-কি', '-কে' প্রভৃতি বিভক্তিগুলি প্রকৃতপক্ষে চতুর্থী (সম্প্রদান) বিভক্তি,
উহারি পরে দ্বিতীয়াতে প্রযুক্ত হইয়াছে। সেই জন্য অচেতন-বস্ত-বাচক শব্দে এই বিভক্তির

প্রয়োগ হয় না। যথা,—তুয়া ভানে (মূলে 'ভানে' স্থলে 'ভাবে' আছে; তাহা স্পষ্টতঃই অসমীচীন পাঠ) তন্ন দেই কোর। প্রাচীন মৈথিলভাষায় চতুর্থী বিভক্তি ছিল—'-কএ', '-কই', '-কে' [ত্রিযুক্ত হুনীতিকুমার চট্টোপাধ্যায়, Varnaratnakara, পৃ: ৫৩]

উদাহরণ,—গোবিন্দদাসকে কাছে উপেখি; রাইকে পরিহরি; মৃদুতর-বচনে প্রবোধই নাহক; লাভকে মূল হারাই; কহল লখিমীকি বাত।

বিভক্তি-হীন তৃতীয়া-চতুর্থীর প্রয়োগ,—তোহে সোপলু রাই; কর জোড়ি রাই প্রণতি কর দেবী; না দাইহ মো শিখা; যাকর দেহলী রক্তনি গোড়ায়লি; মো কি কহব ইহ সখিনি-সমাজত।

তৃতীয়া

'-এ' (-এঁ)' সংস্কৃত তৃতীয়া একবচনের বিভক্তি '-এন' হইতে আসিয়াছে; '-হি' সংস্কৃত সৰ্বনামের সপ্তমীর প্রত্যয় '-স্বিন্' অথবা পূর্বতর আদি আৰ্যভাষার (সপ্তমীর) * '-ধি' প্রত্যয় হইতে আসিয়াছে; '-হি' সংস্কৃত তৃতীয়া বহুবচনের বিভক্তি '-তিঃ' ও ষষ্ঠীর বহুবচনের বিভক্তি '-নাম্' এই দুইয়ের সংযোগ হইতে উৎপন্ন হইয়াছে [ত্রিযুক্ত হুনীতিকুমার চট্টোপাধ্যায়, Varnaratnakara, পৃ: ৫১, ৫২]। '-সে', '-সো'—'সমম্' এই সংস্কৃত অব্যয় হইতে আসিয়াছে; 'সঞে' শব্দেরও তৃতীয়াবাচক প্রয়োগ বিরল নয়, তবে ইহা পঞ্চমীতেই বেশী প্রযুক্ত হইয়া থাকে। বাঙ্গালার কাবের ভাষার 'সনে'-ও এই 'সমম্' হইতে আসিয়াছে।

উদাহরণ,—বাহিরে তিমিরে না হেরি নিজ দেহ; শূলি নাগরি নাগর-রাজে; ইচ্ছিতভঙ্গিয়ে দুহঁ সব কহই; কানুসে প্রেম বাড়াই; সখি সঞে পুছত প্রেমকি বাত; মুখ হেরি লাজসেঁ সায়রে লুকায়েল; করহি নিবারত গোরি; কিরণহি নিরগম বাধে; চক্ষু-বলী সঞে বিলসই মাধব।

বিভক্তিহীন তৃতীয়া বিভক্তির প্রয়োগ—শীত কিয়ে ভীতহি; মো ভিগি আওল শাওন-মেহ।

পঞ্চমী

'-হি', '-হি' তৃতীয়া হইতে আসিয়াছে; '-তে' (-তৈ)' (< সংস্কৃত '-ত্র+হি', বা '-ত্র+ধি') সপ্তমী হইতে আসিয়াছে। '-সে' (-সে), '-সো', '-সঞে', 'সঞে', এইগুলি সংস্কৃত 'সমম্' হইতে আসিয়াছে।

উদাহরণ,—কুঞ্জসেঁ নিকসে বহার; অপন মালতিমাল হিঙ্গসেঁ উতারি; সীমতে (=গ্রীবা হইতে) চরকত; কুঞ্জহি বাহির ভেল; জহ বাধি ব্যাধা বিশিনসেঁ যুগি তেজই তীখন শাস; কোরহি জোরি উবরি পুন হুন্দরি চলি তেজি বরনাহ; স্বর সঞে ভেলি বহার; শেফ সঞে উঠল; বনটে গিরির ঘর আওয়ে।

বিভক্তিহীন পঞ্চমীর দুই একটি উদাহরণ পাওয়া যায়,—তেরে অধু-হাথ তিথ হাম লেব; অকণবসন থলরে পাত।

ষষ্ঠী

‘-ক’ : হাথক দরপণ মাথক চুল ; কুণ্ডলক মাহ ; মকরিশত্রক চিত্রক লেখ ; দুহুঁক প্রেম নাহি তুল ।

‘-কি (-কী)’ : সুরতকি রীত ; মকরন্দপানকি লোভে ; অধরকি পানে ; মাদ্রকি মাস ; জেউকি মাস ; হরিকি রিতিনিতি ।

‘-কে’ : রূপকে রূপ ; বেণিকে লাবণি ; ব্রহ্মভানুনন্দনিকে শোভা ।

‘-কো’ : শিষ্যাকে ।

দুইটী স্থলে ‘-হক’ বিভক্তি পাওয়া যায় । যথা,—মুনিহক মানস ; নিবিহক বন্ধ । ‘-হ-ক’ < সংস্কৃত ষষ্ঠী বিভক্তি ‘-স্ত’ + ব্রজবুলি বিভক্তি ‘-ক’ ।

‘-কর’ : শিষ্যাকর ; শৈশবসুতাকর ; দুহুঁকর কেলি দরশক আশে ।

কচিং বিভক্তিহীন ষষ্ঠী পদ পাওয়া যায় । যথা,—পহিল সমাগম রাধা-কান ; গোবিন্দদাস ত’হি পরশ না ভেলি ; দশদিন ছরজন একদিন সুরজনক ।

সপ্তমী

‘-এ’ : বাহে (= বাহতে) ; হিরে ; চুড়ে ।

‘-হি (-হি)’ : মনহি না ভাওত আন ; মণিময়হার-তরঙ্গিনী-তীরহি কুচ-কনকচল ছায়, এঁছে তপত জনে গোপতে রাখবি তব গোবিন্দদাস যশ গায় ; গোউহি মান্ধহি করল পয়ান ।

‘-হ’ : যাহে বিহু জাগরে নিদহু না জীবসি ; চিতহু ; করহু ।

‘-মে (-মি)’ [< সংস্কৃত ‘-মিন্’] : জন্মমে ; কোটিমে ; কালিন্দিকুলমে ; খননি খননি (খনমে খনমে ?) ; গিরিবরসাক্ষিন (গিরিবর-সাক্ষিমে ?) ।

ব্রজবুলিতে বিভক্তিহীন সপ্তমীপদের যথেষ্ট প্রয়োগ আছে । প্রাচীন মৈথিল ভাষাতেও এইরূপ প্রয়োগ ছিল [ত্রিযুক্ত হুনীতিকুমার চট্টোপাধ্যায়, Varnaratnakara, পৃ: ৫৫-৫৬] ।

উৎসাহরণ,—যাকর দেহহুগ্নি রজনি গোড়ায়লি ; পাণি রহল কুচ আপি ; পস্হ মিলব তুয়া কানি ; বাকি রাখত পুন গেহ ; প্রেমলছমী নাচে নন্দীকানপন্নী ; অলসে অর্ধহুনা শূলি রাই ; কপটে ঘুমাওল ততি রহ প্রবনী ।

[৭]

ব্রজবুলি সর্বনামের বহুবচনে স্বতন্ত্র রূপ নাই । ‘সব’ এই শব্দের অল্পপ্রয়োগ দ্বারা বহুবচনের বোঝাপড়া হয় । ‘হামরা’ প্রভৃতি পদ বাক্যটির অল্পকরণে অর্ধাচীন ব্রজবুলিতে চকিয়া গিয়াছে ।

সৰ্জনাম : উত্তম পুরুষ

প্রথমা। হাম (হম); হানি (হনি) [< হাম+আমি] : নিশি জাগরি হামি; হামি পলটি বৈঠব; হাটেন : কামসায়রে মরব হামে; মুন্নে (অর্কাচীন ব্রজবুলিতে চতুর্থী হইতে আসিয়াছে) : মুঝে কয়ল; মুঞ্জিও (বাঙ্গালা হইতে অর্কাচীন ব্রজবুলিতে গৃহীত) : মুঞি জানহ; মো : কহল মো তোয়।

দ্বিতীয়া-চতুর্থী। মোহ : অকপটে কহবি ন বকবি মোয়; মুন্নে : মুঝে ভেজল কান; চকল নয়নে হেরি মুঝে হুন্দরী; মোহে : মোহে ধনি ভেজব; সজনি কাহে মিনতি কর মোহে; হাটেন : কান্দায়সি হামে; হামে হেরি; হামা : কটাথে নেহারত হামা।

তৃতীয়া। মোহ : মিলব মোয়; মোহে : যদি মোহে না মিলব সো বররামা; হম : ওহি দিবস হমে মথুরা-সমাগম-পহুহি দরশন ভেল।

ষষ্ঠী। মনু (< সংস্কৃত 'মহ্ম'—পশ্চিমা অপভ্রংশ হইতে); মোহের (হিন্দী হইতে) : মন্দিরে অব তুহঁ চল মেরে কান; মোহর; মোহর : এছন শ্রাম বিহু মোহর পরাণ; মোহরি; হামার (হমার); হামারি (হমারি); মোহরি; মোহ (মোহ) : মরমক বেদন জানসি মোয়; মো : তৈখনে হরব মো চেতনে; হামরা (?) : চির ধরি পিয়ব অধররস হামরা; হামক : হামক মন্দির যব আওব কান।

সপ্তমী। মোহে (?) : এ সখি হেরি রহল মোহে ধন্দ।

সৰ্জনাম : মধ্যম পুরুষ

প্রথমা। ভুহ, ভুহ; তো; তোই; ভু : অকপটে এক বাত মুঝে কহবি তু।

দ্বিতীয়া-চতুর্থী। তোহ, তোই; তোহে, ভুহে।

তৃতীয়া। তোহে : তোহে মিলায়লু; ভুহা : পহু মিলব তুয়া কান।

ষষ্ঠী। ভুহা, ভুহ : কি খনে তুয় সনে লেহ করল হে; তোহে; ভুহাক; ভুহক; ভুহার, তোহারি; ভুহকর : তুহঁকর রীতহি ভীত অব পাওল; তোহা : হুন্দরি দেহি পলটি দিটি তোয়া; তেহা, তেহি, তেহে (হিন্দী হইতে আগত) : তেরে বধুহাথ ভিখ হাম লেয়ব।

সপ্তমী। তোহে : ধিক রহ সো ধনি তোহে অহুরাগ; ভুহে : হুন্দরি, মাধব তুহে অহুরাগী; তোহারি (?) : হামারি বিশোয়াস তোহারি।

সৰ্জনাম : প্রথমপুরুষ (সাধারণ)

প্রথমা। সে; সো (পশ্চিমা অপভ্রংশ হইতে); সেহ; সেহি; সোহ; তহ (?)।

দ্বিতীয়া-চতুর্থী। সো, সোই; তাহি : তহি পুন হেরি; তাহি; তাহে
তাহ : অতএ সোঁপল তহু তাহ; যাবক-রঞ্জিত ও নথচন্দ্রক কাম রোয়ত তাহ রে।

তৃতীয়া। তান্ন : সারথি লেই মিলায়ব তায়।

ষষ্ঠী। তাক; তাকর; তছু (< সংস্কৃত 'তন্তু'—পশ্চিমা অপভ্রংশ হইতে);
তহিক, তিহিক (সম্মানসূচক, = তাঁহার) : অল্পখন তহিক সমাধি।
সপ্তমী। তাহে; তছু; তাহি; তহি, তাহ।

সর্জনাম : প্রথমপুরুষ (বিদূর)

প্রথমা। উহ; ও, ওই, ওহি; উহি (সম্মানসূচক = উনি) : উহি
নিরাপদ গৌরিক সেবি; ওহ।

দ্বিতীয়া-চতুর্থী। উহে : উহে কি তেজিয়ে রে।

তৃতীয়া। উনসে (হিন্দী হইতে)।

ষষ্ঠী। ওর; উহক, উহিক, উহকে (সম্মানসূচক = উহার);
উনকি (ঐ, হিন্দী হইতে) : উনকি শোহে গলে বনমালা।

সপ্তমী। উনহি [প্রথমা (?)] : ইনকে কীণ উনহি অবলম্ব; উনতে
(হিন্দী হইতে) : শাঙর চীত উনতে লাগিও।

সর্জনাম : প্রথমপুরুষ (অদূর)

প্রথমা। এ; ইহ; এহ; এতহুঁ; এতনি (?); ইথে (?)

দ্বিতীয়া-চতুর্থী। এতহুঁ।

ষষ্ঠী। অছু (< সংস্কৃত 'অন্ত'—পশ্চিমা অপভ্রংশ হইতে); অছুক; ইহিক
(সম্মানসূচক, = ইহার); ইনকে, ইনকি (ঐ, হিন্দী হইতে)।

সর্জনাম : সহস্রবাচক

প্রথমা। যে; যেহ; যো (পশ্চিমা অপভ্রংশ হইতে); যোহি; যোই।

পঞ্চমী। যাইসে (হিন্দী হইতে)।

ষষ্ঠী। যছু (সংস্কৃত 'যন্ত'—পশ্চিমা অপভ্রংশ হইতে); যছুক; যাক,
যাকেক; যাক, যাকেক (সম্মানসূচক, = যাহার); যাকর; যাহে।

সর্জনাম : প্রপঞ্চবাচী

প্রথমা। কেহ, কেহু; কো (পশ্চিমা অপভ্রংশ হইতে), কোই;
কোনে : বেকত লুকারত কোনে; কোন; কি, কিহে (কীহে) (অচেতন বস্তু
বুঝাইতে)।

দ্বিতীয়া-চতুর্থী। কি (অচেতন বস্তু বুঝাইতে দ্বিতীয়ায়); কাহু : কাহ না
উপেধি; কাহকে; কাহি, কাহে; কাহ, কাহ।

তৃতীয়া। কাহী (সপ্তমী হইতে) : উপমা দেয়ব কাহ।

যষ্টি। কাহ (<সংস্কৃত 'কথ') সজনি ঐছন হোয়ে জনি কাহ; কান্ন; কাহু; কাহুক; কাহুকে; কনুক (২); কা; কাহে।

সপ্তমী। কাহাঁ; কাহেঁ।

সর্বনাম : ক্রিয়াবিশেষণ

উত্তম ও মধ্যমপুরুষ ভিন্ন সকল সর্বনাম হইতেই ক্রিয়াবিশেষণ পদ নিষ্পন্ন হয়। এইগুলির মধ্যে কতকগুলি প্রকৃতপক্ষে কারক পদ (যথা, -তৈ, তেঞিও, কাহে, কিসে ইত্যাদি), অপরগুলি প্রত্যয়নিষ্পন্ন পদ।

‘অতএব’ অর্থে—তৈ, তেঞিও, ইথে।

‘তথায়’ অর্থে—তহি, ততহি, তাঁহা, তথি, ততিহঁ, তাঁহি।

‘এই সময়,’ অর্থে—অব, অবহি।

‘এই স্থানে’ অর্থে—ইথে, ইহ।

‘যে স্থানে’ অর্থে—যাহাঁ, যাহি, যহি, যথি।

‘যে জন্ত’ অর্থে—যাহে, যথি।

‘যে সময়ে’ অর্থে—যব, যৈথনে।

‘সে সময়ে’ অর্থে—তব, তৈথনে, তহি।

‘যখন হইতে...তখন হইতে’ অর্থে—যব (যা) ধরি,...তব (তা) ধরি, যব...তবহঁ।

‘কিজন’ অর্থে—কাহে, কথি, কিসে।

‘অথবা’ অর্থে—কিসে।

‘কোথায়’ অর্থে—কথি, কথিহঁ, কাহাঁ; কাহঁ।

‘কোন সময়’ অর্থে—কব।

[৮]

ব্রজবুলিতে দুইটী জীপ্রত্যয় আছে—-ইনী (-ইনি) এবং -ই (-ই), তন্মধ্যে প্রথমটাই প্রবল। ‘-ইনী (-ইনি)’ জাতি, গুণ এবং কর্মবাচক। বিশেষণের জীলিঙ্গ করিতে হইলে ‘-ই (-ই)’ প্রত্যয় হয়, যথা,—আকুলি, চলী, টলী।

‘-ইনী (-ইনি)’—চকোরিনি, ভুজগিনি, চটকিনি, মুগধিনি, প্লকিনি, সোতিনি, লখিমিনি, উমতিনি, সতি-বরতিনি, কুল-বরতিনি, নটিনি, কুরুপিনি, গুণহিনি, আহিরিনি।

‘-ই (-ই)’—উমতি, শাওরি, পুতলী, অবনতবয়নী, মুগধি, গোড়ারি, সাপী, নহুড়-বদনী, গজগমনী, পিকবচনী, দেবতি, সুনাগরী।

ব্রজবুলিতে -ল প্রত্যয়াস্ত্র অতীতকালের ক্রিয়াপদ বিশেষণ রূপে ব্যবহৃত হয়, এবং জীলিঙ্গ-পদের বিশেষণ হইলে তাহা সাধারণতঃ জীপ্রত্যয় গ্রহণ করিয়া থাকে। তখন অবশ্য ‘-ইনী’ প্রত্যয় না হইলে ‘-ই (-ই)’ প্রত্যয় হয়। যথা,—মুরছলি গোরী; (রাই) শুতলি আছলি; লাজে লাজায়লি গোরি।

ব্রজবুলিতে জীলিঙ্গ ব্যাকরণগত নহে, স্বভাবাহত। জীলিঙ্গ-ব্যাকরণিক সকল শব্দই পুংলিঙ্গ।

[২]

ক্রিয়াপদের তিনটি কাল—বর্তমান, অতীত ও ভবিষ্যৎ। তিন পুরুষের ভিন্ন ভিন্ন রূপ আছে। কিন্তু একবচন ও বহুবচনের রূপের পার্থক্য নাই। বর্তমান ও অতীত কালে প্রত্যেক পুরুষের একাধিক প্রত্যয় আছে।

বর্তমান

উত্তমপুরুষের প্রত্যয়—**হু** (**-হু**), **-উ** (**-উ**), **ও** (**-ও**) [এইগুলি সংস্কৃত 'অহ < * 'হউ' হইতে আসিয়াছে] ; **-মো**, **-ঙ** [এই দুইটি সংস্কৃত উত্তমপুরুষ পরস্মৈপদ বহুবচনের প্রত্যয় '-মঃ' হইতে আসিয়াছে] ; **-ই** [সংস্কৃত উত্তমপুরুষ পরস্মৈপদ একবচনের প্রত্যয় '-মি' হইতে আসিয়াছে] ; **-ইয়ে** [কর্মবাচ্য দ্রষ্টব্য] ; **-অত**, **-অ** [প্রথম পুরুষ দ্রষ্টব্য] । উদাহরণ,—

করহু, প্রার্থহু ; সাধহু ; যাউ, করু, পূজউ, রহ ; করো ; কহো, ভও, যাও ; পূছমো ; যাঙ, ঘুচাঙ, পরবোধঙ, পাঙ, হঙ, হেরঙ, পুছঙ ; যাই, ভাখি, অমুভই, সোঙরি ; নহিয়ে, যাইয়ে, পারিয়ে, অমুমানিয়ে, পড়িয়ে, পশিয়ে, নিবেদিয়ে, আছিয়ে, সাঁচিয়ে (= সজ্জিত করি) ; ধরত, মাগত ; জান, নহ, মান ।

মধ্যমপুরুষের প্রত্যয়— **-সি** ; **-ই** ; **-উ** ; **-অ** ; **-হ** [অমুজ্ঞা দ্রষ্টব্য] ।
উদাহরণ,—

জানসি, মানসি, মেটসি, হেরসি, উতরোলসি, রহসি, পুছসি, করসি, তাপায়সি, কান্দায়সি, মুদসি, ঘোষসি ; অমুমানি, যাই ; করু, রহ ; জান, রহ ; বাঢ়াহ ।

প্রথমপুরুষের প্রত্যয়— **-অই** ; **-ই** ; **-অয়ে**, **-ওয়ে**, **-এ** ; **-অত**, **-ত** [সংস্কৃত শত্ প্রত্যয় হইতে আসিয়াছে] ; **-অ** ['-অই' প্রত্যয়ের 'ই' লোপ হইতে আসিয়াছে, অথবা অমুজ্ঞা হইতে আসিয়াছে, তুলনীয়—পুৰীম্ আব্রহ্মন্দে লুণীহি নন্দনম্ মুশ্রাণ রত্নানি হুত্নামরাজনাঃ । বিগৃহ্য চক্রে নমুচিষিবা বলী ব ইথমস্বাস্থ্যম্ অহদিবং দিবঃ ॥ (শিশুপালবধ)] ; **-অহু** [পূর্বোক্ত '-অ' + নিপাত 'হ'] ; **উ** [অতীতকাল হইতে আসিয়াছে] ; **-অন্ত** [তৎসম প্রত্যয়] ; **-তি** [মৈথিল সম্মানসূচক প্রত্যয় '-থি' + তৎসম প্রত্যয় '-তি'] । উদাহরণ,—

করই, চলই, হসই, পুছই, ভণই ; হোই, যাই, রোই, পরাই, সমঝাই, পাই, লেখি, কাপি, ভণিয়া (= ভণি + স্বার্থে '-আ'), জাগি, ধরি, পাতিয়াই, গড়াই, দেই, পড়ি, হেরি, হাসি, পেখি ; আওয়ে, রচয়ে, বৈঠয়ে, আছয়ে, উগয়ে, গণিয়ে (কর্মবাচ্য), ভাওয়ে, ধাওয়ে, নাচাওয়ে, খাওয়ে, ইছয়ে ; বৈঠে, ইছে, চলে ; নৃত্যত, চলত, দেত, লেত, যেওত, নাচাওত ; আহ [প্রাচীন মৈথিল 'অহ' : ত্রীয়ুক্ত হনীতিকুমার চট্টোপাধ্যায়, Varnaratnakara, পৃ: ৬০], কহ, খেলি, গুজ, গাথ (গাও), চাহ, জাগ, ফুর, ভণ, রহ, সহ, সাজ, দেখ, পরশংস, সঙ্কুচ, চুষ, অবগাহ, ভাব, পরকাশ, রম, মান, শোহ, হাস ; ভণহ, জেপহ, খেপহ, নিন্দহ, দেখহ ; করু, ঝরু, রহ (আত্মনাসিক সম্মানসূচক) হহ, লিহ, লকর, চল, জাঙ, অহু, ধর, সহ, কহ, নিঃসর, অভিসর ; গরজতি, বিহরজতি (+ স্বার্থে '-আ') বরিধজতি (+ স্বার্থে '-আ') ; দিবসতি, পরশতি, হোতি,

শুভ্রতি, যাতি, মিলতি, যাতিয়া (+ স্বাথে ‘-আ’), ধরতি, পড়তি, বদতি, ভণতি, নটতি, মীলতি ।

অতীত

ধাতুতে -অল (-ল) প্রত্যয় যোগ করিয়া ব্রজবুলিতে অতীত verb stem বা ক্রিয়ামূল নিষ্পন্ন হয় । এই প্রত্যয় মূলতঃ বিশেষণ প্রত্যয়, সেই কারণে কর্তৃপদ স্ত্রীবাচক হইলে ক্রিয়াপদে স্ত্রী-প্রত্যয় যোগ হয় । বাংলার প্রভাবে অর্ধাচীন ব্রজবুলিতে স্ত্রী-প্রত্যয় প্রায়ই হইত না ।

-অল ছাড়া ব্রজবুলিতে মাগদী হইতে প্রাপ্ত আরও একটি অতীত প্রত্যয় ছিল -ই, ইহা সংস্কৃত ‘-ক্ত’ প্রত্যয় হইতে আসিয়াছে । এই প্রত্যয়ান্ত অতীত ক্রিয়াপদ তিন পুরুষেই ব্যবহৃত হইত । যথা,—আই, উভারি, গই, জাগি, দংশি, পলটাই, পুরি, বিহসি নেহারি । তবে প্রথমপুরুষেই বেশী প্রযুক্ত হইত ।

-ও প্রত্যয়ান্ত অতীত ব্রজবুলিতে হিন্দী হইতে আসিয়াছে । যথা,—গও, গেও (গতঃ) ; ভেও, ভও (ভূতঃ) ; লিঘো ; কিয় (কৃতঃ) । ইহার উত্তম ও মধ্যমপুরুষের প্রয়োগ পাওয়া যায় না ।

-উ প্রত্যয়ান্ত অতীত পশ্চিমা অপভ্রংশ হইতে আসিয়াছে । ইহার মূলেও সংস্কৃত ‘-ক্ত’ প্রত্যয় [শ্রীযুক্ত সুনীতিকুমার চট্টোপাধ্যায় Varnaratnakara, পৃঃ ৬২] । ইহারও উত্তম এবং মধ্যমপুরুষে প্রয়োগ দেখা যায় না । উদাহরণ,—ধরু, রহু, পড়, অস্তরু, হেরু, করু, লেখু, মীলু ।

-অল প্রত্যয়যুক্ত অতীতের উত্তমপুরুষের বিভক্তি— -উ (< অহম্) এবং -অ (= ‘মো’ = আমি) প্রথমপুরুষের দৃষ্টান্তে প্রত্যয়হীনতাও দৃষ্ট হয় । উদাহরণ,—গেলু, পেখলু, জীয়লু ; বুঝলম, কহলম ; অছল, দেল, কয়ল ।

মধ্যমপুরুষের বিভক্তি— -লি । যথা,—আওলি, পরিপোষলি, আছলি ।

প্রথমপুরুষের কোন বিভক্তি নাই । যথা,—আছল, ছল ; দেল, রহল, নেল ; কয়ল, কেল ; জীলিঙ্গে—আছলি, কহলি, শুতলি, নিদায়লি ।

তিন পুরুষেই কচিং -ল্লা প্রত্যয় দেখা যায় । যথা,—ভেলা, ভুললা, ছিলা ; গণলা, কহলা । এই ‘-আ’ এর পূর্ববর্তী রূপ ‘-আহ’ প্রাচীন মৈথিলে পাওয়া যায় (ইহা সম্মান-হৃচক বহুবচনের বিভক্তি) [শ্রীযুক্ত সুনীতিকুমার চট্টোপাধ্যায়, Varnaratnakara, পৃঃ ৬১] । প্রাচীন বাংলায় এই (সম্মান হৃচক)—‘আ (লা)’ প্রথমপুরুষেই দেখা যায় ।

-অল অতীতের সহিত প্রায়ই স্বার্থে বা নিশ্চয়ার্থে ‘হি’, ‘হ’ নিপাতের সংযোগ দেখিতে পাওয়া যায় । যথা,—ভেলহি, চললিহঁ, ধরলহি, দেলহি ।

বর্তমান কালের ক্রিয়াপদের অতীতকালে প্রয়োগ বিরল নহে ।

ভবিষ্যৎ

উত্তমপুরুষের বিভক্তি— -ব ; -বি (স্ত্রীপ্রত্যয়ের ‘-ই’ ?) । উদাহরণ—করব, দেয়ব, বোলব ; দেবি, নেবি [পদকল্পতরু, দ্বিতীয় খণ্ড, পৃঃ ১৬৩] ।

মধ্যমপুরুষের বিভক্তি—-বি। যথা,—বৈঠবি, করবি, মোড়বি, কাঁপবি।

প্রথমপুরুষের বিভক্তি—-র, -বে। যথা,—মিলায়ব, হব, ধরবহি (+ ‘হি’);
ধরবে, করবে [পদকল্পতরু, ঐ]।

[১০]

অমুজ্জা

অমুজ্জার দুইটি রূপ আছে—(১) সাধারণ অমুজ্জা, (২) ভবিষ্যৎ অমুজ্জা।

সাধারণ অমুজ্জার মধ্যমপুরুষের প্রত্যয়—-অ, -হ। যথা,—নহ, কর, বদ, চল;
মীলহ, গুনহ, হেরহ, চলহ, ভেটহ, সমুঝহ।

প্রথমপুরুষের প্রত্যয়—-আউ, -উ। মেটউ, বকউ, সেবউ, পীতউ, সমুঝউ,
রাখউ, চলউ, হসউ; রহ, রহক (+ ‘ক’ পার্শ্বে), যাউ, ধক, করু।

ভবিষ্যৎ অমুজ্জার প্রত্যয় (কেবল মধ্যমপুরুষেই প্রয়োগ আছে)—ইহ। যথা,—
যাইহ, করিহ, পুরাইহ।

[১১]

কর্মবাচ্য

কর্মবাচ্যের প্রয়োগ নিম্নোক্ত উদাহরণ হইতে বুঝা যাইবে।

লীলাকমলে ভ্রমরা কিষে নারি (< ‘নারিতঃ’—‘বার্য্যতে’); ঐছন প্রেম কথিহ না
হেরিহে; বাহিরে তিমিরে না তেরি নিজ দেহ; কছু নাহি দীশই (‘দৃশ্যতে’);
এমন পিরিতি আর কথিহ না শেখিহে; নাহ-আরতি যত কহন ন হোহে;
যত বিছুরিহে তত বিছুর ন নাই। ভণিত ন আওত।

[১২]

শিঞ্জন্ত ক্রিয়া

ধাতুতে -আহ (-আও) প্রত্যয় যোগ করিয়া প্রযোজ্য ক্রিয়ামূল নিম্নম্ন হয়।
যথা—শিখায়ব, পঠাওল, বাঢ়ায়সি, জনায়ই, কহায়সি।

[১৩]

নাম-ধাতু

ব্রজবুলিতে নামধাতুর প্রয়োগ অত্যধিক। নামধাতুর কোন বিশিষ্ট প্রত্যয় নাই।
যে কোন তৎসম বা অর্ধতৎসম শব্দ ব্রজবুলিতে ক্রিয়াক্রমে ব্যবহৃত হইতে পারে। যথা,—
উমতায়লি (< ‘উম্মত’); সিধায়ব (< ‘সিদ্ধ’); অমুমানল (< ‘অমুমান’); সম্বাদল
(< ‘সংবাদ’); অমুলেপহ (< ‘অমুলেপ’); বিলম্বায়ত (< ‘বিলম্ব’); পরলাপসি
(< ‘প্রলাপ’); পরিবাদসি (< ‘পরিবাদ’); অর্কাফই (< ‘অর্কাচ’); বিষাদই
(< ‘বিষাদ’); সিতকারই (< ‘সীৎকার’); ক্ষতি-অবতংসহ (< ‘ক্ষত্যাবতংস’)।

[১৪]

অসমাপিকা

অসমাপিকার দুইটি প্রত্যয়—(১) -ই (-অই), এবং (২) -অ; তন্মধ্যে প্রথমটাই
প্রবল। উদাহরণ,—

দেখি; ছাপাই; দরখি, দরশি; ভোরি; আই, আর; ভই; গোই, গোয়; পী, পিবি; আপি; রোষাই; লাই, লাগি; বিসরি; লুব্ধাই; বিদ্বুকাই; অলসাই; হরখি; পহিরি; পাই; পরবোধিয়া (+ 'আ' স্বার্থে); মাতিয়া (+ 'আ' স্বার্থে); বোলই, শ্লাঘই, তোড়ই; ধরই, নিরখই, বুঝই, রোপই, শুনই, করই; মোর; ভর; মেল; কাঁপ; তেজ; গুঞ্জ; জাগ; জান।

প্রকৃত অসমাপিকা ব্যতিরেকে অস্ত্রান্ত ক্রিয়াপদও অসমাপিকার অর্থে কখনও কখনও প্রযুক্ত হইয়াছে দেখা যায়। যথা—

রাইমুখে শুনলহিঁ এছন বোল। সখীগণ কহে ধনি নহ উতরোল ॥

করইতে পামন ভেল উপনীত।

জানদাস কহ ও রূপ হেরইতে কো ধনি ধর নিজ দেহ।

শুনতহিঁ জাগি পুনহ পহ বুমল।

[১৫]

তুমর্থ-ভাববচন

তুমর্থ-ভাববচনের একাধিক প্রত্যয় আছে— -অইতে (মৈথিল ‘-অইত’ <সংস্কৃত শত্ প্রত্যয়), -অত (<সংস্কৃত শত্ প্রত্যয়); -অই, -উ। উদাহরণ,—

চলইতে, জিবইতে, ধরইতে, ভেটইতে; আগোরত [পদকল্পতরু, প্রথমখণ্ড, পৃ: ২২৩], উঠত, দেওত, পরিখত; সহই, কইই, করই, বহই, পৌবই, বুঝই; সহ [ঐ, পৃ: ১১৫]।

[১৬]

শত্ৰুবোধক-অসমাপিকা

শত্ৰু-অসমাপিকার প্রত্যয় -অত (সংস্কৃত শত্-প্রত্যয় হইতে আসিয়াছে)। যথা,—
জপত, চলত, খলত, উঠত। -অইতে (-অইত) প্রত্যয়ও হয়।

[১৭]

ব্রজবুলির সমাস সংস্কৃতানুযায়ী। তবে ছন্দের অল্পরোধে পূর্ব-নিপাতের ব্যতিক্রম দৃষ্ট হইয়া থাকে। যথা,—না বুঝলু অন্তর-নারী (=নারী-অন্তর); তুহঁ বড়ি হুন্দর-পাষাণ (=পাষাণ-হুন্দর); রূপ-আসন খেতরি মাহা বৈঠত সম্ভহি ভকত-সমাজ (=ভকত-সমাজ-সম্ভহি); কবিগণ চমকয়ে চীত (=কবিগণ-চীত); হার-উর (=উর-হার)।

[১৮]

সংস্কৃত ‘-ইমন’ প্রত্যয়ান্ত শব্দ ব্রজবুলিতে বিশেষণরূপে ব্যবহৃত হইয়া থাকে। যথা,—নীলিম বাস; পীতিম চীর; মধুরিম নাম; মধুরিম হাস; গুণহি গরীম; ত্রিভঙ্গিম ঠাম; রঙ্গিম ভঙ্গিম নয়ন-নাচনিয়া; বঙ্গিম ভঙ্গি; চতুরিম বাণী।

সংস্কৃত ‘-জ’ প্রত্যয়ের (বিশেষণ) অর্থে ব্রজবুলিতে -অজল প্রত্যয় ব্যবহৃত হয়।

এবং এই প্রত্যয়ান্ত বিশেষণ স্ত্রীলিঙ্গের বিশেষণ হইলে সাধারণতঃ স্ত্রী প্রত্যয় -ঈ (-ই) গ্রহণ করিয়া থাকে। যথা,—**ছুটিল** বাণ ফুটল হিয়ে মোরি ; নিশসি নেহারসি **ফুটিল** কদম্ব ; **মুরছলি** গোরি।

ভাবার্থে বা কার্যার্থে ব্রজবুলিতে -পান (তদ্ধিত) প্রত্যয় হয়। বাদ্দালায় এই প্রত্যয় নারীর ভাষায় পর্য্যবসিত [শ্রীমুকুমার সেন, Women's Dialect in Bengali (Journal of the Department of Letters, Vol. xviii), Calcutta University, পৃঃ ২৮]। যথা,—রসিকপন, চতুরপন, সতীপন, নিষ্ঠুরপন, শঠপন।

ভাবার্থে তদ্ধিত -ভাই প্রত্যয় হয়। যথা,—নিষ্ঠুরাই, চতুরাই, মধুরাই, বাদ্যাই, অধিকাই, লুবধাই, শুতাই।

[১৯]

জনি (<‘যং+ন’) নিষেধার্থক অব্যয়। যথা,—ভুলহ জনি পাঁচবাণ ; জনি তুচ্ছ হাস ; ও তিন জাণর মনে জনি রাখসি সপনে করসি জনি সঙ্গ ; সজ্জনী ঐছন হোয়ে জনি কাহ। ভোজপুরিয়া ভাষায় এই শব্দ ‘জিন’ রূপে পাওয়া যায়।

জন্ম (<‘যং+জ’) উপমাদ্যোতক অব্যয়। যথা,—পাকল ভেল জন্ম কল সহকার ; কেসরি জন্ম গজকুম্ভ বিদারি।

[২০]

নিম্নে প্রদত্ত উদাহরণগুলি হইতে ব্রজবুলিতে যুক্ত-ক্রিয়াপদের প্রয়োগ বুঝা যাইবে।

‘বাঢ়া’ : ভরমহি তা সঞে নেহ বাঢ়ায়লি ; মিছই বাঢ়ায়সি মান ; নাহক আদর অধিক বাঢ়ায় ; কাহে বাঢ়ায়লি বাত ; বিঘন বাঢ়াওসি ; কাহে বাঢ়ায়সি খেদে ; কলহ বাঢ়ায়বি।

‘রচ’ : রচই সিতকার ; অব তুছঁ বিরচহ মো পরবন্ধ।

‘বাধ’ : নয়নক নীর থির নাহি বাধই ; জিউ বাধব ; কথিছঁ না বাধই থেহ ; বচন না বাধবি।

‘মান’ : না মানয়ে বোধ ; কাহে তুছঁ মানসি লাজে ; যোথ মানসি ; নাহি মানে ভীতে ; মান মানসি ; প্রাণ পিরিতি-বশ নিরোধ না মান।

‘দঢ়া’ : যুগতি দঢ়াই।

‘রোপ’ : তাহে না রোপলুঁ কান ; আরোপলি নয়ন-চকোর।

‘সাধ’ : তব তুছঁ কা সঞে সাধবি মান ; সাধসি মানে ; সাধই দান ; সাধবি সাধে।

‘বাস’ : বাসই লাজ।

‘ধর’ : মান ধরলি করি যতনে ; মান গুরুয়া কাহে ধরলি।

‘হো’, ‘যা’ (কর্মবাচ্যের প্রয়োগ) : করে কুচ কাঁপিতে কাঁপন ন যায় ; হৃদয় জ্বলন ন গেলা ; মনের উল্লাস যত কহিল না হোয়।

[২১]

‘রহ’ ও ‘আছ’ ধাতুর যোগে ক্রিয়ার continuity বা ব্যাপ্তি সূচিত হয়। মূল ক্রিয়ার অসমাপিকা ছাড়া অন্ত্যন্ত রূপও হইতে পারে। উদাহরণ,—

সজল নয়নে রহ হেরি; যব হাম রহল নেহার; আছইতে আছল কাঞ্চন-পুতলা একলি আছিলু হাম বলইতে বেশ।

[২২]

এই স্থানে ব্রজবুলি ও বাঙ্গালা বৈষ্ণব-সাহিত্য ব্যবহৃত কতকগুলি শব্দের উৎপত্তি-বিচার করা হইতেছে।

আগোর, আগর

এই কথাটি ব্রজবুলিতে বিশেষণ ও ক্রিয়ারূপে ব্যবহৃত হইয়া থাকে। বিশেষণ হইলে ‘আগোর’ ‘আগর’ শব্দের অর্থ ‘অগ্রগণ্য’, স্ত্রীলিঙ্গে ‘আগোরা’ ‘আগরী’—‘অগ্রগণ্যা’। যথা—শুন শুন নাগর সব গুণ-আগর; এক অগ্রাগ-সোহাগি আগর। আগর, আগোর < অগ্র + র (ল); তুলনীয় বাঙ্গালা ‘আগল’—‘নিত্যানন্দ-অবদূত সভাতে আগল’। ‘আগোর’ শব্দের এক গৌণ অর্থ ‘বিহবল’—তখন ইহাতে ‘আকুল’ এই শব্দের মিশ্রণ হইয়াছে। যথা,—হেরইতে প্রতি অঙ্গ অনঙ্গ আগোর; পরিমল-লুবধ সুরাস্বর ধাবই অহনিশি রহত আগোর।

যখন ক্রিয়ারূপে ‘আগোর’ শব্দ প্রযুক্ত হয়, তখন ইহার অর্থ ‘বন্ধ করা, আবৃত করা, বাধা দেওয়া’। যথা—রঙ্গিনিমৃথ নিশি বাসর আগোরলি; হাদি দরশি মুখ আগোরলি গোরি; জহু রাহু চাঁদে আগোরল; চলইতে আলি চলই পুন চাহ। রস-অভিলাষে আগোরল নাহ ॥ এখানে ‘আগোর’ < ‘অগল’, নান্দ্যাত্মক রূপে ব্যবহৃত।

আগুনি

‘ঘরের যতক লোক করে কানাকানি। জ্ঞান কহে লাজ-ঘরে ভেজাই আগুনি ॥’—ইত্যাদি স্থলে ‘আগুনি’ শব্দের অর্থ সকলেই ‘অগ্নি’ করিয়া থাকেন (কলিকাতা বিশ্ব-বিদ্যালয় হইতে সম্প্রতি প্রকাশিত ‘বৈষ্ণব পদাবলী [চয়ন]’ পৃঃ ৭৩, পাদটীকা দ্রষ্টব্য)। কিন্তু এই অর্থ সঙ্গত বলিয়া মনে হয় না। ‘ভেজ’ ধাতুর অর্থ ‘ছারাদি বন্ধ করা’—এই অর্থে এই ধাতুর প্রয়োগ ত্রীকৃষ্ণকীর্তনেও আছে—‘অগ্নি প্রদান, বা জ্বালান’ এই অর্থে ইহার প্রয়োগ কুত্রাপি নাই। এই স্থলে ‘আগুনি’ শব্দের অর্থ ‘খিল’। ইহার যথার্থ ব্যুৎপত্তি ‘আগুনি = আগুলি < অর্গলিকা’।

‘আনল’

‘আনল ভেজাই ঘরে’—ইত্যাদি স্থলেও সকলে ‘ভেজাই আগুনি’ ইহার মত ব্যাখ্যা করিয়া থাকেন। ইহাও ঠিক মনে হয় না। ‘আনল’ পাঠ শুদ্ধ নহে। ইহা আগল (< অর্গল) হইবে। পূর্বোক্ত ‘আগুনি (= আগুলি)’ শব্দের সাহায্যেই এই ভ্রান্ত পাঠের স্ফূরণ হইয়াছে।

সাক্ষাতি, সাক্ষাত (সাক্ষাত)

বর্তমান বাঙ্গালা ভাষায় ‘সাক্ষাত, সাক্ষাতি’ শব্দ প্রচলিত আছে। ব্রজবুলিতে

ইহার প্রয়োগ পাওয়া যায়। যথা—ভাগ্যে মিলয়ে ইহ প্রেম-সাজঘাতি ; নিরঞ্জন জানি
কান্ন তহিঁ উপনিত সহচর স্তবল সাজঘাত। ‘সংঘ’ শব্দ হইতে ইহার উৎপত্তি হইয়াছে।
‘ডাকাইত’, ‘সেবাইত (<সেবাবৃত্তক’ ?) প্রভৃতি শব্দের আদর্শে ‘সাজঘাইত’ < সাজঘাত >
সাজঘাত শব্দের উৎপত্তি হইয়াছে বলিয়া মনে হয়। ‘সংঘমিত্র’ শব্দটি এই সঙ্গে তুলনীয়।
শ্রীযুক্ত সুনীতিকুমার চট্টোপাধ্যায় মহাশয়ের মতে সাজঘাত, < সঙ্গ + আ(ই)ত [Origin
and Development of the Bengali Language, পৃঃ ৬৬৩]।

স্নলেহ, স্ননেহ

স্ননেহ (স্নলেহ) = সনেহ < স্নেহ ; স্ননাগর, স্ননাহ (< স্ননাথ) প্রভৃতি শব্দের
প্রভাবে এবং তৎসম ‘স্ন’ শব্দের অর্থের প্রভাবে ‘সনেহ’ ‘স্নলেহ’ হইয়াছে।

বিজ্জ

ব্রজবুলিতে গমনার্থক একটা ‘বিজ্’ ধাতুর প্রয়োগ আছে, যথা,—বিজ্জই, বিজ্জহ
ইত্যাদি। ইহা সংস্কৃত ‘বিজ্জ’ (= রাজার জয়ধাড়া) হইতে আসিয়াছে। তুলনীয় সংস্কৃত
‘বিজ্জয়স্বকাবার’, ‘বিজ্জয়রাজ্যে’ > প্রাচীন উড়িয়া ‘বিজ্জ রাজ্যে’। সংস্কৃত ‘ব্রজ্’ ধাতুর
সহিত ইহার কোন সম্বন্ধ নাই।

শ্রীসুকুমার সেন।

শ্রীহট্ট জেলার গ্রাম্য শব্দসংগ্রহ*

বঙ্গদেশের বিভিন্ন জেলার গ্রাম্য শব্দসংগ্রহের কাজ অনেক দিন হইতেই আরম্ভ হইয়াছে। প্রাতিঃস্বরণীয় ঈশ্বরচন্দ্র বিদ্যাসাগর মহাশয়ই সম্ভবতঃ ইহার প্রথম উদ্যোক্তা। বঙ্গীয়-সাহিত্য-পরিষৎ-পত্রিকার ৮ম বর্ষে তাঁহার সংগ্রহ প্রকাশিত হইয়াছিল। তাহার পরে উক্ত পত্রিকার পৃষ্ঠায় মধ্যে মধ্যে বঙ্গের ভিন্ন ভিন্ন জেলার পল্লীশব্দসংগ্রহ প্রকাশ পাইয়া আসিতেছে। এখনও সকল জেলার শব্দ সংগ্রহ হয় নাই। বাঙ্গালা ভাষার পক্ষে এটা অত্যন্ত আবশ্যিক কাণ্ড। মদীয় শ্রদ্ধাপদ অধ্যাপক শ্রীযুক্ত সুনীতিকুমার চট্টোপাধ্যায় মহাশয় একাধিক বার লেখা দ্বারা এবং মুখে ইহার প্রয়োজনীয়তা ব্যক্ত করিয়াছেন। তাঁহারই চেষ্টা এবং উপদেশে বিগত কিছুদিন যাবৎ কেহ কেহ শব্দসংগ্রহ কাজটা অনেকটা শৃঙ্খলাবদ্ধ ভাবে করিতে চেষ্টা করিতেছেন; ও তাঁহারই নির্দেশমত Sir G. A. Grierson সাহেবের Bihar Peasant Life-এর প্রণালীর অনুকরণে বাঙ্গালার পল্লীশব্দসংগ্রহ হইতেছে। ঐ প্রণালী বাস্তবিকই সুন্দর ও কাব্যিক। ঐ প্রণালীতে শ্রীযুক্ত রবীউদ্দীন আহমদ মোল্লা বেশ সুন্দররূপে মুর্শিদাবাদ জেলার কান্দী মহকুমার গীতগ্রামের শব্দ সংগ্রহ করিয়া সাহিত্য-পরিষৎ-পত্রিকার ৩৩শ ও ৩৪শ খণ্ডে প্রকাশ করিয়াছেন।

আমি শ্রীহট্ট জেলার গ্রাম্য শব্দ অনেক দিন যাবৎই সংগ্রহ করিতেছি; কিন্তু শব্দের তো সীমা নাই, কাজেই এখন পর্য্যন্ত যতদূর সংগ্রহ হইয়াছে, তাহাই প্রকাশ করিয়া দিলাম। আমার বর্তমান সংগ্রহ হবিগঞ্জ মহকুমার উত্তর ও পূর্ব এবং মৌলবীবাজার মহকুমার পশ্চিমদিকের গ্রাম্য ভাষার উপরই প্রধানতঃ প্রতিষ্ঠিত। তবে শ্রীহট্ট সদর এবং করিমগঞ্জ মহকুমারও কোন কোন গ্রামের শব্দ যতদূর সংগ্রহ করিতে পারিয়াছি, এখানে সন্নিবেশিত করিয়াছি। বর্তমান সংগ্রহেও যতদূর সম্ভব গ্রিয়ার্সন সাহেবের প্রণালীর প্রতিই দৃষ্টি রাখিয়া কাজ করা হইয়াছে।

শ্রীহট্টের উচ্চারণ প্রণালীরও কতকটা বিশেষত্ব আছে। সে সম্বন্ধে অল্পতালোচনা করিবার ইচ্ছা রহিল। সে জ্ঞান এখানে আর পৃথক ভাবে করা নিম্প্রয়োজন।

কৃষিকর্ম সংক্রান্ত শব্দ

১। জমির প্রকার ভেদ—

ভূই, থেং, জমি = চাষের ভূমি।

পতিত জমি, থিল = যে জমি পূর্বে কখনও চাষ করা হয় নাই।

বিচরা = বাড়ীর সংলগ্ন কসলাদি উৎপাদনের উপযুক্ত ভূমি।

টুমা = জমির টুকরা (যেমন এক কেরী টুমা) (ডুমা, বরিশাল)

২। সীমা,—

আইল=আলি (তুলনীয়—হিন্দী আর, আরি কিশা আরী ; আইল, আল—
গয়া ও মুন্সের জিলার বিহারী ভাষায়) ।

রাজ্ আইল=বড় আলি, যাহার উপর দিয়া লোক চলাচল করে
(তুলনীয়—রাজপথ) ।

খাল, নালা=খাল ।

বান, বাঙ্=বাধ ।

তেমনিয়া, তেমনা, তিকাটি (করিমগঞ্জ)=তিন সীমার মিলনস্থান ।

চৌমন্ডা (নিয়া), চৌমনি (না)=চারি সীমার মিলনস্থান ।

ধূর=দুই জমির ধানের মধ্যের ফাঁক ; দুই টিলার মধ্যের ছোট রাস্তা (ফেঁচুগঞ্জ) ।

। চাষের আসবাব পত্র—

লাঙ্গল ।

জুআল=জোয়াল ।

কুদাল=কোদাল ।

পাজুন, পাজইন=গোতাড়ন বৃষ্টি ।

চোকাম, মই=মই (৪ গিলবিশিষ্ট মই চোকাম, ৬ গিলবিশিষ্ট মই, শ্রীহট্ট সদর) ।

দড়া=মোটো দড়ি ।

খস্তা=মাটি খননের বস্ত্র, কুরপি (করিমগঞ্জ) ।

কুন্দ=ক্ষেত্রে জলসেচনের কাঠনির্মিত লম্বাকৃতি সেচনীবিশেষ ।

হেঅইং, হেঅং=জলসেচনের ত্রিকোণাকৃতি সেচনীবিশেষ (করিমগঞ্জ সদর) ।

৪। ফসল রক্ষা ও কর্তনের আসবাব—

ছেল, জাটা=অস্ত্রবিশেষ ।

উগার, টঙ্=বাঁশ প্রভৃতি দ্বারা নির্মিত ক্ষেত্ররক্ষকদের রাত্রিতে অবস্থানের
নিমিত্ত উচ্চ মঞ্চবিশেষ ।

টাক=শূকর প্রভৃতি পশু তাড়াইবার জন্য বংশাঙ্ক-নির্মিত শব্দকারী যন্ত্রবিশেষ ।

ছুলপি=লৌহনির্মিত সূক্ষ্মাগ্র অস্ত্রবিশেষ ।

কাচি=ধান কাটার অস্ত্র, কাস্তে ।

জুত=সরু দড়ি, ধান কাটার পর বাধিতে ইহা লাগে, (তুলনীয় পালি, যোস্তানি) ।

রাউজ্=দড়ি (করিমগঞ্জ ; <রজ্) ।

বেউ, বাঙ্=ধাত্ত বহনের বংশনির্মিত দণ্ড (করিমগঞ্জ সদর)

হজা=ধাত্ত বহনোপযোগী সূক্ষ্মাগ্র বংশদণ্ড ।

৫। চাষের কার্যে ব্যবহৃত জন্তু—

হাড়=বাঁড় ।

ঘিচাল, ভুলুয়া (করিমগঞ্জ অঞ্চল)=লড়াই করাইবার জন্তু যে বাঁড় পোষা হয় ।

বলদ, দামা=বলদ ।

দামা ছাঁও = ছোট বলদ।

ডেকা = বুধ।

ডেকী = প্রসবের পূর্বপ্যন্ত গাভীকে ডেকী বলা হয়।

বাঞ্জিয়া ডেকী = বন্ধ্যা ডেকী।

বয়রা, ভইস্, মইষ = মহিষ।

কাক্‌নি = স্ত্রীমহিষ।

৬। কৃষির সরঞ্জামের অংশভেদ—

লাঙ্গলের বিভিন্ন অংশ—

ইশ্ = লম্বা কাঠখণ্ড।

ফাল = শোহনির্মিত দারাল ছোট কোদালের মত, যাহাবারা ভূমি কর্ষণ হয়।

জোয়ালের বিভিন্ন অংশ—

হটল, হলি (করিমগঞ্জ) = সলি।

হাড়কি = জোয়ালের মধ্যস্থিত ক্ষুদ্র কাঠ কিদা বংশখণ্ড।

আন = জোয়ালের মধ্যের লাঙ্গল আটকাইবার দড়ি।

৭। কৃষিকৰ্ম ও কৰ্মী,—

হাল তোলন লামামি = শুভ দিন দেখিয়া প্রথম হাল চালন করা। ঐদিন পূজাদিও হয়।

হাল বাওয়া = চাষ করা।

বাইন করা = বপন করা।

পালট = লাঙ্গলের লম্বা লম্বা আঁকিত রেখা।

চাদেওয়া = চাষ করা।

হালুচা = কৃষক, চাষা।

চা (হ্) = চাষ। ইহাকে সাধারণতঃ রোজ রোজ পয়সা দিয়া চাষ করাইতে হয়। পাদ্য দিতে হয় না। যাহাদিগকে পাদ্য দিতে হয় ও মাহিনা দিতে হয়, তাহাদিগকে 'হালুচা' বলে।

বাছা উল = যাহারা জমির আগাছা বাছিয়া ফেলে।

বাইন উমামি = বপন শেষ করিয়া মই দিয়া ক্ষেত সমান করিয়া দেওয়া।

বাইন বাত্‌নি = ক্ষেতে জল জমাইয়া ২০ দিন আবদ্ধ রাখিয়া অল্প খাল ও তৃণ পচাইয়া জমি শস্ত বপনের উপযোগী করা।

কাম্‌লা = কৰ্মী।

রাখাউল, রাখুয়াল, রাখাল = গোব্বার রাখাল।

বালা = বদল কৰ্মী (একজনের সাহায্যে অল্প জন কাজ করিলে উপকৃত ব্যক্তি নিজে আবার সমান পরিশ্রম করিয়া তাহা শোধ করে,—এই প্রথাকে 'বালা' বলা হয়।

অজ = বদলী ; গরু কিদা মাছুষ উভয় ক্ষেত্রেই 'অজ' হইতে পারে। 'বালা' শুধু চাষের বেলায় হয় ; কিন্তু 'অজ' সাধারণ পরিবর্তন অর্থে ব্যবহৃত হয়। (যেমন, চাউল আজাইয়া আন)

বারি = পালা (জমির পাহারা দিবার) ।

রাখালি = মাঠের ক্ষেত পাহারা দেওয়া ।

পরদেও = পাহাড়ের ক্ষেতে রাখে পাহারা দেওয়া ।

মড়ল, পাটাদার (করিমগঞ্জ) = মণ্ডল, কৃষকেরা শস্ত বাড়ীতে লইয়া যাওয়ার পূর্বে যে জমিদারের খাজানা আদায় করিয়া লয় ।

কাটাউল = যাহারা পয়সা লইয়া ধান কাটে ।

দাওয়াউল = যাহারা পারিশ্রমিকের পরিবর্তে ধানই লয় (তুলনীয়—দাওল, বরিশাল)

দাওয়া = ধানের জন্ত ধান কাটা । তুলনীয়—পরম ইচ্ছাএ ধার আনিব দাইআ (শুভপুরাণ) ।

লুড়াউল = যাহারা ধান কাটা হইয়া গেলে পরিত্যক্ত ধান সংগ্রহ করিয়া দেয় ।

ইংরেজী—Gleaner (লুড়া = কুড়ানো ধান, gleanings ; তুলনীয়—লোচী, চম্পারণ জেলা)

মাড়া দেওয়া = গোবর সাহায্যে ধান গাছ হইতে ধান পৃথক করা ।

উয়ানি = বাতাসের সাহায্যে আবর্জনা হইতে ধান পৃথক করা ; ইংরেজী—winnowing.

বীচধান = বীজের ধান ।

হালি = অঙ্কুরিত ধানের গাছ; স্থানান্তরে রোপণের জন্ত যাহা জন্মান হয় ।

হালি বিচরা = যে স্থানে হালি জন্মান হয় । (বিচরা—দক্ষিণ ভাগলপুরে) ।

চুচা (ধান) = যাহার সার নাই ও কখনও অঙ্কুরিত হয় না । (তুলনীয়—চিটা বরিশাল) ।

আটি, আটি, আটা = ধানের আটি ।

আবার = আটির অংশবিশেষ ।

(হালি) রুআ = ধানরোপণ ।

রুআউল = রোপণকারী ।

(ধানের) পারা = একত্র সাঝানো কাটা ধান ।

চেরী, তুপ (করিমগঞ্জ) = ধানের গুপ ।

খের = খড় ।

তুষ, চুকন = চাউলের বাহিরের আবরণ ।

ধান্তের বিভাগ

বাট = ক্ষেত্রবাসী ও চাষার মধ্যে বিভাগ (তুলনীয়—বাট, চম্পারণ ও গয়া)

ভাগী জমি, বাগী = যে জমির কর শাস্ত দ্বারা দিতে হয় । কিন্তু যে জমির কর মূল্য দিতে হয় তাহাকে ‘খাজনাই জমি’ বলে ।

চুকি বাগী = যে জমির কর স্বরূপ নির্দিষ্ট পরিমাণ ধান দিতে হয় ।

আধিয়া বাগী, আদ্যা(ধ্যা) আধা = যে জমির ধান অর্ধেক ভূস্বামী ও অর্ধেক কৃষক পায় ।

তেভাগী = যে জমির ফসল $\frac{১}{৩}$ জমিদার ও $\frac{২}{৩}$ কৃষক পায়।

চৌধাই = যে জমির ধান $\frac{১}{৩}$ জমিদার ও $\frac{২}{৩}$ কৃষক পায়।

কেওয়াল, কেআল = যে ধান ওজন করে।

পরিমাণের দ্রব্য

সে(হে)র, পুরা, কাটি, পালি, ভূতা, পাইলা।

বীজবপনের প্রকার ভেদ

ধল্যা বাইন = শুষ্ক জমিতে (ধূলির মধ্যে) বীজবপন।

পেকী বাইন = কাদার মধ্যে বীজবপন।

ছিট(টা) মারা = উপযুক্ত রূপে চাষ না করিয়াই বীজ ছড়াইয়া দেওয়া (ভুলনীষ—
ছিট্টা, ছিটুআ, বিহার)

ধানের প্রকারভেদ

আড়াই, দুমাই = দুইমাস কিম্বা আড়াই মাসে যে ধান্য উৎপন্ন হয় অর্থাৎ চৈত্র হইতে
জ্যৈষ্ঠ মাসের মধ্যে।

চেংরি = চৈত্র—আষাঢ়, এই ৩ মাসে হয়।

কাতারি = অগ্রহায়ণ মাসে হয়। কাতারি নানা রকম যথা,— লাকি; বাজাই;
বাদাল—১। বুয়া বাদাল। ২। মৃগ বাদাল। কাতি-বাগদার; বিরইন; ছিরমইন।

আমন—আমন ধান নানা প্রকারের, যথা—কচু; মাটিয়া; লাল; কালা; সুনার
টেকই; গড়িয়া; উকলা; মেতি; পরিভুক; চপানি; জুয়াল ভাঙ্গা।

বিরইনের প্রকারভেদ,—কাতি; সুন্য; পুটি; বন্দা; কালি।

কাইল—ইহা নানা প্রকার, যথা,—লাটি বা লাট্যা সা(হা)ইল; ঠাকুরভোগ; বাইজন
বীচি; কালিজিরা; মেতি চিকণ; বীর পাক; ছ(ধ)রাজ; বালাম; ভেড়া পাওয়া
(করিমগঞ্জ); সায়েব সা(হা)ইল; বুয় ধান; টুপা বুয়; থইয়া বুয়।

মহুয়াদেহ

মুড়ি, মুড় = মাথা।

খিক(রা) = মস্তিষ্ক।

চউথ = চক্ষু।

থুতা = চিবুক।

রগ = শির।

বুনি = স্তন, স্তন্য।

চুপা = মৃগ (নিন্দাথে) [চুপাকরা = মৃগে মৃগে উত্তর দেওয়া]।

আটু—ইটু (আসামী—আঠু)।

মুড়া—গোড়ালি।

নাই—নাভী।

খাড়—কাঁধ।

উরাং—উরু।

লাইড় = নিতম্ব ।

ড্যানা = বাহ ।

মাড়ইল হাড় বা মাড়ল্যা = মেরুদণ্ড ।

কৈলজা = হৃৎপিণ্ড ।

করটু = পার্শ্ব ।

চল্‌না, চন্না = কপালের পার্শ্ব ।

সদ্ব্যবহারিক শব্দ

ছাইলা ; ছালিয়া ; পুলা ; পুরা ; পুত = ছেলে ।

মুনি = গুরুষ্য ।

পরি ; কৈন্যা ; বেলা, বি ; মাইয়া = মেয়ে ।

আবু = খোকা ।

আবুদিয়া, আবুদ্যা = অবোধ শিশু ।

দুহ = দিদি ।

সাতাইমা বা হাতাইমা = সৎমা, বিমাতা ।

সতি পুত, হতি পুত = সপত্নী পুত্র ।

সতি বি = ঐ কন্যা ।

পিআ = পিশা [পিশা > * পিহা > পিআ]

পী, পু = পিলী [পিলী > পিহী > পী]

মই, মসি = মাসী ।

মৌআ = মেসো । তুলনায়—মাউসা (বরিশাল)

খুড়া = কাকা

পুতি = গ্রাম্য নিম্নশ্রেণীর বয়োজ্যেষ্ঠ ও পিতার সঙ্গে ভ্রাতৃত্বাপন্ন ব্যক্তি ।

দাদি = নিজের ভ্রাতৃত্বাপন্ন বয়োজ্যেষ্ঠ গ্রাম্য নিম্নশ্রেণীর ব্যক্তি ।

দেওর = দেবর ।

ভাউর = ভাস্বর ।

দেওরকর = দেবর পুত্র ।

দেওর কৈলজা = দেবর কন্যা ।

ভাউরকর = ভাস্বর পুত্র ।

ভাউর কৈন্যা = ভাস্বর কন্যা ।

হোর = হুগর (হুগর > * হুহর > হুউর > হোর)

হরী = শাওড়ী (শাওড়ী > * হাওড়ী > হাউড়ী > হরী)

নাতি, নাতন = নাতী, নাতী ।

মাউগ = জী (পালি অর্থে)

মাউগা = জীর বশীভূত ব্যক্তি ।

কনয়ী = বামীর কোঠা ভগিনী ।

ননন্দ (ননন্), নন্দ = স্বামীর কনিষ্ঠা ভগিনী ।

জাল = জা ।

কাচা পোয়াতি = নব প্রসূতি ।

কাকু (আহ্লাদার্থে) = কাকা ।

নয়া (নওয়া) বউ = নববধূ ।

শালা (হালা) = শ্রাণক ।

শালী (হালী) = শ্যালিকা ।

ভৈ (বৈ) নারী = সহ ।

ভৈন = ভগ্নী ।

খুড়ন = খুড়ী (করিমগন্ধ প্রভৃতি স্থানে) ,

জেঠন = জেঠী ।

স্বামী, হাই (= সাই) = স্বামী ।

তিরী = ত্রী (প্রাচীন বাঙ্গালায়ও 'তিরী') ।

ঘর বাড়ী

দশান = দালান ।

বড় ঘর = বাড়ীর কর্তা গৃহিণী যে ঘরে বাস করেন ও যেখানে মূল্যবান দ্রব্যাদি থাকে ।

লাকারী ঘর, কাচারী ঘর = বৈঠকখানা ।

ঠাকুর ঘর = দেবতার ঘর । তুলনীয়—গৌসাই ঘর (বরিশাল) ।

টঙ্গী ঘর, আটচালা = বাড়ীর বাহিরের বড় ঘর ।

মাওব = ক্রীহটে সাধারণতঃ ছুর্গা ও চণ্ডী পূজার ঘরকে মাওব ঘর বলে ; তুলনীয় মণ্ডপ (বরিশাল) ।

রসই ঘর = পাকের ঘর ।

একচালা ; দুচালা, দোচালা ; চৌচালা = ঘরবিশেষ ।

চবুতারা (চবুতরা = চত্বর) রোয়াক

আলং, ছায়ালা, ছাপটা, মাড়োয়া (ফেটগঞ্জ) = উৎসবাদি উপলক্ষে ২৪ দিনের কাজ চালাইবার জন্য অস্থায়ী ঘর । তুলনীয় ছাপরা (বরিশাল), ছাবরা, ছায়ালা (ফরিদপুর-কোটালিপাড়া) ।

গুয়াইল ঘর, গরুঘর = গোশালা ।

গৃহনির্মাণের সরঞ্জাম

চাল = চালা ।

পালা = খুঁটি ।

ছন = উলুখড় ।

বাশ = বাশ ।

রুজা = এক জাতীয় ছোট বাশ ।

ইকর, বাতা = বাহা ঘারা বেড়া দেওয়া হয়। তুলনীয়—আসামী ইকরা।

মাড়ইল = ঘরের চালের নীচে লম্বালম্বি যে বাশ থাকে।

তীর, ঠাউকরা = ঘরের চালের নীচের বংশখণ্ড।

বাকা = বাকা বা তেরছা বংশখণ্ড।

কোঞ্চি = সরু বাশ।

চিকা = ঠেকা।

খাপ = বাথারি।

বরুগা = বরগা।

চটা = পাতলা বাথারি।

বেত = বেত্র।

খালি = বেত তৈয়ার করিবার উপযুক্ত বাশের টুকরা।

পুতা (= পোতা) = ঘর তোলার পূর্বে ঘর তৈয়ারের উপযোগী উচ্চ ভূমি।

ভিটা = যে ভূখণ্ডে বাসগৃহ নির্মিত হয়।

উমারা, উছরা; হাইতনা; ধাইর = বারান্দা।

পুলি = ঘরের কোঠা। (আসামীতেও)

উগার = ঘরের মধ্যে জিনিষ পত্র রাখিবার মাচা। তুলনীয়, উগৈর (কোটালিপাড়া)

উধৈর, হাপার (বরিশাল)।

চাকী = বাশের চটা প্রভৃতি দ্বারা নির্মিত পুস্তকাদি রাখিবার মাচা।

চাক = কাঠ প্রভৃতি রাখিবার মাচা।

থাকু = জিনিষপত্র রাখিবার মৃত্তিকা কিংবা কাষ্ঠনির্মিত সিঁড়ি।

ছেইচ, ছাইচ = বৃষ্টি হইলে যেখান দিয়া ঘরের চালের জল পড়ে।

পঘব = ছেইচ এবং বারান্দার মধ্যস্থান।

চান্দর, গজ = ঘরের প্রস্তের দিকের পার্শ্ব।

কানি, বাজু = কিনারা।

ঝাপ = একজাতীয় বেড়া।

বেড়, বেড়া = বেড়া।

টাটি = এক জাতীয় বেড়া, ঝাপ। (কোন কোন স্থানে পায়খানা অর্থেও হিন্দুস্থানী

‘টাটি’ শব্দ ব্যবহৃত হয়)।

রন্ধন বিষয় শব্দ ও গৃহস্থালীর তৈজসাদি:

রসই (রসুই) ঘর = রান্নাঘর।

পাখাল, চুলা = উছন। তুলনীয় আখা (ফরিদপুর-কোটালিপাড়া) আঁহাল (বরিশাল,

< পাকশালা)।

পাতিল = মাটির হাড়ি।

তসলা = পিতলের হাঁড়ি ।

ডেগ = পিতলের বড় হাঁড়ি ।

কড়াই = কড়া ।

হাতা = হাতা, দরবী ।

বাউলি = বেড়ী (তুলনীয়—বাওলী, ফরিদপুর-কোটালিপাড়া) ।

খস্তা = খুস্তি ।

পিড়া = উল্লুনের উপরের মাটির উচ্চ শৃঙ্গত্রয় ।

লাকড়ি, খড়ি, দারু = জালানী কাঠ (খরি, আসামী)

দেড়িয়া (দেয়িয়া) হওয়া = হাড়ির একদিকে ভাত কম ও একদিকে বেশী সিদ্ধ হইলে 'ভাত দেড়িয়া হওয়া' বলে ।

টানান = মাছ প্রভৃতিকে অল্প ভাজা করিয়া রাখা ।

সাতলান = তরকারির মধ্যে জল দেওয়ার পূর্বে মশলা দিয়া নাড়িয়া একটু ভাজার মত করা ।

সস্তার দেওয়া = উত্তম তৈল কিম্বা ঘূতে পাচফোড়ন লক্ষা প্রভৃতি দিয়া ভাল প্রভৃতি ঢালিয়া দেওয়া ।

পাটা = শিল ।

পুতাইল = নোড়া (তুলনীয়—পুতা বরিশাল, ফরিদপুর-কোটালীপাড়া) ।

ছিক্কা = শিক্কা ।

পিড়ি, পিড়া = পিড়ি ।

খাল = খালা ।

গেলাস, গলাস, গল্লাস = গ্লাস ।

কাচন = ছোট বাটী ।

লুটা = ঘটী ।

খাদা = পাথর বাটী ।

পাথৈর, পাথুর = পাথরের খালা ।

ঘুটনি = কাঁটা ।

মালসা = পিতলের ।

মটকি(কা), হাড়া = বড় মাটির হাঁড়ি ।

পাতিল = ছোট হাঁড়ি ।

ডালিয়া = মাটির মালসা ।

কাই = মাটির পাত্রবিশেষ ।

মুছি = খুরির আকারের পাত্র, প্রদীপরূপে ব্যবহৃত হয় ।

ঘটি = ঘটী ।

চাটা = প্রদীপ দেওয়ার ।

কটরা, কট্টা = কোটা ।

গাছা, ঠনা = প্রদীপ রাখার জন্য কাষ্ঠ কিম্বা মৃত্তিকা-নির্মিত উচ্চ পিলহুজ ; অস্ত্র—
দেবখুয়া, দেউখা ।

টুকরি ; আঙুল ; উড়া ; উড়ি = বুড়ি ; তুলনীয় আটগেল (বরিশাল, ফরিদপুর) ।

ধুটেন, ধুচনি = ধুচনি ।

চাটলেন = চাটলনি ।

কলা = কুলা, কুলা ।

খলৈ, ডুলা, কাকরাল = মাছ রাখার পাত্র ।

পেটেরা, আপি = পেটা ।

পুরা = ধান মাপের পাত্র-বিশেষ ।

সে (হে) র = ঐ ছোট ।

চৈতা

হরইন = ঝাঁটা ।

খাদ্য দ্রব্য

আলা চাউল, আলুয়া = আতপ তুলা ।

উনা = সিদ্ধ চাউল (<উক) ।

আখল = টক ।

ডাইল = ভাল ।

তরকারী, বেছুন, বেঙ্গন = বাঙ্গন ।

চব্বচরিয়া, চর্চরা, তব্বতর = ঝাল তরকারী ।

আনাঙ্গ = অপক তরকারী ।

ককর, কউরা, কক শুকনা ঝাল ।

শুকানি, শুকং = শুকতানি ।

হাও, হাগ = শাক ।

খুদের (= খুদর) জাউ = খুদের তৈয়ারী ভাত । তুলনীয়—সাত হাড়ী মোহা বীর খায়
খুদ জাউ (কবিকল্প ১ম খণ্ড, ১৪৫ পৃঃ) ।

জাউ = শ্রীহট্ট সহর ও তন্নিকটস্থ স্থানে প্রাতর্ভোজন মাত্রকেই জাউ বলে ।

পানিভাত = জলভাত

বাই ভাত, কব্বকরা ভাত = বাসিভাত ।

লাব্‌ড়া = নিরামিষ ডালনা, ইহার প্রধান উপাদান লাউ ।

রসর জাউ = আখের রস দিয়া প্রস্তুত অন্ন । মিষ্টান্ন ।

পরমর = মিষ্টান্ন ।

পুলাও = পোলাও ।

পিটক-ভেন—খুরি ; মাল্পা ; পাটা-হা (সা)প্‌টা ; চই পিঠা ; ছধ পুলি ; সিদ্ধ পুলি ;
খোলা (খুলা) পিঠা ; উনা পিঠা (<উক) ; পাইতলা, কটা, তসলা ; চুকা পিঠা =
একজাতীয় বাঁশের সাহায্যে ইহা প্রস্তুত হয় ; কাছনি পিঠা ।

লালিগুড় = একক্কারীয়া পাত্‌লা গুড় ।

উকরা = গুড়মিশ্রিত চিড়া অথবা খই (মুড়কি) ।

পাগ দেওয়া = খে চিড়া প্রকৃতি উত্তপ্ত গুড়ে রাখান ।

লাড়ু = মোআ ।

সেওয়াই = ভাল ও গুড়দ্বারা প্রস্তুত মিষ্ট খাদ্যবিশেষ ।

কলাইর সন্দেশ = কলাইর সন্দেশ ।

ভকতি = নারিকেল দ্বারা তৈয়ারী মিষ্ট খাদ্য ।

চিরা জিরা = নারিকেল দ্বারা তৈয়ারী চিড়া জিরা ।

তরকারী ও ফল

আনাঙ্গ = তরকারী ।

বাইজন, বাজইন (মুসলমান) = বেগুন ।

পাতি লাউ = কচু (মুসলমান) = লাউ ।

স(হ)পরি লাউ = মিষ্ট কুমড়া ।

উদাইয়া = উচ্ছে ।

করলা

ঝেজা = বিজা ।

উরি = সিম ।

ফান = মানকচু ।

মুখি = কচুর মুখি; অঙ্গুর ।

ডেজা, ডুগি = ডাটা ।

হআ, থিরা = শশা ।

কুস্তাইর, কুশিয়াইর, কুশার = আক ।

কয়ফল = পেপে ।

ছিমায়

বাজী = ফুটি ।

জামীর = কমলা ।

লেছু = লেবু ।

তেতই, আমলি = তেঁতুল ।

চৈলতা = চালতা (—অউ, আসামী)

আনানাস = আনারস

জাহুরা = বাতাবি লেবু । তুলনীয়, ছোলম (বরিশাল)

ডেফল

টকুই, লুকলুকিয়া ।

কাঠাল = কাঠাল ।

কাউ = ফলবিশেষ ।

ভেউয়া = ফলবিশেষ

করচ, করকা = ঐ

কামরেকা, কাপরেকা = ঐ

পিষ্টি, পিস্টি = ঐ

আমড়া = ফল ; তুচ্ছার্থেও ব্যবহার হয়।

ভুবি = ফল বিশেষ। (= লটকা, ফরিদপুর)।

স(হ)পরি = পেয়ারা।

বরই = কুল।

কলার প্রকারভেদ—

কলা,—

ডিক্কামাণিক

লম্বী = শাইল কলা।

চাম্পা কলা = চাপা কলা।

আগ্নি চাম্পা

জাজী কলা

ভূষা শা (—হা) ইল }

ঐ লম্বী }

গেরা কলা

পূজার জিনিষ

তামার টাট।

রিকাব (রিকাবি) } পিতলের ছোট থালি।

টাটী

ছিপ কুশা = কোষা কুশী।

ধূপতি = ধূপের পাত্র।

চাটা = প্রদীপ।

সইলতা, হি(সি)জ = সলিতা।

নবিদ, নবিদি, চাউল পসাদ = নৈবেদ্য।

ছেপায়া = তেপায়া (কলিকাতা প্রভৃতি অঞ্চলে), নৈবেদ্যের থালা রাখার ত্রিপদ-
বিশিষ্ট গোল টুলবিশেষ।

নৌকা ও তাহার সরঞ্জাম

ছরমদান = সরঞ্জাম।

নাও = নৌকা।

চৈর, লগি।

বৈঠা।

দাড়ি ।

ম, মা) জুল

ডাণ্ডি = পালের দণ্ড ।

পাল ।

ডাণ্ডি দড়ি ।

হেওইং, হেওং = সেউতি ; “কাঠের সেউতি মোর হৈলা অষ্টাপদ” — অন্নদামঙ্গল ।

উ(হ)কা = ছঁকা ।

কক্কি = কক্কে ।

তামাউক, তামুক = তামাক ।

টিকা, টিকি = টিকিয়া ।

আলা, আলিয়া ।

তুষ ।

চুকল ।

লেম্‌টন = লঠন ।

চাটি = নল কিথা মৃত্তার তৈয়ারী ।

ছইয়া, ঘুম্‌টি = নৌকার উপরের আচ্ছাদন ।

কেওর = দরজা ।

ধাপর = পার্শ্বের আচ্ছাদন ।

নাওর তলি = নৌকার নিয়ন্ত্রণ । তুলনীয়, নাব্‌র তলি (আসামী)

ভাটোল, ভাইটল = পিছনের আচ্ছাদন ।

দাড়গনা = দাঁড়ের ত্রিকোণাকৃতি কাঠ ।

হরই = দাঁড়ের দড়ি ।

চরাট = নৌকার ভিতরের আচ্ছাদন । (উপুর চরাট, মুর চরাট) ।

মাচাইল = বাহিরের চরাট ।

গলই, ছেও ।

চণ্ডীপাট ।

বাতা ।

পাতাম = চেপ্টা লোহা ।

পেরাগ = পেরেক ।

গালা, নাওয়ের গালা ।

গুড়া ।

গেরাবি, নঙ্গর ।

গুণ = দড়ি ।

পাড়া = নৌকাবন্ধনের কাঠ কিবা বংশদণ্ড ।

বাইছা = নৌকা চালক । (আসামীতেও)

বাইছ = নৌকাদৌড় ।

শ্রীকৃষ্ণগোবিন্দ গোস্বামী

কাশীনাথ বিদ্যানিবাস*

কাশীনাথ বিদ্যানিবাস নিজে একজন বড়লোক ও বড় পণ্ডিত ছিলেন। তাঁহার পূর্বপুরুষেরাও বেশ বড় লোক ছিলেন। তাঁহার বংশেও অনেক বড়লোক জন্মিয়া গিয়াছেন। তিনি যে বংশে জন্মগ্রহণ করেন, তাহার নাম আখণ্ডল বংশ। রাষ্ট্রীয় সমাজে আখণ্ডলেরা আদি বংশজ। বল্লালের সভায় ষাঁহার কুল পাইয়াছিলেন, আখণ্ডল তাঁহাদেরই একজনের প্রপৌত্র। ইনি কেন কুল হারাইয়াছিলেন, ঘটকেরা তাহা বলিতে পারেন। কুল হারাইয়া তাহাদের বিবাহ দিতে কষ্ট পাইতে হইত বটে, কিন্তু তাঁহার মান হাবান নাই। বঙ্গদেশে একটা কথা চলিত আছে,—‘বঙ্গে আখণ্ডল: পূজ্য:’ ইহার কারণ, এই বংশে অনেক অসাধারণ ধনী ও অসাধারণ পণ্ডিতের উৎপত্তি হয়।

ইহাদের আদি বাসস্থান ছিল—মধ্যমগ্রাম বা মাঝের গাঁ। লোকে সকালে এই গ্রামের নাম করে না; বলে,—করিলে সেই দিন আহাঁর জুটে না। কারণ আখণ্ডলেরা অত্যন্ত রূপণ ছিলেন—অতিথিদের আদৌ সংকার করিতেন না। অনেক সময় অতিথিরা বিপ্রহরে আসিয়া ফিরিয়া গিয়াছেন। এখন কিন্তু সেই গ্রামে আখণ্ডল আর নাই বলিলেই হয়। তাঁহাদের দৌহিত্র-বংশে সেই গ্রাম ছাইয়া গিয়াছে। আখণ্ডলদের আদিস্থান মাঝের গাঁ হইলেও ইহারা নবদ্বীপেই টোল করিতেন। কেহ পুরী, কেহ বা কাশীতেও বাস করিতেন। একঘর আখণ্ডল লোহাগড়াতে (যশোহর) সম্মানে বাস করিতেছেন। নলডাঙ্গার রাজারা আখণ্ডল-বংশের লোক। তাঁহারা বহুকাল হইতে বঙ্গদেশে সম্মানিত হইয়া আসিতেছেন। লোকে বলে—‘দানে কৃষ্ণনগর, মানে নলডাঙ্গা।’

রত্নাকর বিদ্যাচম্পতি মহাশয় বাঙ্গালার প্রসিদ্ধ প্রথম নৈয়ায়িক বাস্তবদেব মূর্খভোমের ভাই। তিনি নিজেও খুব পণ্ডিত ছিলেন এবং পঠন-পাঠন লইয়াই থাকিতেন। বাঙ্গালার সুলতানেরা ও সুবেদারেরা তাঁহার পায়ে নমস্কার করিতেন। তাহাতে তাঁহার পায়ের নখ মুকুটের হীরার রংএ রঞ্জিত হইয়া যাইত। তাঁহার পুত্র কাশীনাথ বিদ্যানিবাস। ইনি নানাশাস্ত্রে পণ্ডিত ছিলেন এবং নানাশাস্ত্রে গ্রন্থ রচনা করিয়া গিয়াছেন। ইনি কবিচন্দ্র নামে একজন কায়স্থকে বাড়ীতে রাখিতেন এবং তাঁহার দ্বারা পুণ্য পুথি নকল করাইয়া লইতেন। ১৫৮৮ সালে কবিচন্দ্র তাঁহার জ্ঞাত লক্ষ্মীধরের কৃত্যকল্পতরুর এক অংশ নকল করেন। সে পুথিখানি এখন ইণ্ডিয়া অফিসের লাইব্রেরীতে আছে।

বিদ্যানিবাস এইরূপে অনেক পুথি নকল করাইয়াছিলেন। তাঁহার একটা বেশ ভাল লাইব্রেরী ছিল। তাই তিনি ও তাঁহার পুত্রেরা অনেক বই লিখিতে পারিয়াছিলেন। বাঙ্গালায় তাঁহার প্রধান কীর্তি—মুন্সিবোধ্য ব্যাকরণ চালান। মুন্সিবোধ্য ব্যাকরণের উৎপত্তি হইয়াছে—দেবগিরিতে—মহারাত্রিদেশে। যখন হিন্দুহানে মুসলমান অধিকার হইয়া

গিয়াছে, দাক্ষিণাত্যে একেবারেই হয় নাই, সেই সময় বোপদেবের বাপ কেশব রাজার ছাউনিতে প্রধান চিকিৎসক ছিলেন। বোপদেব সেই ছাউনিতে বসিয়া অনেক গ্রন্থ লিখিয়া গিয়াছেন। তিনি মুক্তবোধ লিখিলে চারিদিকে ঐ গ্রন্থের পসার হইয়া উঠে। এক সময়ে এমনও বোধ হইয়াছিল যে, মুক্তবোধই ভারত ছাইয়া বাইবে। কিন্তু তাহা হইল না; কারণ, ব্রাহ্মণদের ভিতর একটা সংস্কার আছে যে, যে বাড়ীর যে ব্যাকরণ সেই বাড়ীর সব ছেলেই সেই ব্যাকরণ পড়িবে। যদি না পড়ে তবে ব্যাকরণ-সরস্বতী কুপিত হন এবং তাহাদের ব্যাকরণে সংস্কার হয় না।

যখন সংস্কার এতই দৃঢ় তখন আমাদের দেশের প্রচলিত ব্যাকরণগুলি সরাইয়া দিয়া নবদ্বীপের মত পণ্ডিতবহুল স্থানে, এমন কি, গঙ্গার দুই ধারেই, মুক্তবোধ চালান যে কি কঠিন কাজ, তাহা সহজেই অসম্ভবমান করা যাইতে পারে। মুক্তবোধের যে সব টীকা প্রচলিত আছে, সকলেই বিদ্যানিবাসের টীকার দোহাই দেন। কেহ বলেন,—তিনি আদি টীকাকার; কেহ বলেন,—তিনি প্রাচীন টীকাকার; কিন্তু ছুংখের বিষয় আমরা এখন পর্য্যন্ত তাহার টীকা পাই নাই।

ওড়ৈদার ঘোষালদের আদিপুরুষ মুক্তবোধের টীকাকার রাম তর্কবাগীশ একজন বড় শাস্ত্রিক ছিলেন। শব্দশাস্ত্রে তাহার অনেক বই আছে। একখানি প্রাকৃত ব্যাকরণ আছে, অগ্র অগ্র গ্রন্থও আছে। কিন্তু তাহার প্রধান কীর্তি মুক্তবোধের টীকা। তিনি এই টীকার গোড়ায় লিখিয়াছেন,—

পরেহত্র পাণিনীয়জ্ঞাঃ কেচিৎ কালাপকোবিদাঃ।

একে বিদ্যানিবাসাঃ স্মারন্যে সংক্ষিপ্তসারকাঃ ॥

তিনি বিদ্যানিবাসকে পাণিনি, সর্ববর্ষা ও ক্রমদীপ্তরের গ্রন্থ একটা মতপ্রবর্তক বলিয়া মনে করিতেন এবং তাহাকে তাহাদের সঙ্গে সমান আসন দিয়া গিয়াছেন। বিদ্যানিবাসের একরূপ আসনপ্রাপ্তির একমাত্র অধিকার তাহার রচিত মুক্তবোধের টীকা। অগ্র ব্যাকরণে এবং অগ্র শাস্ত্রেও বিদ্যানিবাসের অধিকার ছিল। বিদ্যানিবাসেরই তুল্য কালে ভট্টোজ দীক্ষিত পাণিনির সূত্রগুলি বিষয়ানুসারে সাজাইয়া সিদ্ধান্তকৌমুদী নামে একখানি ব্যাকরণ লেখেন। উহার অর্থ এই যে, উহাতে কেবল সিদ্ধান্তগুলি দেওয়া আছে। সে সিদ্ধান্ত কাহাদের? ব্রাহ্মণদের। পাণিনির যে সকল বোধ টীকাকার ছিলেন, ভট্টোজ দীক্ষিত তাহাদের সিদ্ধান্ত গ্রহণ করেন নাই; কেবল পাণিনি, কাত্যায়ন ব্যাড়া, পতঞ্জলি, ভর্গুহরি ও কৈয়ট প্রভৃতি ব্রাহ্মণদিগের সিদ্ধান্তগুলি তাহার পুস্তকে লিখিয়াছেন। এই জন্ত তাহার পুস্তকের নাম হইয়াছে—সিদ্ধান্তকৌমুদী। ভট্টোজ নিজেই এই সিদ্ধান্তকৌমুদীর একখানি টীকা লেখেন; তাহার নাম ‘প্রোচুমেনোরমা’। ভট্টোজ দীক্ষিতের ছাত্র বরদরাজ সিদ্ধান্তকৌমুদী ছাটিয়া ভিন্ন ভিন্ন শ্রেণীর তিনখানি পুস্তক লেখেন। একখানির নাম ‘লঘুকৌমুদী’ আর একখানির নাম ‘মধ্যকৌমুদী’ আর একখানির নাম ‘সারকৌমুদী’। ইহাদের মধ্যে একখানি নিতান্ত ছোট। বাহার ব্যাকরণ আরম্ভ করিতেছে, তাহাদের জন্য একখানি; বাহার ব্যাকরণে কিছু দখল হইয়াছে তাহাদের জন্য আর একখানি।

সিদ্ধান্তকৌমুদীর যে মনোরমা টীকা ছিল, রামচন্দ্র শর্মা শিবানন্দ ভট্ট বা শিবানন্দ গোস্বামীর অহুরোধে তাহা হইতে বাছিয়া লইয়া এবং নিজের মত যোজনায় কারিয়া মধ্যকৌমুদীর এক টীকা লেখেন; তাহার নাম মধ্যমনোরমা এই বইখানি রামচন্দ্র বিদ্যানিবাসের নামে উৎসর্গ করেন। যে ভাবে উৎসর্গ করেন, তাহাতে বোধ হয়, বিদ্যানিবাস তাহার গুরু ছিলেন। তিনি লিখিয়াছেন,—

কণ্ঠে বিদ্যানিবাসস্ত স্থিতা মধ্যমনোরমা ।

গোস্বামী শ্রীশিবানন্দো মৃতং বিতল্লতাং সদা ॥

ইহা হইতে স্পষ্ট বুঝা যায়, বিদ্যানিবাস সে সময়ে একজন মস্ত বড় পণ্ডিত ছিলেনর কিন্তু ছুঃখের বিষয় কিছুদিন পূর্বে পর্য্যন্ত আমাদের দেশের বর্তমান শিক্ষিত সম্প্রদায়ের মধ্যে তিনি সম্পূর্ণ অপরিচিত ছিলেন। ১৮৭৭ সালে রাজেন্দ্রলাল মিত্র মধ্যমনোরমার বিবরণ দিতে যাইয়া লিখিয়াছিলেন,—“Nothing can be said with certainty concerning the time and place of Ramachandra Sarma, the author, nor of Sivananda Bhatta or Gosain at whose request the work was written nor about Vidyānivaśa, the tutor or spiritual guide of the author.”

ভারতবর্ষের যেখানেই যাও দেখিবে নৈয়ায়িকেরা ভাদ্রা-ভাদ্রা বাদ্যলায় কথা কহিতে পারেন এবং নবদ্বীপের নাম করেন। কিন্তু ব্রাহ্মণ পণ্ডিতেরা বিদ্যানিবাসের নাম জানিতেন। তাঁহারা জানিতেন বিদ্যানিবাস বিশ্বনাথ তর্কপঞ্চাননের পিতা। আর বিশ্বনাথ তর্কপঞ্চাননের ভাষাপরিচ্ছেদ হিমালয় হইতে কুমারিকা পর্য্যন্ত সকল দেশের ব্রাহ্মণ পণ্ডিত পড়িয়া থাকেন, মুগ্ধ করেন এবং উহার মুক্তাবলী টীকা লইয়া বিচার করেন।

এইখানে বলিয়া রাখি, ভট্টোজির দীক্ষিতের প্রোচমনোরমাতোই অধিক পরিমাণে মুক্তবোধের মত খণ্ডন করা হইয়াছে এবং মুক্তবোধ যে পশ্চিম ও মধ্য ভারত হইতে তাড়িত হইয়াছে, তাহার কারণও এই মনোরমা। বিদ্যানিবাস যখন মুক্তবোধের পক্ষ হইয়া বাদ্যলায় উহাকে আশ্রয় দিলেন, তখন ভট্টোজির তিনি বিরুদ্ধবাদী হইলেন। রামচন্দ্র শর্মা বোধ হয়, এই দুই বিরুদ্ধ মতের কোনরূপ সমন্বয় করিয়াছিলেন। তাই ভট্টোজির বইএর টীকা করিতে গিয়া বিদ্যানিবাসকে স্মরণ করিয়াছেন।

বিদ্যানিবাস যে সময়ে বাদ্যলার প্রধান ভট্টাচার্য্য, সে সময়ে ভারতবর্ষে সর্বত্রই লুপ্ত তীর্থ উদ্ধারের চেষ্টা হইতেছে। চৈতন্যদেবের গুরু মাধবেন্দ্র পুরী মথুরা ও বৃন্দাবন উদ্ধার করেন। সন্ন্যাসীরা কুরুক্ষেত্র উদ্ধার করেন। এইরূপে এই সময়ে অযোধ্যা প্রভৃতি অনেক তীর্থ উদ্ধার হয়। কাশীর উপর মাঝে মাঝে মুসলমান আক্রমণ হইলেও কাশী তীর্থটীর লোপ হয় নাই। কারণ প্রত্যেক শতাব্দীতেই আমরা দেখিতে পাই—ব্রাহ্মণ পণ্ডিতেরা কাশীবাস করিতে যাইতেছেন। জয়োদশ শতাব্দীর শেষে অনেকগুলি উড়িয়া পণ্ডিত রাজার সঙ্গে ঋগ্ভা করিয়া কাশীবাস করেন। চতুর্দশের শেষে বা পঞ্চদশের গোড়ায় কুল কতট কাশীবাস করিয়াছিলেন। বিদ্যানিবাসের পিতামহ নরহরি বিশারদও কাশীবাস


করিয়াছিলেন। চৈতন্যদেবও কাশী গিয়াছিলেন। তিনি বাস করিয়াছিলেন নীলাচলে অর্থাৎ জগন্নাথক্ষেত্রে। তখনও জগন্নাথক্ষেত্রে মুসলমানদের হাত পড়ে নাই। বাঙ্গালাদেশের—বিশেষ রাঢ়ের—প্রধান তীর্থই ছিল জগন্নাথ। সেইজন্ত জগন্নাথতীর্থের যাত্রা ও পূজাপদ্ধতি সম্বন্ধে অনেক পুথি বাঙ্গালা দেশে লেখা হয়। এই সকল লেখকদের মধ্যে বিদ্যানিবাস একজন প্রধান। বার মাসে জগন্নাথের যে বার পূর্ণ হইয়া থাকে, তিনি তাহার এক বিবরণ লিখিয়া যান। এই বার পূর্ণকে দ্বাদশ যাত্রা বলে। এ দ্বাদশ যাত্রা ছাড়া তিনি আরও অন্যান্য যাত্রার কথাও লিখিয়া যান। যাত্রার বিবরণ লিখিতে অনেক কাঠখড়ের দরকার। প্রথম জ্যোতিষ জানা চাই। না হইলে যাত্রার সময় জানা যায় না। তারপর পুরাণ জানা চাই, নহিলে যাত্রার ফলাফল বুঝা যায় না। তাহার পর প্রতি যাত্রায় কিরূপ পূজাপাঠ করিতে হয়, কিরূপে ব্রত উপবাস করিতে হয়, কোন্ কোন্ ফুল দিতে হয়—এসকল জানা চাই। হুতরাং অনেক শাস্ত্রের বই দেখা না থাকিলে যাত্রার বই লেখা যায় না। বাঙ্গালীর যে প্রধান তীর্থ সে তীর্থে যাত্রা ও পূজা পদ্ধতির কথা লিখিয়া বিদ্যানিবাস রাঢ় ও গোড়মণ্ডলের বিশেষ উপকার করিয়াছেন। রঘুনন্দনের নামেও যাত্রার কতগুলি বই চলে, তবে উহা কে লিখিয়াছেন, বলা যায় না।

কাশীতে ছয় ঘর বড় বড় দক্ষিণী ব্রাহ্মণ আছেন। প্রায়ই তাঁহারা মহারাষ্ট্রী ব্রাহ্মণ। ইহাদের মধ্যে প্রধান হইতেছেন—ভট্টবংশ, বিশ্বামিত্র গোত্র; আদি বাড়ী প্রতিষ্ঠানপুর, গোদাবরীর ধারে। রামকৃষ্ণ এই বংশের একজন পণ্ডিত। তিনি আসিয়া কাশীতে বাস করেন। ইনি আমাদের রঘুনাথ শিরোমণির একজন গুরু। ইহার পুত্র নারায়ণ ভট্ট প্রকাণ্ড পণ্ডিত হইয়াছিলেন। উত্তর ও দক্ষিণ দুই দেশেরই স্বতির বই তিনি লিখিয়াছেন। অনেক তীর্থ তিনি উদ্ধার করিয়াছেন। তাঁহার পুত্র শঙ্কর ভট্ট একজন ব্যাপক পণ্ডিত ছিলেন। তিনি নিজ বংশের একখানি ইতিহাস লিখিয়া গিয়াছেন; উহার নাম গাধিবংশাচরিত। রামেশ্বর, ভট্টনারায়ণ প্রভৃতির গুণবর্ণনা করাই তাঁহার মুখ্য উদ্দেশ্য। তিনি তাহা করিয়াছেন এবং সেই সঙ্গে আরও অনেক পণ্ডিতের কথা তিনি বলিয়াছেন। দিল্লীতে এবং বোধ হয়, টোডরমলের বাড়ীতে দুইবার ভারতবর্ষের সব স্থানের পণ্ডিত লইয়া সভা হয়। শঙ্কর লিখিয়াছেন,—‘দুই সভায়ই ভট্টনারায়ণের জন্ম হয়। এই সম্বন্ধে তিনি লিখিয়াছেন,—“দাক্ষিণাত্য মতমুজ্জিতং নিনায়।” একবার সভা হয়—কে গ্রহণ দেখিতে পারে এবং কে পারে না, তাহা লইয়া। আর একবার হয়—জীবন্ত ব্রাহ্মণের সম্মুখে শ্রাদ্ধ করিতে হইবে, না কুশময় ব্রাহ্মণের উপর শ্রাদ্ধ করিতে হইবে—এই লইয়া। শঙ্কর বলিতেছেন,—এই দুই সভাতেই বাঙ্গালীর প্রধান পণ্ডিত বিদ্যানিবাস উপস্থিত ছিলেন। কিন্তু আমরা দেখিতে পাই যে, এখনও দক্ষিণীরা জীবন্ত ব্রাহ্মণে শ্রাদ্ধ করে অথচ আমরা মর্ত্তময় ব্রাহ্মণে করি। যদি বিদ্যানিবাস প্রভৃতি কয়েক জন বড় পণ্ডিত আমাদের মত সমর্থন না করিতেন, তাহা হইলে আমরাও বোধ হয়, এতদিনে দক্ষিণী ব্রাহ্মণদের মত জীবন্ত ব্রাহ্মণ বসাইয়া শ্রাদ্ধ করিতাম। হুতরাং এই সকল স্থানে বিদ্যানিবাসই বাঙ্গালীদের রক্ষা করিয়া গিয়াছেন।

বিজ্ঞোৎসাহী শঙ্কুচন্দ্র*

ইংরাজী শিক্ষা ও সভ্যতার সংস্পর্শে আসিয়া বাঙ্গালা দেশের সাহিত্যে যখন একটা নূতন সাড়া পড়িল, বাঙ্গালার সেই নবজাগরণের দিনে সাহিত্য-প্রচেষ্টা যে কত বিচিত্রমুখী হইয়াছিল, তাহা যেমনি বিশ্বয়ের ব্যাপার তেমনি কোতূকাবহ। একদিকে ইংরাজী-শিক্ষিত বাঙ্গালী তার নব শিক্ষালব্ধ জ্ঞান নিজ মাতৃভাষায় প্রকাশ ও প্রয়োগ করিতে ইচ্ছুক, অত্যাধিক শুদ্ধ সংস্কৃতনবীশ, শুদ্ধ সংস্কৃত সাহিত্যের আদর্শে শিক্ষিত বাঙ্গালী, পুরাতন সংস্কারকে বর্জন করিতে অনিচ্ছুক—তবু উভয়ের মনই নূতন প্রকার সাহিত্য-রচনায় উন্মুখ। উনবিংশ শতাব্দীর সমস্তটাই প্রায়,—বিশেষ করিয়া প্রথমার্দ্ধ,—এই দ্বিমুখী চেষ্টা প্রত্যক্ষ করিয়াছে। নূতন রাজধানী কলিকাতা ছিল এই সব নূতন নূতন প্রয়াসের কেন্দ্রস্থল;—বহু আলোচনা-সভা ও তর্ক-সমিতির কোলাহলে তখনকার কলিকাতার সমাজ মুগ্ধ; নব-প্রতিষ্ঠিত বিদ্যালয়ে ছাত্রছাত্রীগণ নিরন্তর নূতন ভাবে, নূতন প্রণালীতে নূতন বিষয় শিক্ষা করিতে ব্যস্ত; নূতন সমাজের ও সভ্যতার অগ্রদূত বাহারা, তাঁহারাও বিষয়কথোপলক্ষে বা অত্যাধিক কারণে কলিকাতাবাসী। আর রাজধানী হইতে দেশের অত্যাধিক এই নূতন প্রভাব ছড়াইয়া পড়িবার কথা। তখনকার দিনে কলিকাতা হইতে স্বল্প রঙ্গপুরের অন্তর্গত কাকিনাতে শঙ্কুচন্দ্রের বিজ্ঞোৎসাহী কি ভাবে এই নবলব্ধ জ্ঞান ও নবসংস্কারিত ইচ্ছা প্রয়োগ করিতে চাহিয়াছিল, বর্তমান প্রবন্ধে তাহার বিক্ষিপ্ত আভাস দিবার চেষ্টা করিব।

শঙ্কুচন্দ্রের কুলপরিচয় তাঁহার সভাসদ বোনও কবির রচনায় দেওয়া আছে।



শত্ৰুচন্দ্র কিছুদিন বারাণসীক্ষেত্রে বাস করেন ; সেখানে “আনন্দ সভা” স্থাপিত হয়। এই সভার জন্ম তিনি ১২৬১ বঙ্গাব্দের ২৭এ ফাল্গুন, শনিবার, যদনপুরা হইতে “আনন্দ-সভারঞ্জন চম্পু” প্রথম খণ্ড প্রকাশিত করেন। পুস্তকটী কলিকাতা তত্ত্ববোধিনী সভার যত্নে মুদ্রিত হয়। ‘আনন্দ’ কথাটায় ও ইহার শেষভাগে সম্মিষিষ্ট ‘তত্ত্বসঙ্গীতে’ তত্ত্ববোধিনী সভার কিছু প্রভাব আছে, এরূপ মনে করা যাইতে পারে, কিন্তু এ বিষয়ে কিছু নির্ণয় হইবার উপায় নাই। কারণ, পৌরাণিক তত্ত্বের প্রতিও কবির বিলক্ষণ বৈরাগ্য দেখা যায় না। গ্রন্থখানি ১১০ পৃষ্ঠার সমাপ্ত। প্রথমে প্রার্থনা, তারপর “জ্ঞান হিতোপদেশ”, তারপর শচীন্দ্র-কাব্য, তারপর বারাণসীর দেওয়ানী, আগরার তাজমহল, যমুনার নহর, রুড়কী ও হরিদ্বার,—এই সকলের বর্ণনা। তারপর আত্মপ্রসাদ, উর্দু সাযর, সংস্কৃত কাশিকা, তত্ত্বসঙ্গীত। ক্রমে ক্রমে শত্ৰুচন্দ্রের রচনারীতি, পাণ্ডিত্য ও দেশভ্রমণ-প্রীতির কথা বলিতেছি। একে ত চম্পুমাত্রেই সংস্কৃত অলঙ্কারশাস্ত্রের লক্ষণাক্রান্ত, সন্দেহ নাই, তাহাতে এই চম্পুর রচনা থানিকটা আলোচনা করিলে তাঁহার ভাষা কিরূপ সংস্কৃতের অন্তর্গত ও সেই জন্ম কৌতুকাবহ, তাহা স্পষ্ট প্রতীয়মান হইবে। এতদ্ব্যতীত ‘বিজ্ঞাপনের’ (অর্থাৎ ভূমিকার) শেষ বাক্যটী উদ্ধৃত করা গেল,—

“এক্ষণে বিজ্ঞাবিনোদ বন্ধুবাহের বিদিতে প্রার্থনা এই যে জঘন্য জ্ঞানে ঘৃণা না করিয়া গ্রন্থখানি পাঠ করতঃ গ্রন্থকারের শ্রম সফল করুন এবং ভ্রমপ্রমাদবশতঃ কোন স্থানে যদি অবিহিত রচনাদি দোষ দৃষ্টি হয় তাহা স্বকৃত দোষের ভ্রায় গোপন পূর্বক তৎক্ষণাৎ শোধন করিয়া স্বীয় মহত্ত্বগুণ বিস্তারিত করুন।”

গ্রন্থমধ্যে প্রবেশ করিলে অন্তপ্রাসের পরিমাণ ক্রমেই বাড়িতে থাকিবে। বাঙ্গালা রচনায় শত্ৰুচন্দ্র সংস্কৃত ভাষা ও রীতি যে কতদূর অনুসরণ করিয়া চলিতেন, তাহা দেখাইবার জন্ম প্রথম দুইটা বাক্য উদ্ধৃত করা গেল, রসজ্ঞ পাঠক ইহার সহিত “কাদম্বরী”র তুলনা করিয়া দেখিবেন।—

“সভাজনসম্বোধন পুরসসর কথিত হইতেছে যে পুন্ডরিন্ কালে চরাচর প্রবর নিকর অমরনগর সদৃশ ভূমণ্ডল স্থিত সর্বজন সন্দোহ স্পৃহণীয় বিশ্রামপুত্র নাম নগরে পরম পবিত্র বিচিত্র চাকমনোহর হৃদ্যাবিনির্মিত পুরে অপরিমিত স্পন্দা প্রবন্ধে চণ্ডচণ্ডাংগুতুল্য প্রবল প্রতাপাধিত সভা ভব্য অভিনব্য হব্য কব্য কর্তব্য বিশিষ্ট গরিষ্ঠ শিষ্ট ইষ্টনিষ্ঠ মিষ্টভাষি গুণরাশি শিষ্টপক্ষে প্রকৃষ্ট দৃষ্ট হৃষ্টযুগ্মে অনিষ্টকষ্টপ্রকোষ্ঠে প্রবিষ্টকারিমহীচ্ছাচারী স্বকীয়দারী নিত্যবিহারী নবদস্তধারী অমূল্যহারী স্বাতন্ত্র্যশংসচিহ্নে চিহ্নিত শ্রীল শ্রীযুক্ত দিগদর্শননামা মহারাজাধিরাজ চক্রচূড়ামণি ছিলেন। তাঁহার একা মহিষী অতীব প্রেমসী দীর্ঘকেশী স্বচাকবেশী কুরঙ্গনেজা স্বরঙ্গচেতা ভুজঙ্গহস্তা তুরঙ্গহাসা বিহঙ্গনাসা মাতঙ্গগামিনী নবাজ-ভঙ্গিনী শ্রীমতী হিরণ্যগর্ভা সাক্ষী সতী পতিপ্রীতি রতিমতি বিবিধ ব্রতচারিণী।”

শত্ৰুচন্দ্রের বাক্যযোজনায় সহিত সংস্কৃত ভাষার এতদূর সৌসাদৃশ্য আছে যে, এই প্রসঙ্গে উক্ত “জ্ঞানহিতোপদেশ”-অধ্যায় হইতে আর দুইটা বাক্য উদ্ধৃত করিবার লোভ সংবরণ করিতে পারিলাম না। এই বাহুল্যদোষ মার্জনীয়।

“পুত্রদিগের বিদ্যাশিক্ষা পক্ষে নিতান্ত দাসনের ধর্মতা সর্বতোভাবে ঘটিয়াছিল যে

শাস্ত্রাধ্যয়ন বিষয়ে মূলীভূত কারণ পিতামাতার ভদ্রাভদ্র ক্রিয়া প্রতি নিয়োগ বিয়োগ মনঃসংযোগ পূর্বক অহুযোগ আবদ্ধক স্তত্রাং তাহার বৈপরীত্যে সচ্চরিত্রের পবিত্রতার পদ্ধতি লুপ্ত হইয়া চঞ্চল চিত্তের স্বাধীনতার বিচিত্র চারুচংক্রমে সংক্রমের উপক্রমব্যতিক্রমে ক্রমে ক্রমে অসংক্রমের অক্রমণ সপরাক্রমে স্বভাব সংক্রম হইতে নিষ্ক্রম হইতে লাগিল।”

আবার—“অহমপি উপত্যকা হইতে সভারোহণরূপ উৎসেধ সমাপ্তয়ে উপস্থিতাহু-
সন্ধানে চারুচক্ষুঃ চরণে সংক্রমণ করত সজ্জাসভায়ে প্রকাশ করিতেছি যে ভূপতিরূপ এমন
যে রত্নসাহু ইহার শোভা দিন দিন পীন হইয়া দীন হীন প্রীণনে চিরদিন প্রবর্তমান
থাকুক।”

শঙ্কুচন্দ্র পয়ার ছন্দই ভালবাসিতেন, ইহাই তিনি সাধারণতঃ প্রয়োগ করিয়া
গিয়াছেন। গ্রন্থাদৌ প্রাণনা, তাহার মধ্যে পানিকটা দেহতত্ত্ব, রূপক ও আত্মপরিচয়
—সংস্কৃত রচনারীতির প্রভাব সূচিত করিতেছে। অধুনা যে আদর্শ নিত্য পুরাতন
হইয়াছে, তাহা যে তখনকার দিনে সাহিত্যের মনে বিরূপ গভীর ভাবে অহুপ্রবিষ্ট ছিল, তাহা
প্রথম অংশ পাঠ করিবামাত্র স্ববদ্বন্দ্ব হয়। কবির আত্মপরিচয় নিয়ে দেওয়া গেল,—

“জেলা রঙ্গপুর অতি রঙ্গপুর ধাম।
তার অন্তর্গত গ্রাম কাকিনীয়া নাম ॥
তদায় ভূম্যপিকারী রামকুন্ড রায়।
ছিলেন ধার্মিক তিনি মহা তপস্যায় ॥
তাহার প্রথম পক্ষে তৃতীয় কুমার।
ঈশ্বর ভৈরবচন্দ্র ভৈরব প্রচার ॥
শিবলোকে গেলা তিনি রাগি স্ততদয়।
জ্যোষ্ঠ শ্রীল কালীচন্দ্র রায় মহাশয় ॥
কনিষ্ঠ শ্রীশঙ্কুচন্দ্র রসজ্ঞ নায়ক।
ঈশ্বর ইচ্ছায় যার রচিত পুস্তক ॥”

পয়ার ও ত্রিপদী ব্যতীত অন্যান্য বহুছন্দে রচনা করাও শঙ্কুচন্দ্রের অভ্যাস ছিল;
“জ্ঞানহিতোপদেশ”—অধ্যায়েই আছে। বিভিন্ন ছন্দ অবলম্বনে “রসশাস্ত্র আশ্রয় করিয়া”
গুরু শিষ্যদিগকে হিতোপদেশ দিতেছেন,—

পয়ার :—বাসনে মূর্খের কাল অকারণ যায়।

বুদ্ধিমান রসশাস্ত্র আলাপে কাটায় ॥

দীর্ঘ চতুষ্পদী :—জনকের নিবসতি গিয়া রাম রঘুপতি

হেলায় হরের ধন বিভঞ্জন করিয়া।

করিলেন উপদ্রব অহুপায় রূপঠাম

জানকী কনকীলতা করে কর ধরিয়া ॥

কুসুম-মালিকা :—কহে রেণুকা তনয় কহে রেণুকা তনয়।

আর বাহজ বালক মনে বাস নাহি ভয় ॥

ভূজঙ্গ-প্রয়াত :—ভ্রুভঙ্গে মহারোষ কোপ প্রকাশ।।

শ্রুতিহৃদ্ব নিম্পন্দ ঝঙ্কার নাশ।।

নবানু প্রবাহে যথা চঞ্চলালি।

তথা লোচনদ্বন্দ্ব লালী বিশালী।।

এইরূপ ভঙ্গত্রিপদী, ইন্দ্রবজ্রা, বসন্ত-তিলক, তরঙ্গাবলি, ত্রিপদী, ভঙ্গ-পয়ার—
নানা ছন্দে শঙ্কুচন্দ্র কবিতাদেবীর আরাধনা করিয়াছেন।

“জ্ঞান হিতোপদেশে”র পর শচীন্দ্রকাব্য। ইহাতে সংস্কৃত রীতির অনুযায়ী আদিরস
যথেষ্ট পরিমাণে আছে, আর ইন্দ্রের পরঙ্গী-বশ্বতা তেঁা সংস্কৃত কাব্য পুরাণাদির বহুশঃ
অনুমোদিত। আমাদের আলোচনার পক্ষে ইহাতে উল্লেখযোগ্য কিছু নাই, তাই ইহা
হইতে কিছু উদ্ধৃত করিলাম না। পরের কয়েকটা রচনায় একটু নূতন স্রের আমেজ
আসিয়াছে,—সেগুলি খণ্ডঃ দেব-বর্ণনা। আগ্রা, কাণপুৰ, কাশী, যমুনার নহর, রুড়কী ও
হরিদ্বার—এই সব স্থানের বর্ণনা। “বারাণসীর দেওয়ানী”—গদ্যে লেখা। আগরার
তাজমহাল-রোজা, প্রথমে তাজমহালের নির্মাণ-পদ্ধতি, খাড়াই-চওড়াই ইত্যাদির মাপ।
একটা সহজ কোতুকানন্দ বর্ণনার মধ্যে স্থানে স্থানে উকি মারিতেছে; কিন্তু এই নিতান্ত
গদ্যময় বর্ণনার শেষভাগ আবার গম্ভীর ও রূপকাস্রয়,—

এই সূত্রে বোধ কর অর্ধাচীন জন।

শরীরে চৈতন্য বস্তু আছেন তেমন ॥

আনন্দ সভার জয় আনন্দ কৃপায়।

আনন্দ কোষের বস্তু আনন্দ দেখায় ॥

আনন্দ সভার ভূত্য নিত্যানন্দে মজি।

আনন্দেধ্বরেতে মত্ত তেজ তব ভজি ॥

ইতি তাজমহল রোজাদর্শনানন্দরস পরিপাক সমাপ্তশ্চেতি।

ষোল অক্ষরের পয়ার আবার—একটু নূতন রকমের ছন্দ, কিন্তু ছন্দ মাত্রই, রস
কিছুমাত্র নাই। যথা,—

আসার নিবৃত্তি নাই, চক্ষুরাদি কাহারোই।

বারেক দেখিলে শাস্ত্র তুষা পুন তাহারই ॥

এ যাত্রা বাসনা থরু স্তবরাং গেল করা।

ধন্যবাদ দেই সেই যার সৃষ্টি হাতে ধরা ॥

চম্পুখানিতে ইহা ছাড়া দুই পাঠ আত্মপ্রসাদ, দুই পাঠ উদ্ সাযর, দুই পাঠ সংস্কৃত
কাশিকা আছে। তখনকার দিনে উদ্ বা ফারসী, বাঙ্গালা ও সংস্কৃত—তিনটা ভাষার
তিন ধারা যে কেমন করিয়া বাঙ্গালীর মনের মধ্যে খেলা করিত ও সামঞ্জস্যের চেষ্টা হইত,
তাহার বিচিত্র নিদর্শন শঙ্কুচন্দ্রের রচনাবলীতে পাওয়া যায়। যেমন, তাহার উদ্, ছন্দ
অবলম্বনে বাঙ্গালা কবিতা। ছন্দ,—

ও জন জলেথা

ফায়লাতুন ফায়লাতুন ফায়লা

মফউলন্ মফউলন্ মফউলন্

“বিমোহে ভুলিয়া ভূমা তোমায়ে ।

কমস্ব সে গুণাদোষং আমারে ॥”

কাশিকাদয় হইতে বসন্ত ও শরৎকালের বর্ণনা পাই, শত্ৰুচন্দ্রের সংস্কৃত ভাষায় নৈপুণ্যের নিদর্শন হিগাবে দুইটি শ্লোক বাছিয়া পাঠকসমাজে উপহার দেই,—

বসন্তে— তুরগরথনিযমা ফীপ্বালা হুচেলা
চিকুরচনশিলৈ স্তত্র নানাঈববেণী ।
মৃদুমৃদবদযুক্তা দক্ষিণস্থং স্বকাস্তং
ঋতুপশুভহসন্তে কাশিকা কং ন মোহা ॥

শরৎকালে— জবাবস্তী জাতী টগর করবীরারনি মণিঃ
সমুৎফুল্লংফুল্লং চরণগতচেতাজনগণং ।
পথে রথ্যা ঘোরা কিল জবনবার্তামূপদিশন্
নভদ্বারে দ্বারে সরদি শুভকাশী বিলসতি ॥

শেষের পংক্তি প্রতিবার বহুলীকৃত হইয়াছে, ইংরাজী refrain-এর মত ।

শুদ্ধ সংস্কৃত ভাষায় যাহাদের শিক্ষাদীক্ষা এতদিন চলিয়া আসিয়াছে, তাহাদের উপর সহসা একদিন বাঙ্গালা সাহিত্য রচনার ভার দিলে ও দেশে বিস্তৃত বঙ্গসাহিত্যের বিস্তর চর্চা না থাকিলে ঘেরূপ রচনা আশা করিতে পারা যায়, আধুনিক সমালোচক শত্ৰুচন্দ্রের রচনায় সেইরূপ দোষগুণ অল্পবিস্তর দেখিতে পাইবেন । অন্ততঃ একথা স্বীকার করিতেই হইবে যে, ধর্মনির প্রভাব অতীতে যেমন ছিল, এখন আর তেমন নাই; অথবা আমাদের জীবনে ছন্দের প্রতি অতুরাগ কমিয়া যাইতেছে, কথাবার্তা আলাপ-আলোচনাও নীরস হইয়া পড়িতেছে ।

একমাত্র রসসৃষ্টিই শত্ৰুচন্দ্রের সাহিত্যরচনার উদ্দেশ্য ছিল না । তাঁহার মনে দেশের নানারূপ সংস্কার প্রবর্তনের ইচ্ছাও জাগিয়াছিল, এবং দেশের শিল্পোন্নতি কি ভাবে হইতে পারে, ধর্মবিষয়ে একটা জীবন্ত আগ্রহের সৃষ্টি কিরূপে সম্ভবে, বাঙ্গালা অক্ষরে সকল ধর্মনির প্রতিকরূপ কি উপায়ে পাওয়া যায়,—এইরূপ বহুবিষয়ে তিনি মন দিয়াছিলেন । প্রশমিল্লের উন্নতির প্রতি তাঁহার যে সর্দদা লক্ষ্য ছিল, “আনন্দসভারঞ্জন-চম্পু”-তে রঙ্গপুর-ভূম্যধিকারী সভার প্রতি তিনি যে প্রশ্ন করিয়াছিলেন, তাহাতে ইহার কিছু কিছু প্রশ্ন পাওয়া যায় । কিন্তু সে আলোচনা বর্তমান প্রবন্ধে অপ্রাসঙ্গিক । স্ব-রচিত দশটি গান গ্রন্থশেষে দেওয়া আছে, সবগুলি তত্ত্বমূলক, রসবেগে চঞ্চল নয়, স্তবরাং তাহাদের আলোচনায় আমাদের উপকার নাই । শেষের গানটি তবু সহজ,—

বড় আনন্দের বিষয় ।

এ আনন্দ কাননে উদয় ॥

আনন্দ কানন একে সদা সদানন্দ ঠেকে

তায় আনন্দ সভা দেখে কে আনন্দ নয় ॥

যত সভা সভাপতি সর্বদা নিখিলমতি

ব্রাহ্মণ পণ্ডিত যতি সঙ্গ সদা রয় ॥

শত্ৰুচন্দ্রের ভাষাসংস্কারের চেষ্টার কথা পূর্বে উল্লেখ করা গিয়াছে। কার্ধ্যাহুরোধে বহু বাঙ্গালীকে বাঙ্গালার বাহিরে থাকিতে হয়, ফারসি ও উর্দু শিখিতেও হয়, কিন্তু ফারসি হরপে লেখা উর্দু জীবান অভ্যাস করা তাঁহাদের পক্ষে কঠিন। “পারুসি আরবি শব্দে যে যে স্থানে জ্বিম থে শেজ আয়েন গায়েন ফে কাপ—এহি সপ্তাক্ষর তাদৃশ কখনই হয় না, বরং অশুদ্ধ উচ্চারণে উর্দু অভ্যাস করিয়া আলাপ করিতে গেলে, বিজ্ঞপ বাঙ্গাই লাভ হয়।” সুতরাং আকবর বাদশাহের সময় যে ভাবে সংস্কার হইয়াছিল, সেইভাবে কাজ করা উচিত। শত্ৰুচন্দ্রের ভাষায়ই তাঁহার বক্তব্য বলি।—

“পারসীতে বাঙ্গালা বর্ণ বর্ণের প্রায়শ দ্বিতীয়, চতুর্থ ও অন্ত্য বর্ণই অভাব অর্থাৎ প্রথমত ট প চ ড দ্বিতীয়তঃ ভ খ ফ ঠ ঝ ছ ধ ঢ খ দ সমুদয়ে ষোড়শ বর্ণই ছিল না, তখন কতিপয় পারসীক বিদ্বান ব্যক্তি বিবেচনা করিয়া উক্ত কয়েক অক্ষর আপনাদিগের পারসী অক্ষরে গতিয়া লইলেন প্রথমতঃ তের উপর চারি নোক্তাতে ট ও বের নীচে তিন নোক্তাতে প ও জ্বিমের নীচে তিন নোক্তাতে চ এবং দালের উপর চারি নোক্তাতে ড ও বের উপরে তো অক্ষরে ড দ্বিতীয়তঃ বে হে ভ। তে হে থ। পে হে ফ। টে হে ঠ। জ্বিম হে ঝ। চে হে ছ। দাল হে ধ। ডাল হে ঢ। ডে হে ঢ। কাক হে খ। গাক হে ঘ। ইত্যাদি। পারসীক বিদ্বানেরা যেমন সংস্কৃত ও বাঙ্গালা দেশী ঠে ট প্রভৃতি লিখার সুবিধা করিয়া লইলেন কিন্তু হিন্দুস্থানীরা পারসী ও আরবী শব্দসকল শুদ্ধরূপে লিখাপড়া করার নিমিত্ত বাঙ্গলা অক্ষরের রূপান্তর অথবা কোন চিহ্নে চিহ্নিত করিয়া উচ্চারণের কিছুই সুবিধা করিলেন না। সুতরাং উক্ত অক্ষরে বঙ্গীয় সাধুভাষা ভিন্ন অন্যভাষা শুদ্ধরূপে লিখনের রীতি ও ব্যবহারও নাই যেতকালি পুরুষেরা যাহারা সমুদয় বিজ্ঞাতেই দৃষ্টি সমান রাখেন তাঁহারাও এ পর্য্যন্ত বঙ্গীয় বিজ্ঞার সহিত পারসী, আরবী বিদ্যার বিশেষরূপ সমন্বয় বিষয়ে মনোযোগ করিতেছেন; কিন্তু স্বজাতীয় ইংলিশ অক্ষরের দ্বারা উর্দু ও বাঙ্গলা শুদ্ধরূপে লিখার অক্ষর গঠনের বিধিস্বরূপ রোমেন ক্যারেক্ট নামে বিলক্ষণ এক বিজ্ঞা সৃষ্টি করিয়াছেন এবং তদ্বারা অনেক ইংলিশমাত্রবেত্তার যথেষ্ট উপকার দর্শিতেছে এ অবস্থায় বিবেচনা করা কর্তব্য যে পারসী আরবী অক্ষরের সহিত বাঙ্গলা অক্ষরকে কোন চিহ্নে চিহ্নিত করিয়া এক্য করতঃ বাঙ্গলা অক্ষরে উর্দু পারসী লিখার কোন এক সঙ্কেত যদি করা যায় তাহা হইলে সাধারণের উপকার হইতে পারে কি না।”

শত্ৰুচন্দ্রের “আনন্দসভারঞ্জন-চন্দ্র” হইতে পাঠকগণ দেখিতে পাইবেন, তদানীন্তন বিজ্ঞাহরাগীর মনের উপর পাশ্চাত্য সাহিত্য ও সমাজের আদর্শ কি ভাবে কাজ করিয়াছিল; সাহিত্যের পুরাতন আদর্শ ও পুরাতন রচনানীতির আকর্ষণ তখনও বেশ প্রবল ছিল, আর অন্তরিকে নূতন নূতন পদ্ধতি গ্রহণ করার লোভও ছুনিবার। তাই একদিকে যেমন চন্দ্র

লেখা হইত এবং সে চম্পূতে বিষুশর্মা-হিতোপদেশের প্রতিচ্ছায়া পড়িত, অন্তদিকে আবার তেমনই স্থানবিশেষের বর্ণনা, নূতন করিয়া অক্ষর গড়িয়া ভাষার পরিপুষ্টির প্রতি লক্ষ্য, ইত্যাদি বিষয় দেখা যাইতেছে ;—জ্ঞানের স্বল্পতা তাঁহাকে পীড়া দিত না, তাঁহাকে সাহিত্য রচনা হইতে বিরত করিত না।

শত্ৰুচন্দ্র-সম্পর্কিত আর একটা বিষয়ে দৃষ্টি আকর্ষণ করিতে চাই। তাঁহার সভায় কোনও এক পণ্ডিত পারশ্ব উপন্যাস সংস্কৃতে অহুবাদ করেন ; এই অনুদিত কাব্যের নাম “ফখলাজাখ্য কাব্যম্”—এই অভিনব গ্রন্থের সামান্য পরিচয় দিয়া বিদায় গ্রহণ করিব। ফখলাজ-কাব্যের প্রথম খণ্ড (অন্ত্যান্ত খণ্ড আমি দেখি নাই) পচিশ অধ্যায়ে সম্পূর্ণ ; গ্রন্থরচনার ইতিহাস গ্রন্থশেষে বিজ্ঞাপন-ভাগে দেওয়া হইয়াছে, তাহা উদ্ধৃত করিলাম।

*বিবিধসদগুণ নিকেতন কাকিনীধিপতি শত্ৰুচন্দ্ররায় চতুর্ধুরীঃ স্বয়মেকদা স্বসমজ্ঞায়াং মামাহুয় সংস্কৃতগদ্যপদ্যৈঃ পারশ্বোপন্যাসং রচয়িতুমাশিতং প্রবত্নেন। তন্নিদেস্তাশালজ্যাতয়া স্বস্মিন্ কবিত্ববিত্তাদ্যসদ্ভাবেষপি নিরঞ্জতামদীকৃত্য যথাশক্তি বর্ননং করবাণীতি প্রতিজ্ঞায় মদীয় সম্বেহ-সম্মানাস্পদ শ্রীমদগোবিন্দমোহন রায় সদাশয়েনাধ্যবসায়িতঃ এতস্মিন্ প্রবন্ধরচনাকর্মণ্যহং প্রবর্তিতঃ। কতিপয়বাসরানন্তরম্ প্রোক্তসোৎসাহনিদেশকর্তু জীবিতকালেন সমমেব গ্রন্থরচনাপ্রবাসিতাভূৎ। সম্প্রতি তত্তনয়-সদ্বিদ্যাভূরাগি-সদাশয়-শ্রীমন্মহিমারঞ্জনরায়েন প্রযত্নতো মুদ্রণং কারয়িত্বৈতৎ পুস্তকশ্রুতীকৃতম্। অস্মিন্ ভ্রম-প্রমাদিভি বহবো দোষা সংজাতা এব। তদাদ্যন্তং রূপয়া সংশোধ্য গুণিগণাঃ পঠিত্বিত্যে-বার্থয়েহং। “গুণায়ন্তে দোষাঃ স্বজনবদনে” অলমতি বিস্তরেণ। রচয়িতা

শাকে চন্দ্রনবাজীন্দু প্রমিতে কাকিনাপুরে।

কেনচিন্মুদ্রিতকৈতৎ পুস্তকং শত্ৰুচন্দ্রতঃ ॥

পারশ্ব রাজকন্ডার নামে গ্রন্থের নাম। প্রথম অধ্যায়ে মদলাচরণের পর কাকিনীয়া-ধিপতির বংশাবলী ও সভার বিস্তারিত বিবরণ দেওয়া আছে। শত্ৰুচন্দ্র যে একটা পণ্ডিত-সভা গড়িয়া তুলিবার আয়োজন করিতেছিলেন, স্বত্যাশিষ্টাশ্রমিৎ গুরুদাস শিরোমণি, জ্যোতির্বিদ্যাকরণাদি বিবিধশাস্ত্রপ্রবীণ কালীচন্দ্র চূড়ামণি, কাব্যব্যাকরণবিচক্ষণ বিশেষজ্ঞ-আয়রত্ন, বিবিধশাস্ত্রদর্শী শ্রীকান্ত বাচস্পতি, কাব্যাদিবিদ্যার শ্রীশ্বর বিদ্যাভূষণ—ইহারাই ছিলেন তাঁর সভাপণ্ডিত। সকলদর্শী লেখক, অমাত্যবর্গ হইতে আরম্ভ করিয়া সেখ মছরফ প্রমুখ সর্দার, শ্রীমোছাবুদ্দিন জেলদকার ও সেখ বাহালি জমাদার পর্যন্ত সকলেরই নাম করিয়া গিয়াছেন। মুহুন্দবাগ, মোহনবাগ, স্থললিতবাগ, আনন্দবাগ, কালীবাগ, লোচনবাগ, বর্দ্ধনবাগ, বেগমবাগ, স্মানেবাগ, কাকনবাগ—ইত্যাদি উপবন ও তাঁহার দৃষ্টিসীমা অতিক্রম করে নাই। উনবিংশ শতাব্দীর উত্তরার্দ্ধে যে সভার উৎসাহে ও অহুমোদনে পারশ্ব-উপন্যাস পর্য্যন্ত সংস্কৃতে অনুদিত হইয়া মুদ্রিত ও প্রকাশিত হয়, তাহার সহজে আশা করি, বলিবার আর কিছু নাই, উপাখ্যানভাগ তো সকলেরই জ্ঞাতপূর্ব্ব। শুধু কাব্যের পাদটীকায় রচয়িতার লেখা কয়েকটা ব্যুৎপত্তি এই প্রসঙ্গে উদ্ধৃত করিতে চাই।

(১) হারুনল রসীদ ইতি । দময়ন্তীবিল্লেদজনিতবিষাদেন হা ইতি রোতি শব্দং করোতীতি হারুঃ । হারুশচাসৌ নলশ্চেতি হারুনলঃ হারুনলস্ত রসৌ গুণোস্তাতীতি হারুনলরসৌ ঈদঃ শ্রীদঃ ইতি হারুনলরসীদঃ ।

(২) বগদাদ ইতি । বস্যা বলবজ্জনস্য গদা ইতি বগদা বগদাং দদাতীতি বগদাদঃ ॥ বঃ বলবান্ ইতি শব্দকল্পদ্রুমদ্ব্যুতশব্দরত্নাবলী ॥

(৩) জাফর ইতি । জেন জেত্রা জয়কর্দা অফরঃ ন করং যস্য স জাফরঃ । জঃ জেত্রা ইতি শব্দকল্পদ্রুমদ্ব্যুতশব্দরত্নাবলী । ফরং ফলং ইতি তদ্রুতামরটীকায়াং ভরতঃ ॥

(৪) দামাশ নগর ইতি দামানি আশা যন্ত স দামাশো নগরঃ ॥

(৫) আবাল কসম ইতি উদারতাদিতি রাবালস্ত সমঃ তুল্যঃ ইতি আবালকসমঃ ॥

শম্ভুচন্দ্রের অল্পরোধে জগদ্বন্ধু নামে জনৈক লেখক আরব্য-রজনী “আরব্য যামিনী” নাম দিয়া সংস্কৃত ভাষায় অল্পবাদ করেন ; ১২৯৯ বঙ্গাব্দের লিপিত ইহার এক পুথি সংস্কৃত কলেজ লাইব্রেরীতে আছে । অধ্যাপক শ্রীযুক্ত চিন্তাহরণ চক্রবর্তী কাব্যতীর্থ এম-এ মহাশয় এ বিষয়ে আমার দৃষ্টি আকর্ষণ করিয়াছেন বলিয়া কৃতজ্ঞতা প্রকাশ করিতেছি ।

উপরোক্ত শব্দব্যুৎপত্তি হইতে তখনকার সমাজের এবং সেই সঙ্গে সঙ্গে সাহিত্যেরও একটা পরিচয় পাওয়া যাইবে । শম্ভুচন্দ্র নিজের চারিদিকে একটা সাহিত্যের, শিক্ষার, বিদ্যার আবহাওয়া সৃষ্টি করিতে চাহিয়াছিলেন । তখনকার দিনে তাঁহার গ্রন্থসংগ্রহের আয়োজন সুবিদিত ছিল ; দুঃখের কথা, আজকাল তাহা গবেষণার বিষয় হইয়া দাঁড়াইয়াছে । দুই বৎসর পূর্বে যখন তাঁহার পুস্তকাগার দেখিতে যাই, তখন শুনিলাম, তাঁহার গ্রন্থগৃহ সর্ববহুল এবং দিবালোকে দীপ জালিয়া সাত আটজন লোক লইয়া অতি সতর্কতার সহিত সেই গৃহে প্রবেশ করিতে হইবে—নতুবা বিপদের সম্ভাবনা আছে । মনে করি, তাঁহার সেই অবস্থার ক্ষিপ্ত পুস্তক-সংগ্রহ দেখিয়া লাভবান হইয়াছি । তখনকার বাঙ্গালা ও সংস্কৃত-ভাষায় রচিত বহু পুস্তক ও পুথি হেলায় পড়িয়া আছে,—যাঁহাদের উপর রক্ষণাবেক্ষণের ভার তাঁহারা অর্থের অনটনেই হউক আর অন্য যে কারণেই হউক, এ বিষয়ে দৃষ্টি দিতে অক্ষম । তথাপি বিচিত্র বিদেশী সাহিত্যের সঙ্গে পরিচয়ে ও নবোদ্ভূত বঙ্গ-সাহিত্যের আত্মপ্রকাশচেষ্টায় সমাজে যে বিপুল পরিবর্তন আসিয়াছে, শম্ভুচন্দ্রের নিজের ও সভাসদের রচনার মধ্যে সে পরিবর্তনের চিহ্ন আছে মনে করিয়া বঙ্গীয়-সাহিত্য-পরিষদের দৃষ্টি এদিকে আকর্ষণ করিলাম ।

২ই ফাল্গুন, ১৩৩৭ ।

শ্রীপ্রিয়রঞ্জন সেন

ঝাঁপান্ *

“ঝাঁপান্” মেদিনীপুরের একটি পর্বের নাম, বিষহরী মনসাদেবীর পূজা ও তাহার সঙ্গে সাপ লইয়া যে খেলা ও উৎসব তাহাকে চণিত কথায় “ঝাঁপান্” বলা হয়।

আশ্বিন সংক্রান্তির দিন এই উৎসবটি পালিত হয়। মেদিনীপুর জেলার উত্তর-পশ্চিমাঞ্চলে ও মেদিনীপুর সহরে এই পর্বটি খুব ধুমধামের সহিত হইয়া থাকে। যাহারা এই পর্বটি করে তাহাদিগকে গুণিন্ বা গুণী বলা হয়।

যাহারা ডাইনীর হাত হইতে মানুষকে রক্ষা করিতে পারে, যাহারা মজের শক্তিতে সর্পদংশন হইতে মানুষকে বাঁচাইতে পারে, বা যাহারা তুকতাক প্রভৃতির দ্বারা নানারূপ অলৌকিক ও অদ্ভুত ক্রিয়া সকল করিতে পারে, তাহাদিগকেই গ্রাম্যালোকে গুণিন্ বলে।

ঝাঁপাইয়া পড়া বা ঝাঁপান্ কথা হইতে এই ঝাঁপান্ কথার উৎপত্তি কিনা বোঝা যায় না। বিষাক্ত হিংস্র সর্পের সহিত অবোধে খেলা করার যে বিপদ, তাহার মধ্যে নিভয়ে ঝাঁপাইয়া পড়ে বলিয়া এই নাম হইয়াছে কি না, অথবা ঝাঁপানের দিন পূজার সময় কাহারও উপর যে ‘ভর’ বা ‘আবেশ’ হয়, যাহাকে তাহারা গ্রাম্য কথায় ‘ঝুপার’ বলে, তাহা হইতে এই ঝাঁপান্ কথার উৎপত্তি কিনা, বোঝা কঠিন।

মেদিনীপুর জেলার অনেক স্থানই সাধারণতঃ গ্রীষ্মপ্রধান। বিশেষতঃ ইহার উত্তর-পশ্চিমাঞ্চল ও মধ্য প্রদেশের কিয়দংশ অসমতল ও জঙ্গলে আবৃত থাকায় নানারূপ সর্পের আবাস ভূমি। অতীতকালে এসকল স্থানে অসভ্য জাতিগণের বাস ছিল। এখনও যে জায়গায় জায়গায় ইহাদের বাস নাই, এমনও নহে।

যাহারা সর্পকে দেবতা বলিয়া পূজা করিত বা এখনও করিয়া থাকে তাহারাই এই পর্বের প্রবর্তক বলিয়া মনে হয়। বিশেষতঃ ঝাঁপানের একটি গীতের কিয়দংশ হইতে এই কথা যে সত্য, তাহা মনে হয়। গীতটি এই,—

মাকে আন্তে যাব রে শিলাই নদীর কুল।

মায়ের পায়ে দিব রাঙা জবা, হাতে দিব ফুল ॥

এই শিলাই বা শিলাবতী নদী মেদিনীপুর জেলার উত্তর-পশ্চিম কোণে অবস্থিত। মানভূম জেলায় উৎপন্ন হইয়া মেদিনীপুর জেলার উত্তর পাখ দিয়া প্রবাহিত হইয়া এই জেলার পূর্ব-উত্তর কোণে অবস্থিত ঘাটালের নীচে রূপনারায়ণ নদের সহিত মিলিত হইয়াছে। অল্পসঙ্কানে যত দূর জানা যায়, এই শিলাবতী নদীর তীরেই পূজার অধিক চলন।

পূজার দিন বা তার পরদিন প্রতিমার সম্মুখে নানা রকম খেলা প্রদর্শিত হইয়া থাকে। তাহার নাম ‘তুড়মি’ খেলা। ইহার আবার প্রতিযোগিতা আছে। এক একজন ‘গুণিন্’ তাহার সাজোপাঙ্গ ও শিষ্যবর্গের সহিত একত্র হইয়া এক জায়গায় উপস্থিত হয়। গোবর

গাড়ীর চাকাগুলিকে উপরি-উপরি সাজাইয়া তাহার উপরে এক-একজন গুণিন্ নানা রকমওয়ারী সাপ দিয়া শরীরের অলঙ্কার করে; ঐ গাড়ীর চাকা-সকলের উপর গুণিন উঠিয়া বসে ও কুৎসিত ভাষায় সকলকে গালাগালি করে এবং তাহাকে মস্ত দিয়া আক্রমণ করিতে আবাহন করে।

উচ্চ জায়গায় বসিবার উদ্দেশ্য এই যে, শূণ্ণের উপর সর্প দংশন হইলে বা লোককে সাপে কাটিলে আর উদ্ধার নাই। তখন তাহার দলের সকলে লাউয়ের তৈয়ারী এক রকম বাঁশী বাহার নাম 'তুড়মি', সেইটি বাজাইতে থাকে। এই 'তুড়মি' বাঁশী বাজাইয়া খেলা হয় বলিয়া ইহার নাম 'তুড়মি' খেলা।

একটি বাঁশ প্রোধিত করিয়া মস্তোচ্চারণপূর্বক তাহাকে চাবুক মারে আর যাহাকে উদ্দেশ্য করিয়া চাবুক মারা হয় তাহার পৃষ্ঠে নাকি বাস্তবিক সত্য সত্য দাগ পড়ে ও রক্ত বাহির হইতে থাকে। কিন্তু তাহার বিপক্ষ পক্ষের যদি মস্তের শক্তি অধিক হয়, সে প্রতিরোধ করিতে পারে; অবশ্য মস্তের সাহায্যে। ইহাতে অল্প পক্ষ যতই চেষ্টা করুক প্রতিপক্ষের কিছুই অনিষ্ট হইবে না।

নানা রকমের 'বাণপড়া' আছে। একমুষ্টি মুড়কিকে মস্তপূত করিয়া গুণিন্ কাহাকেও উদ্দেশ্য করিয়া নিক্ষেপ করে, আর ঐ মুড়কিগুলি বোলতা হইয়া তাহাকে আক্রমণ করিবে। 'রক্তবাণ' আছে, যাহার দ্বারা মুখ হইতে রক্ত বাহির হইতে থাকে; এবং 'বালিবাণ' দ্বারা গা ঝাড়িলে কেবল বালি বাহির হইতে থাকে।

তিনটি গোল চাকার মত দাগ কাটিয়া তাহার মধ্যে পর পর বাতাসা, কাগজি নেবু ও আধলা পয়সা রাখিবে। আর অগ্ন্যান্ত সকলকে ঐ গুলি তুলিয়া লইতে বলিবে। যে লইতে যাইবে সে কিছুতেই ঐ দাগের কাছে অগ্রসর হইতে পারিবে না। পড়িয়া ছট্‌ফট্‌ করিবে, মুখ দিয়া রক্ত উঠিতে থাকিবে। তবে যদি সে তাহার আক্রমণকারী অপেক্ষা অধিক শক্তিশালী হয়, তবে তাহার বিপক্ষ ঐ সকল জিনিসের মধ্য হইতে যাহা তুলিয়া আনিতে বলিবে, সে তাহাই অবলীলাক্রমে তুলিয়া আনিতে পারিবে।

যাহারা 'তুড়মি' বাজাইতেছে, বাজাইতে বাজাইতে ঐ 'তুড়মি' বাঁশী তাহাদের মুখ হইতে আর বাহির হইবে না; যতই টানাটানি করুক, বরং বাঁশীটি আরও মুখের ভিতর ঢুকিয়া যাইবে।

আরও শোন। যায়, একটি শালুক ফুলের ডাঁটার ছাল যে লোকের নাম করিয়া, মস্ত পড়িয়া ছাড়াইবে, সেই লোকের গায়ের চামড়াও নাকি সঙ্গে সঙ্গে ছাড়িয়া আসিতে থাকিবে।

বাঁপানের দিন মনসা দেবীর পূজা না হওয়া পর্য্যন্ত সকলে উপবাস করিয়া থাকে। এই ব্রতধারীদের মধ্যে সময়ে সময়ে কাহারও কাহারও 'ঝুপার' হয়। 'ঝুপার' হইলে সে মাটিতে হাত চাপড়াইতে থাকে ও মাথা চালিতে থাকে। ষথার্থই তাহার 'ঝুপার' হইয়াছে কি না, পরীক্ষা করিবার জন্ত তাহার মুখের সম্মুখে ধূনার 'ভাপরা' অর্থাৎ একটি হাঁড়িতে প্রজলিত অগ্নি করিয়া তাহাতে অনবরত ধূনার গুঁড়া দেওয়া হয়। সমস্ত ধূম তাহার নাকে মুখে প্রবেশ করিতে থাকে; তথাপি সে অবিচলিতই থাকে।

তারপর বাবুই বা জুন দড়িকে চাবুকের মত করিয়া পাকাইয়া তাহার পৃষ্ঠে মারিতে থাকে। তাহাও যদি সে নীরবে সহ করিতে পারে, তাহা হইলে সকলের বিশ্বাস হয় যে যথার্থ-ই তাহার উপর দেবীর ‘ভর’ হইয়াছে। তখন তাহাকে দেবীর প্রতিনিধি বলিয়া ধরিয়া লওয়া হয়, ও ভূত-ভবিষ্যৎ সম্বন্ধে নানারূপ প্রশ্ন করা হয়, বা হুঃসাধ্য রোগসমূহ সম্বন্ধে ঔষধ জিজ্ঞাসা করা হয়।

পূজার দিন নিকটবর্তী নদী বা পুষ্করিণীতে ঢাক ঢোল বাজাইয়া শোভাযাত্রা করিয়া ঘট ডুবাইতে যাওয়া হয়, কোথাও বা একজন গুণিন্কে সাপের অলঙ্কার পরাইয়া চতুর্দোলে চড়ান হয়। মেদিনীপুর সহরে গুণিন্ৰা হাঁটিয়া যায়, গলায় ও বাহুতে বড় বড় বিষাক্ত সাপগুলি জড়ান থাকে। রাস্তার লোকে মজা দেখিবার জন্য মাঝে মাঝে জুতা ও ঝাঁটার মালা গাঁথিয়া রাস্তার উপরে টাঙ্গাইয়া দেয়। একরূপ করিবার অর্থ, জুতার নীচ দিয়া ঠাকুরের ঘট লইয়া যাওয়া চলে না,—কাজেই সেই মালার দড়িটি মস্তবলে কাটিতে হইবে। একরূপ দড়ি কাটিতে আমরা কখনও দেখি নাই। গুণিন্ৰা বলে তাহাদের একরূপ করিবার ক্ষমতা আছে; কিন্তু পুলিশের ভয়ে তাহারা এই ক্ষমতার ব্যবহার করে না। কেন না, ফাঁসীর আসামীদিগকে ফাঁসীর দড়ি মস্তবলে কাটিয়া দিয়া তাহারা বাঁচাইতে পারে, এই আশঙ্কায় পুলিশ তাহাদিগকে গ্রেপ্তার করিতে পারে। যে ঘটটি আনা হয়, তাহার একটু বৈচিত্র্য আছে। ঘটের নিয়ে শত শত ছিদ্র থাকে কিন্তু ঘট ডুবাইবার সময় বা লইয়া যাইবার সময় যেন জল না পড়ে। ঐ কলসীটির মুখে একটি কলা-মোচার ছাঁচালো মুখ উর্দ্ধমুখে বসান থাকে। বাঁশের কুঁচি সক্ষ করিয়া কাটিয়া তাহাতে জবা ফুল গাঁথিয়া মোচাতে ফুঁড়িয়া ফুঁড়িয়া সাজাইয়া দেওয়া থাকে। কলসীটি একটি ত্রিশূলের উপর বসান হয়। একজন গুণিন্ ঐ ত্রিশূলটি বহিয়া লইয়া যাইতে থাকে।

নদীর ধারে ঘট ডুবাইবার সময়ও নানারূপ ‘গুণ’ বিদ্যার পরিচয় দেওয়া হয়। যে গুণিন্ ঘট ডুবাইবার সময় ঘট মাথায় করিয়া ডুবিলে, তাহার এমন নাকি মস্ত আছে যাহার দ্বারা তাহাকে আর জলের উপর উঠিতে দিবে না। বাঁশের ছিদ্রময় চালুনীতে জল ভর্তি করিয়া তুলিতে হইবে, যেন জল ছিদ্র দিয়া না গলিয়া পড়ে। আরও নানা রকম খেলা দেখান হয় সেগুলি আর বাহ্যলভয়ে লেখা হইল না।

ঘট ডুবাইবার পর যখন শোভাযাত্রা ফিরিয়া যায় তখন গুণিন্ৰা গান গাহিতে গাহিতে যাইতে থাকে; এবং মধ্যে মধ্যে শোভাযাত্রা থামাইয়া ঢোলের তালে তালে ‘সাকী’ গাওয়া হয়। এই ‘সাকী’ হইতেছে পুরাণ সম্বন্ধীয় প্রশ্ন ও উত্তরের আকারে রচিত কতকগুলি কবিতা। এগুলি গুণিন্ৰা অনেক পুরাণ গাঁথিয়া নিজেরা রচনা করিয়া রাখে, যাহাতে অল্প কেহ সে ‘সাকীর’ উত্তর দিতে না পারে। কাজেই গুণিন্ অল্পসারে ‘সাকী’ ও নূতন নূতন হয়। ‘সাকী’-গুলির শেষে অনেক সময় রচয়িতার নাম ও ঠিকানা দেওয়া থাকে। গুণিন্ৰা যদি ‘সাকী’র উত্তর দিতে না পারে, বড় অপ্রস্তুত হয়, আর যদি প্রশ্নের উত্তর দিতে সমর্থ হয়, তবে ঢাক ঢোল বাজাইয়া নাচিতে নাচিতে শোভাযাত্রা লইয়া মিছিল করিয়া চলিয়া যায়।

এইবার কতকগুলি 'সাক্ষী' যাহা সংগ্রহ করিতে পারিয়াছি তাহার মধ্যে কয়টি আপনাদিগকে উপহার দিব ; আশা করি, স্বধীগণ তাহার উত্তর দিয়া গুণিঙ্গণের মান রক্ষা করিবেন ।

(১)

একদিন পুরঞ্জন মৃগয়ার তরে ।
 প্রবেশ করিল গিয়া বনের ভিতরে ॥
 পথশ্রমে বসিল এক বৃক্ষের ছায়ায় ।
 আচম্বিতে রমণী এক দেখিবারে পায় ॥
 রমণীর রক্ষা হেতু ১১১ জন ।
 করিতেছে রমণীর পশ্চাতে ভ্রমণ ॥
 অগ্রেতে সর্প এক পঞ্চমুখ তার ।
 তার পর দশ জন পুরুষ আকার ॥
 পুরুষ আকার যেই দেখি দশ জন ।
 প্রত্যেকের দশট নারী দেখি কি কারণ ॥
 ইহার বৃত্তান্ত কথা বলিবে আমারে ।
 তবে 'সাক্ষী' মানি আমি সবার গোচরে ॥
 না বলিতে পার যদি ফিরে যাও ঘরে ।
 ঢাক ঢোল ঘট রেখে সবার মাঝারে ॥

(২)

কুণ্ডল রাখিয়া উতঙ্গ স্নান হেতু গেল ।
 ক্ষণক বেষে তক্ষক কুণ্ডল হরিল ॥
 উতঙ্গ ক্ষণককে যখন দেখিল ।
 দৌড়িয়া গিয়া তার জটেতে ধরিল ॥
 জটেতে ধরিয়া মাত্র নিজরূপ ধরি ।
 বিবরে প্রবেশি গেল পাতাল নগরী ॥
 কাষ্ঠের দ্বারাতে পথ করিতে লাগিল ।
 ইন্দ্র কৃপা করি তাহে বজ্র নিয়োজিল ॥
 বজ্রের আঘাতে এক স্ফুট হইল ।
 সেই স্ফুট দিয়া উতঙ্গ পাতালে প্রবেশিল ॥
 পাতালেতে নাগরাজ বহু স্তুতি করি ।
 দেখান আশ্চর্য্য এক যাই বলিহারী ॥
 দুইটি রমণী বসি তজ্জের উপরি ।
 কেহ স্তব্ধ কেহ ক্রম গুণে সারি সারি ॥
 বারোটি স্তম্ভেতে গুণে ছয় গাছি তার ।
 ২৪ পর্বেতে ৩৬০ শলাকা তার ॥

এক চক্রে গাঁথা তজ্জ বল সে কেমন !
 স্তনিব ইহার কথা এই নিবেদন ॥

(৩)

একদিন ভীমসেন যুগয়া কারণ ।
 ঘোর অরণ্যেতে তিনি করয়ে ভ্রমণ ॥
 ভ্রমিতে ভ্রমিতে গেলেন পৰ্ব্বত গুহায় ।
 আচম্বিতে এক সৰ্প দেখিবারে পায় ॥
 সৰ্প দেখি ভীমসেন তাবে মনে মন ।
 হেন সৰ্প পৃথিবীতে না দেখি কখন ॥
 বদন বিস্তার সৰ্প করয়ে যদ্যপি ।
 ত্রিপুর সহিত সব গ্রাসিবে পৃথিবী ॥
 সমুখে দেখিছে ভীমে করিয়া গর্জ্জন ।
 লেজের দ্বারায় তারে করিল বন্ধন ॥
 ভীমে গিলিবারে সৰ্প বদন বিস্তারিল ।
 সভয়েতে ভীম নিজ পরিচয় দিল ॥
 পরিচয় পেয়ে সৰ্প সকলি বুঝিল ।
 তবে সৰ্প তারে এক প্রস্থ করিল ॥
 উত্তর করিতে ভীম না পারিল তার ।
 সৰ্প বলে এইবার করিব আহার ॥
 উদ্ধার করহ গুণী ভীমের জীবন ।
 সৰ্পরূপ ধরে বল কেব। সেই জন ॥

(৪)

শুন শুন সর্বজন করি নিবেদন ।
 পরীক্ষিতে সর্পাঘাত হইল যখন ॥
 বহুরূপ মন্ত্র বিদ্যা পৃথিবীতে ছিল ।
 বেদ-মন্ত্র-বলে সৰ্প অগ্নিতে পুড়িল ॥
 যে মন্ত্র প্রভাবে ভাই নন্দের নন্দন ।
 কালিদহে করেছিল কালীয় দমন ॥
 তক্ষক নাগ নিয়েছিল ইজের শরণ ।
 মন্ত্র তেজে ইন্দ্র সহ টলে ইন্দ্রাসন ॥
 দেব দেব মহাদেব দেব শূলপাণি ।
 সমুদ্রে মস্থনে বিষ খাইল আপনি ॥
 বীজ-মন্ত্র শুনে শিবের বিষ ভয় হল ।
 অচেতন ছিল শিব উঠিয়া বসিল ॥

মৃত-সঞ্জীবন যজ্ঞে পূর্বে মূনিগণে ।
 মৃতকে জিয়াতে পারে শুনেছি পুরাণে ॥
 সিকুম্বুনি ঋষিগণ ছিলেন তথায় ।
 কেহ কি নহিল শকা রাখিতে রাজ্যায় ॥
 ব্রহ্ম-শাপে মুক্ত রাজা তক্ষক দংশনে ।
 পরে কেন না জীয়াল মৃত-সঞ্জীবনে ॥
 ইহার বৃত্তান্ত কথা বলিবে আমারে ।
 এই সব থাকিতে কেন পরীক্ষিত মরে ॥

এই শেষোক্ত প্রশ্নের উত্তর যাহা শুনিয়াছি তাহা এই,—

শুন শুন সর্বজন করি নিবেদন ।
 সর্পাঘাতে পরীক্ষিত মৈল কি কারণ ॥
 ধ্যানমগ্ন ঋষিবর অচেতন ছিল ।
 কীড়াচ্ছলে পরীক্ষিত সর্প গলে দিল ॥
 ধ্যান-ভঙ্গে কোধে ঋষি শাপ তারে দিল ।
 সপ্নাহের মধ্যে তারে তক্ষক দংশিল ।
 পরমায়ু শেষ রাজার কে রক্ষিতে পারে ।
 ব্রহ্ম-শাপে মহারাজ পরীক্ষিত মরে ॥

‘সাক্ষী’ হল সমাধান

ভগ্নভূমি নিজ স্থান

কোতবাজারে বাড়ী হয় ।

দুস্তাদ মোর অগিল গুণী

বহুত গুণের গুণাগুণী

তার শিষ্য এই ‘সাক্ষী’ কয় ॥

‘সাক্ষী’ শুনি তুষ্ট এবে ছাড়ি দেহ স্থান ।

বাজুক বিষম ঢাক চলুক আপান ॥

মাকে আনতে যাব রে—ইত্যাদি ।

শ্রীসতীশচন্দ্র আঢ্য

বিভিন্ন বৌদ্ধসম্প্রদায় *

বুদ্ধের উপদেশ

সম্যকসম্বোধি লাভের পর মহাত্মা শাক্যবুদ্ধ আত্মসত্য ও প্রতীত্যসমুৎপাদ প্রচার করেন। দুঃখ, সমুদয়, নিরোধ ও মার্গ এই চারিটি সত্যই আত্মসত্য। দুঃখ থাকিলেই তাহার সমুদয় বা কারণ আছে। সেই দুঃখের নিরোধ করিতে অবশ্যই পন্থা বা মার্গ আছে। আবার দুঃখের প্রকৃত কারণ বা নিদান জানা চাই। অবিদ্যা, সংস্কার, বিজ্ঞান, নামরূপ, ষড়ায়তন, স্পর্শ, বেদনা, তৃষ্ণা, উপাদান, ভব, জাতি, ও জরামরণ এই দ্বাদশ নিদানই প্রতীত্যসমুৎপাদ। অজ্ঞানতাই অবিদ্যা, কিঞ্চিন্নাত্র চেতনার সংস্কার, পূর্ণ চেতনা হইলে বিজ্ঞান, তৎপরে ত্রব্যের নাম ও রূপের জ্ঞান জন্মে, নামরূপের উপলব্ধি হইলে ষড়ায়তন বা ষড়িন্দ্রিয়ের ক্রিয়া আরম্ভ হয়। সেই ইন্দ্রিয়-ক্রিয়া হইতে বাহিরের বস্তুর সহিত স্পর্শ ঘটে, সেই সংস্পর্শ হইতে বেদনা বা অমুভূতি, অমুভূতি হইতে তৃষ্ণা বা দুঃখ দূরীকরণ ও সুখপ্রাপ্তির ইচ্ছা। এই তৃষ্ণা হইতে উপাদান বা কার্ষ্যের চেষ্টা। চেষ্টার মধ্যে এমন একটা অবস্থা আসে যাহা ভালও হইতে পারে বা মন্দও হইতে পারে, এই অবস্থার নাম ভব। তাহার পরেই জাতি বা নবজীবনের উৎপত্তি। যাহার উৎপত্তি আছে তাহার বিনাশ অবশ্যস্বাবী, সুতরাং জীবনে শোক দুঃখ জরা মরণ অবশ্যই ভোগ করিতে হইবে। যাহাতে এই জরা মরণ দুঃখাদি হইতে নিস্তার পাওয়া যায়, সেই পন্থা আবিষ্কার করাই বুদ্ধ ধর্মের মুখ্য উদ্দেশ্য। যাহা ক্ষণস্থায়ী ও পরিবর্তনশীল, তাহাই অমঙ্গল। এই অমঙ্গল পরিহার করাই জীবের প্রধান কর্তব্য।

নির্জ্ঞান-কামী জীবের চারিটি অবস্থা অতিক্রম করিতে হয়। যাহারা ক্রমে ক্রমে এই চারি অবস্থা লাভ করিয়াছেন, তাহাদের নাম যথাক্রমে :—স্রোতঃ-আপন্ন, সুরুদাগামী, অনাগামী ও অর্হং। ইহাদের নাম শ্রাবক বা সেবক। (১) যিনি প্রথম অবস্থা প্রাপ্ত হইয়াছেন, তাহার নাম স্রোতঃ-আপন্ন। ইনি সংযোজন বা মানব প্রকৃতির প্রথম তিন বন্ধন অতিক্রম করিয়াছেন, তাহার আর কোন বিপদের ভয় নাই। (২) যিনি আর একবার মাত্র মানবজন্মলাভ করিবেন, তিনি সুরুদাগামী। তিনি রাগ, দ্বেষ ও মোহ এই তিন বিপক্ষেও অনেকটা বশীভূত করিয়াছেন। (৩) পঞ্চ বন্ধন হইতে যিনি মুক্ত হইয়াছেন, তিনিই অনাগামী। কামশোকে তাহার আর পুনর্জন্ম হইবেনা। ব্রহ্মলোকে জন্ম হইবে। (৪) যিনি সমুদয় মলিনতা দূর করিয়াছেন, সকলপ্রকার ক্লেশ উপেক্ষা করিতে সমর্থ হইয়াছেন, কোনপ্রকার প্রলোভনেও যিনি নীতিপথ হইতেই বিচ্যুত হন নাই, যাহার

* ১৩৩৭ সালের ১০ই চৈত্র তারিখে বঙ্গীয়-সাহিত্য-পরিষদের দশম মাসিক অধিবেশনে পঠিত। হরপ্রসাদ-সংবর্দ্ধন-লেখমালার জন্ত 'বঙ্গে আধুনিক বৌদ্ধধর্ম' শীর্ষক এক প্রবন্ধ লিখিত হয়, এই প্রবন্ধ তাহার প্রথমার্ধ; শেষার্ধ উক্ত লেখমালার মধ্যে মুদ্রিত হইয়াছে।

সমস্ত কর্তব্য কর্ষ সম্পন্ন হইয়াছে এবং যাহার সমস্ত বন্ধন ছিন্ন হইয়াছে, তিনিই অর্হৎ । তাঁহার আর পুনর্জন্ম হইবে না ।

যাহারা উক্ত চারি অবস্থার পথিক তাঁহারা ই প্রকৃত আর্হ্য । আর্হ্যের জীবনের মুখ্য লক্ষ্য নির্ক্ষাণলাভ । নির্ক্ষাণ আবার দুই প্রকার—অর্হতেরা এই সংসারে থাকিয়া যে নির্ক্ষাণ-লাভ করেন, তাহাই প্রথম নির্ক্ষাণ ।—ইহাই বৈদাস্তিকগণের জীবমুক্তি । অগ্র নির্ক্ষাণের নাম পরিনির্ক্ষাণ । মৃত্যুর পর বুদ্ধগণই এই নির্ক্ষাণের অধিকারী । এই নির্ক্ষাণলাভে চিরকালের জন্ত সকল প্রকার যন্ত্রণার অবসান হয় । বিশুদ্ধ আনন্দের অবস্থা এবং অনন্ত কালস্থায়ী । বৌদ্ধধর্মের উহাই মূল সূত্র ।

শাক্যবুদ্ধ ও তাঁহার অমুর্ষর্তী প্রধান শিষ্যগণ প্রথমে যে ধর্ম প্রচার করিয়াছিলেন, তাহাই প্রধানতঃ ভিক্ষু বা সন্ন্যাসীর ধর্ম । পরে যখন গৃহিণী বৌদ্ধধর্ম গ্রহণ করিতে লাগিলেন, তখন তাঁহাদের উপযোগী ধর্মের ব্যবস্থা হইল । কালে উক্ত মতবাদের উপর বহু অবাস্তর শাখা-প্রশাখা প্রচলিত হইয়াছিল । প্রধানতঃ বৌদ্ধসমাজ তিনটি যানে বিভক্ত হন,—১ম শ্রাবকযান, ২য় প্রত্যেকযান, ৩য় মহাযান ।*

প্রথম যাহারা বুদ্ধের পূর্বোক্ত উপদেশ অনুসারে চলিতেন, তাঁহারা শ্রাবকযান নামে পরিচিত হন । বুদ্ধ নির্ক্ষাণের পাঁচ শত বৎসর, আবার কাহারও মতে তাহারও কিছু পরে মহাযান বা সার্কজনিক ধর্মমত প্রচলিত হয় । মহাযান সম্প্রদায় পূর্বোক্ত শ্রাবকযানকে সর্কার গভীর মধ্যে নিবদ্ধ দেখিয়া তাঁহাকে হীনযান বলিয়া নিন্দা করিতেন । এইরূপে তিনটি মান থাকিলেও প্রধানতঃ বৌদ্ধগণ হীনযান ও মহাযান এই দুই সম্প্রদায়ে বিভক্ত হইয়াছিলেন ।

হীনযান ও মহাযান

হীনযান হইতে বৈভাষিক এবং মহাযান হইতে সৌজাত্তিক, মাধ্যমিক ও যোগাচার মত প্রবর্তিত হয় । আচার্য্য নাগার্জুন মাধ্যমিক মত প্রচার করেন । তাঁহার মূল মন্ত্র “সর্কম্ অনিত্যং সর্কং শূন্তং সর্কং অনাত্মম্ ।” উপনিষদ্ ও গীতার “পরমব্রহ্ম”ই নাগার্জুন কর্তৃক “মহাশূন্য” নামে প্রচারিত হইয়াছে । শঙ্করাচার্য্য-প্রবর্তিত বৈদাস্তিক মায়াবাদ ও মাধ্যমিকের শূন্যবাদ মূলতঃ এক । নাগার্জুন ঘোষণা করেন—ব্রহ্মা, বিষ্ণু, শিব, তারা প্রভৃতি দেবতার পূজা, যাহা শাস্ত্রে বিহিত আছে, ঐহিক বা সাংসারিক মঙ্গলের জন্য তাহা করণীয় । এই দেবমুর্তি পূজা প্রচলিত হইলে ব্রাহ্মণেরা মহাযান শ্রমণদিগকে অনেকটা অধর্মী বলিয়া মনে করিয়াছিলেন ।

মহাযান ধর্মের বহুল প্রচারের কারণ এই সম্প্রদায় ভক্তিকে শ্রেষ্ঠ আসন দিয়াছিলেন । ইহাদের মতে ধ্যান, ধারণা ও সাধনা ধর্মের অঙ্গমাত্র । সর্কজীব দয়া ও সহানুভূতি এই ধর্মের লক্ষ্য । কর্ষশূন্য অর্হৎগণ অপেক্ষা দয়া ও সহানুভূতিপূর্ণ বোধিসত্ত্বগণকেই ইহার শ্রেষ্ঠ মনে করিয়া থাকেন ।

মহাযান ও হীনযান মধ্যে মতবিরোধ থাকিলেও সকলের চরম গতি এক। সকলেই তথাগতের এই বাণী বিশ্বাস করেন, “আমি সকল জীবকেই নির্দ্ধারের পথে লইয়া যাইব।” “সমুদয় জীব আমারই সন্তান।”

মন্ত্রযান

মহাযান সম্প্রদায়ের মধ্যে যাহারা পতঞ্জলির যোগশাস্ত্র-নির্দিষ্ট জীবাভ্যা ও পরমাভ্যা মিলনরূপ যোগ স্বীকার করিতেন, তাঁহারা ‘যোগাচার’ বলিয়া নির্দিষ্ট হইয়াছিলেন। এই যোগাচার হইতে খ্রীঃ ৭ম শতকে মন্ত্রযানের উদ্ভব হইয়াছিল। এই সম্প্রদায় নানা প্রকার চক্র, জপ, তপ, মন্ত্রতন্ত্রাদি বিশ্বাস করিতেন বলিয়া ‘মন্ত্রযান’ নামে পরিচিত হন।*

মন্ত্রযানের ভিতর তন্ত্র ও ইন্দ্রজালের প্রভাব প্রবেশ করিয়া মূল বৌদ্ধধর্মের রূপ সম্পূর্ণ পরিবর্তন করিয়া ফেলিল। খ্রীষ্টীয় ৯ম শতকে একব্রহ্ম বা শূণ্যবাদের ভিতর বহুদেববাদ আসিয়া মিলিত হইল; তখন বৌদ্ধ তান্ত্রিকে ও হিন্দু তান্ত্রিকে বিশেষ পার্থক্য রহিল না।

বজ্রযান

মন্ত্রযানের মধ্যে যাহারা বেশী তান্ত্রিক বা শাস্ত্র হইয়া পড়িয়াছিলেন তাঁহাদের দ্বারা বজ্রযানের উৎপত্তি হইয়াছিল। তাঁহাদের মধ্যে দেবী কালীর মূর্তির সহিত ধ্যানী বুদ্ধমূর্তির পূজা বিশেষভাবে প্রচলিত হইয়াছিল। আদিবুদ্ধের সহিত মহাকালীর মিলনরূপ গুরুত্বই এই সম্প্রদায়ের লক্ষ্য ছিল। তাঁহাদের এই গুরু পদ্ধতি খ্রীঃ ১০ম শতকে ‘কালচক্র’ নামে চলিয়াছিল। নানাপ্রকার বুদ্ধ, বোধিসত্ত্ব ও ডাক ডাকিনীর সাধনায় সিদ্ধি হইতে পারে, ইহাই বজ্রযান ও কালচক্রযানের লক্ষ্য ছিল। অহংপদ বা সম্যকসম্বোধিলাভ যে মহাধর্মের চরমলক্ষ্য ছিল, নানা বীভৎস তান্ত্রিক ব্যাপার লইয়া সেই ধর্মে বজ্রযান, পরে কালচক্রের প্রাদুর্ভাব হইয়া পড়িল।

পাল-রাজবংশ ও অনুত্তর-মহাযান।

পালবংশের সংস্কার, প্রবৃত্তি মার্গ ও নিবৃত্তিমার্গ

খ্রীষ্টীয় ৯ম শতকে গোড়ে পালরাজবংশের অষ্টমীয় প্রভাব প্রসারিত হয়। গোড়াধিপ ধর্মপাল হইতে পরবর্তী সকল পালনৃপতিই বৌদ্ধ ধর্মের সংস্কারে মনোযোগী ছিলেন। তাঁহাদের শাসনকালে খ্রীষ্টীয় ৯ম, ১০ম, ও ১১শ শতকে বহু বৌদ্ধ পণ্ডিত জন্মগ্রহণ করিয়াছিলেন, তাঁহারা সকলেই পালরাজগণের নিকট যথেষ্ট উৎসাহলাভ করিয়াছিলেন। তাঁহারা বহুতর ধর্মগ্রন্থ রচনা করিয়া ধর্মসংস্কারে যথেষ্ট সাহায্য করিয়াছিলেন, সেই সকল গ্রন্থের অমূল্য তত্ত্বের চেষ্টা গ্রন্থে সন্নিবিষ্ট রহিয়াছে। তাঁহাদের উপদেশ ও লেখনীর গুণে যেমন একদিকে মহাযান ধর্মের সংস্কার চলিতেছিল, অপর দিকে বজ্রযানের মধ্যে ও পরে কালচক্রযানের ভোগবিলাসমূলক শক্তিসাধনা, বীভৎস শব্দ সাধনা, ও নানাপ্রকার কুৎসিত অনাচারে লোক সাধারণকে প্রবৃত্তিমার্গে পরিচালিত

* পঞ্চপুণ্য, ১৩৩৬ খালে আবার সংখ্যার ডক্টর শ্রীযুক্ত বিনয়ভোষ ভট্টাচার্যের ‘মন্ত্র’ গ্রন্থে ‘মন্ত্রযানের’ বিশদ পদ্ধতির প্রকাশিত হইয়াছে।

করিতেছিল। বলিতে কি, গোড়বন্ধের অধিকাংশ লোকই আপাতস্বথকর প্রবৃত্তিমাগে গা ঢালিয়া দিয়াছিল। প্রবৃত্তিই সকল শোক দুঃখের কারণ। তপস্যা ও ধ্যান ধারণা দ্বারা আনন্দময় অবস্থালভই নিবৃত্তিমাগের আকাঙ্ক্ষা—এই অবস্থায় মহাশূন্তজ্ঞান দ্বারা নির্দোষপদপ্রাপ্তিই নিবৃত্তিমাগের শেষ লক্ষ্য।

প্রবৃত্তি ও নিবৃত্তিমাগে ভেদাভেদ

প্রবৃত্তি ও নিবৃত্তি উভয়ের পথ সম্পূর্ণ ভিন্ন। সুখস্বচ্ছন্দ ও ভোগবিলাস দ্বারা আদিবুদ্ধ ও আদিপ্রজ্ঞা অর্থাৎ পুরুষ ও প্রকৃতির মিলনই প্রবৃত্তিমাগের নিকট মোক্ষ, প্রেম, শুদ্ধি ও মহাত্যাগ দ্বারা আত্মার মহাশূন্তে লয়ই নিবৃত্তিমাগের নিকট চরম নির্দোষ।

পালবংশের রাজনীতি

পালবংশ বৌদ্ধ হইলেও তাঁহাদের রাজসভায় ব্রাহ্মণ ও শ্রমণ আচার্য্যগণ সমভাবে সম্মানিত হইয়াছিলেন। মহাবীর রাজরাজেশ্বর ধর্ম্মপাল একদিকে যেমন ব্রাহ্মণ পণ্ডিতের সম্মানার্থ বহু তামশাসন দান করিয়া ব্রাহ্মণ-প্রতিষ্ঠা করিয়া গিয়াছেন, অপর দিকে বিক্রমশিলায় প্রসিদ্ধ বৌদ্ধ বিশ্ববিদ্যালয় প্রতিষ্ঠা করিয়া বৌদ্ধশাস্ত্র শিক্ষা দিবার জন্য ১০৮ জন বৌদ্ধাচার্য্য নিযুক্ত করিয়াছিলেন। তাহারই সময়ে মহাবান মতের উপযুক্ত সংস্কারের আয়োজন হইয়াছিল। তৎপুত্র পরমসৌগত নৃপতি দেবপাল যশোবর্ষপুরে বিহার পত্তন করেন। ইহাই অধুনা ‘বিহার’ নামে পরিচিত। রাজা দেবপালের সময়েই নগরহার-নিবাসী বৌদ্ধাচার্য্য বীরদেব যশোবর্ষপুরে বজ্রাসন প্রতিষ্ঠা করিয়াছিলেন। এই দেবপালই উক্ত বীরদেবকে নালন্দা-বিহারের পরিচালন ভার দিয়াছিলেন।

বজ্রাচার্য্যগণ ও সহজাচার্য্যগণ

ভিকরতীয় টেক্সুর হইতে নানা বৌদ্ধগ্রন্থ-প্রণেতা নিম্নলিখিত বজ্রাচার্য্যগণের নাম পাওয়া গিয়াছে। বরেন্দ্রবাসী মহাচার্য্য চন্দ্রগোমিন, কায়স্থচার্য্য টঙ্কদাস, জগদলবাসী দানশীল ও মহাপণ্ডিত বিভূতিচন্দ্র, মহাপণ্ডিত জ্ঞানশ্রী বা জ্ঞানবজ্র, কায়স্থ মহোপাধ্যায় গয়াধর, মহাচার্য্য কায়স্থ তথাগত রক্ষিত, সরহ বা রাহুলভদ্র, বৈরোচনবজ্র, দীপঙ্কর শ্রীজ্ঞান অতিশ, দুর্জয়চন্দ্র, নারো বা নাড়পাদ, প্রজ্ঞাবক্ষা, রাহুলশ্রী, লুইপাদ, বিতাকরসিংহ, সিদ্ধাচার্য্য জালন্ধরীপাদ, ভূত্বকু, কাহুপা বা কুকাচার্য্য, ধর্ম্মপাদ বা ধামপা, কহল বা কামলী, কহল বংশে কহণ, বিরূপ, শান্তিপাদ, শবরীপাদ, চাটিল, কুকুরীপাদ, অদ্বয়বজ্র, লীলাপাদ, স্বগণ, মৈত্রীপাদ, গুরুভট্টারক বৃষ্টিজ্ঞান, মাতুচেট, মহাস্থতাবজ্র, কুমারচন্দ্র, মগধরাজ ডোম্বী হেরুক ও আচার্য্য তারিণীসেন। এতদ্ভিন্ন বৌদ্ধ সহজিয়া আচার্য্যদিগের মধ্যে টেক্সুরে আচার্য্য কালপাদ, কহালিন্ বা কুস্তকার, কুমার কলস, কুশলীপাদ, তেলিপ বা তৈলিকপাদ, ও উপাধ্যায় জয়দেবের নাম পাওয়া যায়।

বিদ্বতী আচার্য্য মহিলা

উপরোক্ত আচার্য্যগণই যে সমন্বয়পযোগী বৌদ্ধশাস্ত্র রচনায় প্রবৃত্ত হইয়াছিলেন কেবল তাহাই নহে। অনেক আচার্য্য-মহিলা বা বৌদ্ধ ভিক্ষুণী বৌদ্ধশাস্ত্র রচনা করিয়া